


# WANTOK



Wan Wik, Julai 7 - 13, 2005 NAMBA 1616 Niuspepa bilong yumi ol PNG stret! K1.00 long Mosbi tasol - Ausait Mosbi K1.30



**PES 3:** Pipel agen-sim pasin bilong kilim bebi



## Nupela pis long Wara Flai...

DISPELA pis we het bilong em i olsem het bilong snek na i ken stap ausait long wara na pulim win nau i wok long go planti insait long Wara Flai. Painimaut moa long dispela pis long PES 3.



**PES 7:** Yam i ken groa long Hailans



**PES 18-19:** Raun long Buka Maket



**Ritim rait man Kanage long pes 23**

# PIPELI BELHAT

James Kila i raitim

PLANTI manmeri tru insait long PNG tude i tokaut olsem ol lida em ol as bilong dispela bikpela hevi bilong gan we i bagarapim sindaun bilong ol manmeri long kantri tude.

Ombudsmen Komisina, John Toguata i tokaut long dispela insait long ripot em i kisim taim ol lain bilong PNG Gans Kontrol Komiti i bin mekim raun bilong ol insait long kantri. Em i tokaut long dispela long PNG Gans Kontrol Samit o kibung we i stat long Goroka long Mande.

Mista Toguata i tok em i no poret long tokaut wanem ol samting ol manmeri long kantri i bin tokim em taim em wantaim Gan Komiti i bin mekim lukluk raun bilong ol i go long ol dispela hap olsem Sauten Hailans, Simbu, Isten

## ...Ol lida i stap long as bilong gan hevi

Hailans, Enga na ol narapela provins.

Sampela samting ol pipel i tokaut em Mista Toguata i autim long en em:

- Ol lida i no wari moa long ol pipel
- Ol lida i mekim planti pauf pasin
- Ol lida yet i go pas long baim gan na tu tilim long ol lain bilong ol
- Ol lida i yusim gan long kamap olsem bikman
- Lida i yusim gan long daunim fridom bilong ol manmeri
- Ol lida i no moa luksave long lo bilong kantri
- Na ol lida em ol pipel i makim i no moa gat kontrol long ol pipel na wanem wok ol bai

mekim.

Mista Toguata i tokaut olsem long raun bilong PNG Gans Kontrol Komiti planti pipel long PNG i gat bikpela belhat tru long ol lidas. Bagarap bilong dispela kantri i kamap bikos long ol asua bilong ol lida bilong yumi.

"Ol pipel i no poret long tokaut long dispela taim mipela i raun long ol provins long kisim toktok bilong ol. Planti bilong ol i tok ol i les na tait pinis long harim ol lida husat i mekim bikpela rong o asua tasol bihain kot i save larim ol i go fri tasol."

Taim ol lida i lus tingting long harim kraik bilong ol pipel i save belhat na kamapim asua.



## K30 TRADE-IN OFFER BILONG KEROSENE LAMP

Sapos yu gat olpela kerosene lamp na emi no wok o bagarap, noken trom oi! Karim olpela kerosene lamp kam na bai mipela givim yu \*K30 discount long niupela Coleman kerosene lamp.

\*Yu no nap kisim moni. K30 ol i rausim long prais bilong niupela Coleman 214 o K6 model kerosene lamp.

**Brian Bell**  
Shop with a friend



Wanpela trade in tasol long wanpela niupela Coleman lamp

PROMOSEN BAI KAMAP JULY 4TH NA PINIS AUGUST 12TH, 2005

DISPELA PROMOSEN ISTAP LONG OLGETA BRIAN BELL STOA NA WANWAN DEALER HUSAT I WOKIM DISPELA PROMOSEN.



COLEMAN KEROSENE LAMP SPARE PARTS ISTAP

PNG GAN KONTROL KIBUNG

# Bogenvil stori long gan

JAMES KILA i raitim

**WANPELA 4-memba delegesin bilong Bogenvil nau i stap long Goroka, Isten Hailans provins long givim eksplians bilong ol long PNG Gan Kontrol Samit.**

Dispela kibung we i kamap long Auditorium bilong Yunivesiti ov Goroka i putim planti ol bikman bilong gavman na bisnis na tu ol palamen membas long go sindaun na harim ol tok-tok na wanem ol bikpela rekomendesin bai kamap.

Dispela ol lida bilong Bogenvil husat i go long Goroka em Hillary Masiria, husat em Minista bilong Plis na Jastis long nupela Bogenvil Autonomos Gavman i go pas long en.

Dispela Bogenvil delegesin bai givim tok-tok long pasin bilong yusim gan we i bagarapim gutpela sindaun long Bogenvil hevi. Wanpela lida meri bilong Bogenvil, Theresa Jaintong tu i stap wantaim dispela delegesin i go long Goroka.

Dispela bikpela kibung long Goroka i lukim Intenol Sekuriti Minista, Bire Kimisopa i givim toktok bilong em bikos dispela lida tasol i go pas long kirapim dispela PNG Gan Kontrol Komiti long lukluk i go insait long rot bilong stretim dispela hevi bilong gan we i bagarapim gutpela sindaun bilong ol manmeri na pikinini insait long kantri.

Ol lain husat i stap long dispela samit em Difens Minista, Mathew Gubag, Difens Fos Komanda Peter Ilau, CS Minista Posi Menai na Plis Komisina Sam

Inguba. Planti ol nara-pela lida bilong ol lo na jastis na tu ol NGO i gat ol lain i makim ol long dispela bikpela kibung long Goroka.

Mista Kimisopa long toktok bilong em i givim tok tenkyu bilong em i go long Rataid Meja Jenerel, Jerry Singirok wantaim ol komiti bilong em husat i karimaut wanpela bikpela wok tru long kisim tingting bilong planti lain tru long olgeta hap bilong kantri.

Mista Kimisopsa i tokaut olsem em bai lukluk gut tru long wanem ripot i kamaut long dispela bikpela

PNG Gan Kontrol Samit long Goroka na bai givim sapot bilong em long wanem ol tingting ol liklik manmeri i givim em i no ken go wara nating.

Minista Kimisopa i tok tu olsem taim ol komyuniti i stap na givim tingting dispela kain pasin bilong daunim na rausim gan insait long komyuniti bai i pinis.

Minista i givim tok tenkyu bilong em tu i go long AusAID, UNDP na gavman bilong Nu Silan long sapotim kamap bilong dispela PNG Gan Kontrol Samit.

# No inap salim demokresi

...Askim Ona long wok wantaim ABG

SINGAUT i go long papa bilong Bogenvil hevi Francis Ona long sapotim Otonomes Bogenvil Gavman (ABG) na wok wantaim ol pipel bilong Bogenvil long samting we ol bin pait hat long em long planti yia. Na tu, dispela em i demokretik gavman na i gat luksave long intenesenel level.

Lida bilong OBG Presiden Joseph Kabui i bin wokim dispela singaut bihainim ol toktok Mista Ona i mekim na i kamap long Post Courier niuspapa.

Taim Presiden Kabui i tok em i gutpela samting Mista Ona i wok long kamaut long planti yia bilong pasim maus i stap na nau em i toktok, em i tok yumi gat OBG we yumi kirapim tasol we i kamap bikos ol pipel i bin yunait na wok hat na moabeta Mista Ona i kam insait long wok bilong sapotim na go hetim wok bilong nupela Bogenvil gavman.

"Nau yumi gat namba wan trupela demokretik gavman long Bogenvil bihain long 15 yias na i gutpela long yumi toktok wantaim Me'ekamui. Bogenvil i gat as na faundesin long sanapim dispela gavman na dispela as em long yuniti.

"Sapos Mista Ona i laik ranim demokretik gavman bilong Bogenvil, em bin gutpela sapos em bin sanap long fri na fea iteksen bilong ABG. Tru, gavman bilong yumi bai painim hat long salt bilong mani long ranim ol wok tasol bai yumi painim rot. Olgeta pipel long Bogenvil i wok long bungim mani hevi na i no gavman tasol. i moabeta long Mista Ona long tingting gut na yusim bikpela manimak bilong em long kompensetim ol pipel long bikpelas hevi ol bin karim long nem bilong em," Presiden Kabui i tok.

Presiden Kabui i tok taim Nesenel Gavman i peim ol lain husat i bin wok wantaim ol long taim bilong hevi na nau yet, ol i wok long peim ol eks paitman bilong resistens grup, Mista Ona i no mekim wanpela samting long peim ol lain husat i bin pait long woa em yet i bin statim.

Em i tok dispela bikpela mani Mista Ona i tok i gat em ol pipel bilong em i laikim na i no bilong em long yusim na daunim demokretik gavman ol pipel i laikim, wok hat long kirapim na sapotim i stap long karimaut wok.

Na Presiden Kabui i tok Mista Ona i nogat rait tu long yusim bikpela mani we em i bungim taim hevi em i statim i bin kisim laip bilong samting olsem 20,000 pipel na daunim ABG we i wanpela demokretik gavman long fosim dikteta gavman bilong em.

"Mipela i askim Mista Ona long tingim gut posisen bilong em, glasim wantaim ol samting we ol Bogenvil pipel i laikim na joinim mipela long dispela bikpela demokretik wokabaut we bai kisim yumi i go long trupela independens we intenesenel level bai givim luksave long en," Presiden Kabui i tok.

Em i tok ABG bai kamap gut wantaim sapot bilong olgeta manmeri bilong Bogenvil na em bai kamap long hatwok bilong ol fama, save bilong ol lain i kisim gutpela skul na wisdom o gutpela bilong ol sief na ol meri na kontribusen bilong ol bisnis komyuniti na ol lain i wok long graun olsem Mista Ona tasol.

## Pipel tok gavman etministresen sistem dai pinis - Sir Barry Holloway

OL RIPOT na toktok ol lain memba bilong PNG Gan Kontrol Komiti i kisim long ol pipel i soim olsem planti pipel long kantri tude i lukim olsem edministresin sistem bilong

gavman i dai pinis. Wanpela sinia memba bilong PNG Gan Kontrol Komiti, Sir Barry Holloway i bin mekim dispela toktok long Mande long Goroka long taim bilong

PNG Gan Samit we i kamap long Auditorium bilong Yunivesiti ov Goroka.

Sir Barry i tokaut strong tru olsem planti ol pipel i lukim olsem sistem bilong edministresin

bilong gavman stat long Waigani i go daun long ol provins na distrik long kantri i go bagarap olgeta.

Sir Barry i tok ol pipel yet i bin autim wari bilong ol na tok olsem nau long dispela taim i nogat gutpela wok bung wantaim i kamap namel long gavman na ol lain-ejensi long givim servis i go long ol pipel. Mani bilong mekim wok i save pinis antap tasol na i no save go daun tru long ol distrik na lokal level gavman.

Sir Barry i tokaut olsem kantri PNG em politiks i go bikpela tru na i winim pasin bilong lukautim gut wok na long sait bilong edministresin.

Em i tok ol pipel yet i glasim wok bilong ol dispela 3-pela level bilong gavman na i tokaut olsem dispela ol lain i no bringim servis tru i go daun long ol pipel.

Narapela bikpela hevi tu em ol lokal level gavman (LLG) long dispela taim i nogat baset bilong ol.

"Ol pipel yet i skelim olsem aninit long dispela edministresin sistem olgeta pawa i wok long stap long wanpela hap tasol na fridom o demokresi bilong edministresin i go

bagarap tru," Sir Barry i tokaut.

Narapela bikpela tok-tok em Sir Barry i autim long dispela kibung em olsem planti ol lida husat i holim ol bikpela posisen long ol gavman dipatmen i tingting long ol yet na taitol bilong ol na ol save was gut tru long posisen bilong ol. Dispela i mekim na ol i no save kamdaun na lukluk gut long hevi bilong ol liklik manmeri long ples.

Dispela bikpela kibung long Goroka we i op long Mande i lukim ol bikman bilong ovasis tu i bin stap long givim toktok bilong ol olsem maus man bilong UNDP na tu Deputi Hai Komisina bilong Australia, Katrina Cooper.

Mausman bilong Yunaitet Nesens Developmen Program (UNDP) Gary Wiseman i tok olsem UNDP i amamas long stap wantaim dispela komiti.

Mista Wiseman i tok olsem dispela PNG Gan Kontrol Samit i kamap long rait-pela taim stret bikos insait long wol tude planti kantri i gat hevi long sait bilong woa na pait na tu ol kain samting olsem i kamap bikos long hevi bilong gan.

**MEDIA COUNCIL OF PAPUA NEW GUINEA**

**POSITION VACANT: ASSISTANT ADMINISTRATION OFFICER.**

The Media Council of PNG is looking for a **Assistant Administration Officer** to assist in the work of the Media Council Secretariat.

**Are You Interested?**

Do you have:

- A Grade 12 certificate
- Strong Secretarial skills
- The ability to type minimum of 50 words p/min.
- Short hand skills
- Strong record keeping skills
- The skills of a good organiser and can be well presented.
- Proven record of secretarial work and administration work.
- A fair knowledge and skills in finance and basic accounting procedures.
- Ability and skills to work as a teamplayer.

If you meet the above requirements and wish to apply, please do the following:

Address your application to:

Media Council of PNG  
PO Box 135  
Port Moresby  
Or deliver it to the Media Council office, Level 1, Deloitte Tower, Port Moresby.

Closing Date: Friday 22<sup>nd</sup> July 2005.



# Nupela pis long Flai Riva

Ian Kakarere i raitim

**FLAI Riva sistem long West-en provins i gat nupela kain pis.**

Not Flai Distrik Fiseris opisa Robert Alphonse Kaiyun i tok ol i kolim dispela nupela pis long "Straip Sneket" na ol fisaman i wok long kisim na salim long maket.

Mista Kaiyun i tok Strai Sneket em ol i ken painim long Saina, India na Esia na em in kam olsem long Filipins na Indonesia na ol bin lukim pastaim

long Wes Papua long 1989. Em i no klia wanem yla o taim tru dispela pis i bin kam insait long wara bilong PNG tasol pis ya i gat sampela samting we i soim rot em i bin kam insait long wara bilong PNG.

Mista Kaiyun i tok dispela pis i gat wanpela hap we i helpim long stap ausait long wara na em i ken haitim em yet long taiswara long-pela taim.

Het bilong pis em i wankain olsem het bilong snek na kala bilong skin em braun na grin wantaim bilakpela lain antap long en.

Tel bilong em i ret. Ol yangpela pis i gat kain kain kala long skin bilong em na long ol kantri long Esia i save putim ol long ol glas i gat wara long em.

Sneket i wanpela smatpela pis na ol dispela we ol i save lukautim ol insait long tang em ol i save skulim ol long kaikai long han bilong papa bilong ol o husat man i lukautim ol.

Mista Kaiyun i tok dispela pis i save groa bikpela tru na mit bilong em i gutpela na ol manmeri i ken kaikaim.

Tasol em i tok dispela pis i kam

long narapela kantri na bikpela askim i go long pablik long noken kisim na lukautim ol long ol keis, raunwara o tang.

Em i tok em i ken kamapim sampela kain birua o daunim strong bilong ol asples pis bilong dispela hap long wanem em i ken kaikaim ol arapela pis i bikpela olsem em yet na ol arapela pis na rokrok samting.

Mista Kaiyun i tok Not Flai Riva Fiseris divisen nau i karimaut ol wok glasim long dispela nupela sneket pis na painim wei long kisim ol, ol i stap we na tu, painim hamas ol bai salim long maket o long ol narapela pipel.

## Pipel agensim kilim bebi long bel

MOA long 600-pela manmeri i bin putim hanmak long wanpela petisen agensim tingting bilong gavman long givim tok orait long pasin abosen o kilim bebi long bel bai i kamap wanpela lo.

Ol i bin givim dispela petisen i go long Sandaun Provinsel Gavman bai provinsel gavana i ken kisim na givim long Praim Minista.

Long taim bilong givim dispela petisen i bin i gat moa long 300 manmeri na pikinini long Vanimo i bin holim wanpela protes mas na rali bilong agensim toktok bilong gavman long kamapim wanpela lo we bai i tok orait long abosen o pasin bilong kilim na rausim pikinini insait long bel bilong mama.

Long Fraide 1 Julai, olgeta manmeri na pikinini i bung long Vanimo Jeneral Hausik na i statim dispela rali wantaim wanpela protes mas o wok-about na i go kamap namel long taun.

Insait long dispela rali, sampela mausman bilong ol paris na oganaisesen insait long Vanimo



• Moa long 600-pela manmeri i bin putim hanmak long wanpela petisen agensim tingting bilong gavman long givim tok orait long pasin abosen o kilim bebi long bel bai i kamap wanpela lo.

Daiosis i givim wanpela petisen i go long opis bilong gavana bilong Sandaun Provins, Mista Carlos Yuni, bai em i ken givim i go long Praim Minista long PNG, Sir Michael Somare.

"Ol pipel bilong Vanimo i no laik bai gavman i kamapim lo bilong tok orait long abosen o pasin bilong kilim na rausim pikinini insait long bel. Dispela em bikos abosen em i brukim mandato o lo

bilong God we i tok yumi no ken kilim narapela man o meri. Na abosen i save kamapim planti hevi long bodi na tingting bilong ol mama, na tu abosen bai i bagarapim bihain taim bilong PNG," petisen i tok.

Gavana bilong Sandaun, Mista Carlos Yuni i no bin stap long kisim dispela tasol Newman Yondoki, memba bilong Provinsel Asembli na Siaman bilong Sosel Sevis-

es na Komyuniti Developmen i bin stap makim gavana long kisim dispela petisen.

I bin i gat tu ol toktok i kam long sampela lain i makim ol oganaisesen bilong Vanimo Daiosis. Long makim ol Katolik Papamama, Mista Andrew Natti i tok abosen em i daunim tok em God yet i bin givim long Abraham long go na kamapim planti pikinini. Em i tok nambawan wok bilong

papamama em long kamapim famili. Em i askim olgeta papamama na ol single mama long lukim ol pikinini olsem blessing i kam long God.

Sister Loma Kawa, Sekreteri bilong Daiosis Helt opis i toktok long sait bilong hevi abosen i save kamapim long bodi na long tingting bilong ol meri. Em i tok tu olsem bebi insait long bel em i gat wankain rait olsem yumi ol manmeri. Namba wan rait bilong yumi olgeta manmeri na tu pikinini insait long bel em long stap laip.

Na dispela rait bilong stap laip i kam long God. God yet i givim laip na God yet i gat rait long kisim bek dispela laip.

Bihain long rali, olgeta manmeri i bung long Holi Kros Katitrel long Santu Misa bilong tingim ol bebi i stap yet insait long bel bilong mama na tu ol bebi husat i dai long abosen.

Pater Vincent MSP, Vika Jenerel bilong Vanimo Daiosis na Pater Marian Faliszek SVD, spiritual dairekta bilong Famili Laip Intenesenel PNG i bin go pas long dispela misa.



**WOK**

**SORE** tru long ol Maroons dai hat. Noken wari. Neks yia i stap. Nau yupela mas salim kaukau i go daun long Kwinsten bai ol Maroons neks yia bai ol traipela traipela man tasol.

**LONG** ol Blues, ating pati i mas on yet ya. Mas-ki ol i pilai long Brisben, paia i mas kirap tu long as ples Papua Niugini. Nau em taim bilong ol Blues long kisim ol winmani, siks pek, kar, na wan wan ka long ol bet bilong ol wantaim ol Maroons.

**HUSAT** bai go pas long toktok long ol pasin ol lida i save mekim olsem karim gan na mekim ol kain kain paul pasin nabaut? Bikpela toktok nau i kamap long kibung bilong PNG Gan Kontrol Samit long Goroka olsem ol pipel yet i les pinis long ol kranki pasin ol lida i save mekim.

**ATING** nau mipela i laik go painim namba 30 krismas bilong kantri i stap wantaim independens, bai i mas i gat senis long sait bilong ol lida bilong bihain taim. Planti samting ol lida i save kisim tete ating bai mipela i mas rausim bai ol lida tu i mas stap long wankain mak bilong ol pipel. Sapos ol i mekim gutpela wok, ol i mas kisim pei. Sapos nogat, ol i noken kisim bikpela mani. Yu ting olsem wanem? Sapos yu gat tingting long dispela, salim pas i kam long Edita bilong Wantok na autim tingting bilong yu.

**WANPELA** hap bilong strongim em mekim-save bilong ol lida i asua. Gavman i mas lukluk na strongim dispela hap rot.

**BIKPELA** paia lait i klostu kirap long kibung bilong gavman long kisim tingting bilong pablik long ol senis ol i laik kamapim long lo bilong lukautim diwai. Wanpela bikpela askim we i nogat gutpela bekim long en em long wanpela senis we ol lain NGO i tok minista yet i bin suvim i go bihain long bod i bin tok oraitim ol arapela senis. Mipela yet i skelim olsem dispela askim i nogat gutpela bekim long en.

## PNG ges opim maket long Australia

OL lain papa kampani husat i go pas long PNG Kwinsten Ges paipain i sainim pinis agrimen long salim ges i go long Australia Ges Limitit (AGL).

Eso Hailans kampani i han bilong Exxon Mobil Koporesen em i wanpela opereta bilong PNG Ges projek i tok long dispela samting tude.

Kampani i tokaut olsem aninit long agrimen, ol bai salim 1500 PJ ges insait long 20 krismas long PNG Ges Projek. AGL bai yusim ges long sevisim ol kastoma insait long kantri na ol bikpela bisnis tu.

"PNG Ges projek i amamas long sainim agrimen wantaim wanpela top na biknem enejji kampani long saplain oil na naturel ges i go long ol," Rob Franklin em Vais Presiden

bilong New Business Developmen, Exxon Mobil Ges na Pawa Marketing Menesa i tok.

Projek Menesa bilong

PNG Ges Projek-Peter Graham i tok projek i wok long go gut na FEED program long PNG Projek sait bai helpim gut long go hetim ol wok. FEED program bai karimaut ol wok long kamapim ol disain wok long ges fil developmen long PNG, kamapim ges na salim, infrastraka o ol rot na bris na PNG seksen long ges paipain i go long PNG/Australia boda.

Antap long FEED program, long PNG sait bilong projek, ACP i givim kontrak long kampani ol i kolim long GHD Pty Ltd.

Ol lain i stap insait long PNG projek em long ExxonMobil i papa long 39.4 pesen sea, Hailans Limitit olsem projek opereta, Oil Ses i papa long 54.2 pesen, MRDC i papa long 3 pesen em i PNG kampani i makim intres bilong ol papagraun na Nippon Oil Elsploresen Limitit i papa bilong 3.4 pesen sea insait long projek.

## lektorel Komisin glasim komon rol

**STRETIM** na kamapim gutpela Komon Rol i bikpela samting na lektorel Komisin bai mekim dispela wok long redi long Nesenel Ilekse long 2007. Antap long en em long nupela Limitit Preferensel Voting (LPV) we bikpela aweanes i kamap kamap long en.

Sief lektorel Komisina Andrew Trawen i bin tok olsem insait long wanpela wik woksop i bin kamap long Mosbi las wik.

Long wankain taim tu ol opisa i

bin harim ripot bilong Bogenvil ileksen Menesa Mathias Pihei husat i bin go pas long ol opisa long holim ileksen bilong Bogenvil we i bin kamap gut tru na Nesenel Ilekse bai kisim sampela skul long ranim gutpela ileksen.

Aninit long het tok bilong woksop, "Kisim gutpela risal long kamapim gutpela plen, wok redi na Menesmen," ol ileksen menesa na opisa bilong olgeta hap bilong kantri i bin kisim klapela

save long wanem as tru ol i stap long dispela bung.

Mista Trawen i bin tok woksop i makim wok bilong Komisin long karimaut ol wok redi bilong 2007 Nesenel Jenerel Ilekse.

Em bin tok dispela 2007 nesenel ileksen bai i bikpela samting bikos long namba wan taim, ol bai yusim LPV sistem.

Bihainim dispela, ol bai statim ol wok long stretim Komon Rol na pablik aweanes wok long Hailans rijen long dispela mun

na bihain go long ol narapela eria.

Long wankain taim tu, Mista Trawen i bin tok tenkyu long Mista Pihei na ol lain bilong em, Bogenvil Etnimistreta Peter Tsiamalili na lain bilong em long etministresen na olgeta opisa long graun long gutpela wok ol bin mekim na namba wan Otonomes Jenerel ileksen i bin go gut tasol..

# Bogenvil redi nau long rijinel bai ileksen

Veronica Hatutasi i raitim

BOGENVIL i wok long redi nau long holim bai ileksen bilong rijinel memba bilong makim em long Nesenei Palamen na sapos i gat mani long karimaut ol wok, ol ileksen atoriti bai jivm aut ol rit pepa bipo long mun Disemba long dispela yia.

Dispela em posisen we foma Bogenvil Gavana John Momis i bin holim na lusim long go insait long Otonomes Gavman ileksen long mun Epril long dispela yia.

Wanpela hevi tasol em mani we bai i sloim wok long dispela i go het, ileksen Menesa long Bogenvil Mathias Pihei i tok.

"Mipela long graun i stat pinis long redim ol wok long holim bai ileksen bilong Bogenvil rijinel sit long Nesenei Palamen. Tasol mani em i hevi na sapos i gat

mani, ol rit pepa bai redi long mun Disemba. Na ileksen inap long pinis long mun Jun neks yia, Bai mipela i nidim samting olsem K3 milien long karimaut bai ileksen", Mista Pihei i tok.

Em i tok tu olsem ol bai ol i yusim nupela Limitit Preferensel Voting (LPV) sistem long vot insait long dispela bai ileksen.

Nau yet, elektorel opis long Buka em i mekim ol wok redi i stap. Dispela wok i karamapim wok bilong redim baset, apdetim komon rol na bikos ol bai bihainim LPV sistem long vot, ol i mas karimaut ol wok aweanes long dispela.

Mista Pihei i tok bikos planti ol samting i stap pinis, mani mak bilong ranim bai ileksen i no bikpela tumas olsem ileksen bilong Otonomes Bogenvi Gavman we i bin nap long K5

milien. Tasdol bai ileksen i kostim namel long K2.5 na K3 milien.

Long wankain taim tu, Mista Pihei i tok K500,000 we ol bin sevim long karimaut Otonomes Bogenvil Gavman i stap aninit long Gavanens Implimentesen Fan komiti na ol yet i gat toktok long em nau Otonomes ileksen i pinis.

Em i tok karimaut bai ileksen, mani i mas kam long nomol fainens sistem aninit long Fainens na Treseri Dipatmen.

Long wankain taim tu, foma rijinel memba na foma Bogenvil gavana John Momis i ken putim nem bilong em long resis long rijinel sia sapos em i laik long wanem em yet i bin risain long dispela posisen long laik yet bilong em.



Wanpela sumatin bilong Arawa Hai Skul i putim welkam plaua long memba bilong Atols Taehu Pais  
Foto: ALOYSIUS LAUKAI

## UNOMB amamas long gutpela wok long Bogenvil



Foma bosman bilong UNOMB Ambaseda Noel Sinclair i sanap wantaim eks BRA Komanda Ishmael Toroama na ol arapela bikman taim wanpela lida long Torokina i putim ol gan long kontena long namba wan wok bilong lusim ol gan long Disemba 2001. Foto: FAIL PIKSA

Veronica Hatutasi i raitim

WOK bilong stretim Bogenvil bihainim Bogenvil Pis Agrimen em i wanpela gutpela agrimen long kamapim gutpela sindaun, Politikel Etwaisa bilong Yunaitet Nesens Obseva Misin long Bogenvil (UNOMB) William Ozkaptan i bin tokim Wantok.

Mista Ozkaptan i bin lusim Bogenvil na PNG long las wik taim opis bilong ol i pas bihain long em i bin operet long 7-pela yia..

Opis i bin kirapim wok long Bogenvil long yia1998 bilong monitaim ol wok long painim gutpela sindaun we i kam aninit long Bogenvil Pis Agrimen.

Wanpela bikpela wok we UNOMB i bin wokim

em long go pas long ol wok bilong rausim ol gan long Bogenvil.

Long yia 2001, UNOMB i bin kirapim progrem long bungim na bagarapim ol gan.

Wantaim hatwok bilong UNOMB yet na helpim bilong ol Pis Monitaring grup, ol ekspaitman na komyuniti long Bogenvil, ol bin bungim kloatu 300 gan long ol kontena na long mun Mei bilong dispela yia, wok bilong bagarapim ol gan i bin pinis.

Bikos bikpela samting long kirapim Bogenvil Otonomes Gavman em Bogenvil i mas bungim, rausim na bagarapim ol gan pastaim, liklik lain opisa bilong UNOMB i bin mekim bikpela hatwok tru long go long ol ples na bungim ol ekspait lain, ol sief na komyuniti na toktok wantaim ol long

kamapim bel gut na ol i wanbel long lusim ol gan. Dispela i no bin isipela wok tasol em i karim kaikai.

UNOMB i bin go pas tu long planti wanbel na sekan pasin seremoni i bin kamap long olgeta kona bilong Bogenvil, stat long 1998 inap long 2005.

"Mi amamas tru long Bogenvil nau i kisim nupela Otonomes Gavman bilong em.

Mi amamas tu long gutpela wokbung i bin kamap namel long ol Bogenvil lida na Nesenei Gavman na ol arapela grup insait long wok bilong painim gutpela sindaun na Bogenvil i kisim nupela gavman bilong em long gutpela pasin we i nogat meknais long em.

"Bogenvil Pis Agrimen we i bin stiaim olgeta wok long painim gutpela sindaun na ansa long sait bilong politiks em i wanpela namba wan pis agrimen tru we ol intenesenel komyuniti i luksave long en.

Em i gat strongpela sapot long Yuniatet Nesen na mi ken tok gen em i wanpela gutpela agrimen long stiaim wok long painim trupela gutpela sindaun,"Mista Ozkaptan i bin tok.

Em i gat bilip olsem nupela Otonomes Gavman bilong Bogenvil bai wok gut tasol em i nidim helpim na sapot long ol Bogenvil pipel na ol arapela patna long nesenei na intenesenel level husat i save helpim Bogenvil long kamap long level em i stap nau long em.

## Ol Bogenvil lida i raun bungim pipel

Veronica Hatutasi i raitim

OL nupela memba bilong Bogenvil Otonomes Gavman i wokim raun long tripela rijen bilong Bogenvil olsem not, sentrel na saut long lukim ol pipel bilong ol na tu, ol pipel i ken luksave long ol nupela lida bilong namba wan gavman.

Presiden Joseph Kabui i go pas long dispela wokabout we i kisim 40 memba bilong em long dispela raun bilong lukim na toktok wantaim ol pipel na ol i ken save long wanpela narapela.

Namba wan wokabout em ol bin mekim i go long Arawa insait

long Sentrel Bogenvil long dispela wik Mande. Planti pipel we i gat long em ol skul sumatin, ol meri, ol pipel long ol ples insait long Nasioi eria yet i bin bung long Arawa long welkamim ol nupela lida.

Presiden Kabui i tok ol memba i mas bungim ol pipel long tripela rijen yet bipo ol i statim wok long ranim gavman na bipo Haus ov Representativ o Haus Palamen bilong Bogenvil.

Ol bai holim namba wan Baset bung long namel bilong neks mun.

Ol memba bai i raun i go long Saut Bogenvil we ol bai bungim ol pipel long Buin long Julai 8.

## ABG putim ikonomik developmen antap

Aloysius Laukai i raitim

BIKPELA wok we nupela Otonomes Bogenvil Gavman (OBG) bai mekim em long kamapim ikonomik developmen antap long ol narapela samting.

Lida bilong OBG Joseph Kabui i bin wokim dispela toktok long Arawa las wik we em na ol nupela OBG memba i bin go raun long bungim ol pipel.

Mista Kabui i bin mekim klkia long ol pipel olsem em i katim mak bilong ol Ministri i go long 10-pela bikos Bogenvil i sot long mani. Sapos i gat inap mani, mak bilong ol minista bai go antap long 15.

Em bin tok Bogenvil i mas noken ovarim mak long mani em i gat na em ino inap long tromoim mani tasol long pei tasol em i laik lukim sampela senis i kamap long ol rot na bris samting.

Mista Kabui i bin tok OBG bai kirapim ol toktok wantaim Bogenvil Kopa long stretim ol toktok long ol aset we kampani i gat long aitan tasol ol arapela samting olsem opim bek main i no klia yet na ol bai larim ol toktok long dispela i stap pastaim.



# Rabaul komyuniti i givim gutpela helpim

AMAMAS i go long Etvaise bilong Teknikel Sevises long Is Nu Briten Etmnistresen Allan ToVue long raun i go long lukim ol projek bilong sekta bilong em long Lokol Level Gavman eria bilong em.

Mista ToVue i bin painim sampela taim long go lukluk long ol sivil woks projek long Watom Ailan Lokol Level Gavman eria. Distrik Etmnistreta Peter Peniat, Distrik Bilding sapavaisa Paskalis Vuaina na ol opisa long Infomesen sekta i bin go wantaim Mista ToVue long raun bilong em.

Rabaul Distrik Etmnistreta Mista Peniat taim em i tok amamas long lukluk raun bilong Mista ToVue i bin tok dispela em i namba wan taim long wampela Etvaise i

kisim intres long operesen bilong sekta long distrik level na raun i go lukluk long ol.

Mista ToVue i bin tok raun bilong en em bihainim ol gutpela ripot we Rabaul Distrik LLG i karimaut ol wok progrem bilong em. Em i tok Rabaul Distrik i wampela long ol distrik we i wok long yusim komyuniti long karimaut na pinisim ol projek we gavman i sapos long karimaut.

Em bin mekim klia olsem Is Nu Briten Provinsel Gavman aninit long Teknikel Divisen bilong em i bin statim plen long kisim komyuniti i go insait long katim gras long ol rot na dispela i bin stat long yia 1999 na moa yet, olsem rot long promotim ol turis i go long provins. Mista ToVue i bin kirap

nogut long rot we Rabaul Distrik Etmnistresen i kamapim tingting long karamapim tupela teknikel eria bilong etministresen na moa yet, Sivil Woks na Bilding. Mista Peniat i bin tok klia long dispela olsem Distrik Etmnistresen i save traim long stopim pasin bilong pipel i wet long kisim helpim na olsem, em i putim komyuniti long pinisim ol projek we gavman i statim long en.

Mista Peniat i tok stat yet long yia 2000 taim Sivil Woks i bin putim komyuniti long go insait na pinisim ol projek gavman i statim, ol bin sevim mani. Dispela i no bin inap kamap sapos ol i kisim ol praiwet kontrakta.

"Taim mipela i kisim komyuniti long ol wok, ol i save amamas long kam insait na kamap

papa bilong ol projek. Bikpela samting tu em mipela i givim mani i go bek long komyuniti husat i kisim gutpela samting bek long gavman," Mista Peniat i tok.

Em i tok wantaim helpim bilong komyuniti, ol i sanapim pinis planti dabel klasrum, ol haus tisa, komyuniti hol na ol planti rot projek.

Em i mekim klia olsem ol pipel insait long Rabaul Distrik i wok long ogenaism ol yet long ol kain grup na karimaut wok we etministresen i laikim long em. Ol sios grup na ol arapela grup moa long ol ples i kisim gutpela samting long dispela pien na tingting bilong Rabaul Distrik etministresen.

## Ol Manus Evangelikol Luteran sios meri i bung



• Ol meri Manus i stap long Mosbi na husat i save lotu long Evanjelikel Sios bilong Manus i sindaun putim yau long wampela bikpela bung bilong ol long dispela wik.

PLANTI meri long Manus provins i stap nau long Pot Mosbi insait long 8-pela de sios bung bilong ol.

Bikpela grup bilong ol meri husat i memba bilong Evanjelikel Sios bilong Manus (ECOM) i bung nau long Waigani Kristen Senta (WCC) long holim namba 24 Anuel Konferens bilong ol. WCC em i han

bilong ECOM bilong Manus. Em i wampela eben sios ministri na em i gat han long Lae, Madang na Wewak.

Planti long ol meri i stap long Mosbi bung i bin baim rot bilong ol yet na kam long Mosbi. Het tok bilong Konferens em "Redim ol meri na mama insait long kantri long kam bek bilong Jisas".

## Tripela Tigak skul kisim helpim

TRIPLELA skul long Tigak Ailan insait long Tikana Lokol Level Gavman eria i kisim mani helpim long klasrum projek bilong ol.

Long las wik Fonde, Nusalava, Eruk na Tugalop Komyuniti skul i bin kisim K50,000 long karimaut wok long sanapim ol nupela klasrum bilong ol.

Nusalava i bin kisim K25, 000 taim Eruk i kisim K24, 000 na Nusalava i kisim K1,000.

Mani we Tugalop Praimeri skul i kisim em i bilong pinisim nupela klasrum we ol i sanapim pinis taim Eruk bai sanapim nupela na Nusalava bai pinisim nupela dabel klasrum bilong em. Ol Hetmasta bilong tripela skul i bin kisim mani long han bilong sinia Nu Ailan Provinsel Gavman (NIPG) opisa

long Nonovaul komyuniti skul we ol tisa i stap insait long in servis trening woksop.

Tripela hetmasta i bin autim tok amamas bilong ol i go long NIPG long helpim em i givim ol na ol bin tok dispela ol mani bai helpim ol long sanapim ol klasrum bikos nau ol i wok long redi long kamapim ol top ap long ol wan wan skul bilong ol.

Long dispela yia, NIPG bai skruim progrem bilong em long katim mani bilong

sanapim ol nupela klasrum long ol skul insait long provins. Long dispela yia, plen bilong en em long sanapim 40 nupela klasrum. Dispela bai i winim mak long las yia we aninit long baset bilong em, em bin sanapim 25 nupela klasrum.

## KISIM KAINKAIN KAGO BILONG HAUS WANTAIM DIPOSIT K1.00

RITA SH 06TC #DM0004

LONG FOTNAIT K20 Tasol



Entateinmen yunit Bikpela self bilong TV na VCD/DVD pleia, kago self, 80-CD rek na 2 pela kabot.

Kes Prais K399

Bipo Kes K499

Dinau Prais K459

DIPOSIT K1.00 Tasol



K28  
K599  
K689

FRI GIFT

DIDI LH-648 #DA0013 Metol Tebol na Sia

• Raupela tebol ol wokim wantaim strong pela metol freim.  
• 4 pela sia igat kusen sit, ol wokim wantaim strong pela metol freim.

DIPOSIT K1.00 Tasol

BAIM NAU SEIVIM NAU

FRI GIFT



JOSHUA #BA4002 Dabol Bed Freim

• Dabol bed freim ol i wokim wantaim strong pela metol  
• Matres na pila igat prais bilong ol yet.  
Bipo Kes K599

DIPOSIT K1.00 Tasol

K23  
K499  
K575

BAIM NAU SEIVIM NAU



Edim valu OLGETA deil


COURTS - GORDONS

Spring Garden Road, Gordons, Port Moresby  
Ph: 302 5800 • Fax: 325 4149 • E-mail: sales@courts.com.pg

COURTS - LAE

Milfordhaven Road, Lae, Morobe Province  
Ph: 472 4800 • Fax: 472 4621 • E-mail: courts\_lae@courts.com.pg

Olgeta Dro bai igat NIUELA Praiz long...



BAIM NAU!

Na Kisim Sans Kamap Winman long winim

BIKPELA SURPRIZE!

KES

MONI

wantaim COURTS

CLA-158/05

# Lae i redim anivesari plen

...namba wan long givim progrem

LAE siti insait long Morobe provins i namba wan provins long givim ol plen na progrem em bai kamapim long selebretim 30 yia PNG i kisim independens. Siaman bilong Provinsel komiti Bart Ipambonj i bin prisanim ol plen na progrem ol i redim pinis i go long Kodineta bilong 30 Independens Komiti Brian Amini. Lae sifi na 8-pela distrik bai kamapim ol samting long 30 anivesari selebresen we bai kamap long mun Septemba. Nesenel Gavman i bin givim K25,000 long Morobe provins na wan wan distrik bai kisim K2,000 long helpim putim kamap ol progrem bilong ol long dispela bikipela selebresen.

Lae bai kamapim wanpela wik progrem long selebretim 30 yia PNG i kisim independens anivesari. Ol progrem bai stat long Sarere Septemba 10 wantaim sel na resis long kanu na pinis long Septemba 18. Long dispela de, bai i gat intenesenel ragbi lig pilai resis namel long PNG na Australia. Ogenaising komiti long Lae i putim long progrem bilong em ol samting we bai strongim ol pipel long selebretim bikipela de long spirit bilong yuniit, wanpela kantri na wanpela pipel. Long Sande Septemba 11, bai i gat baisikel resis na ol i ting planti yangpela

pipel bai stap insait long dispela resis. Mande i go inap long Trinde em ol kaiser-el samting bai kamap. Dispela i karamapim ol tredisenel singsing na danis na ol arapela moa. Spots Komisn i plenim ol sampela pilai long dispela taim. Long Fonde Septemba 14, bai i gat musik rok ben talen so. Laspela de em Fraide Septemba 15 em dispela intenesenel ragbi lig pilai namel long PNG na Australia bai kamap. Na planti pipel long Morobe na ol arapela provins tu husat i save sapotim strong pilai ragbi lig bai kamap long lukim dispela pilai resis.

## Ivens Kaunsel kisim K135,000 long Lae bisnis



• Lamech Bai bilong Coca Cola Amatil i givim K50,000 sek moni long Dairekta Jenerel bilong PNG Ivens Kaunsel Seketeriet, Alan Oaisa.

OL bisnis kampani long Lae insait long Morobe provins i givim gutpela sapot long oge-naisesen we i wok long redim ol samting bai kamap long 30 anivesari independens selebresen long mun Septemba.

Sikspela bisnis haus long Lae i bin givim moa long K135,000 i go long PNG Events Kaunsel taum ol lain i makim kaunsel i raun i go long Lae klostu long pinis bilong las mun.

Coca Cola i bin givim K55,000, Lae International Hotel K10,000, Lae International Travel K5,000, Lae Builders K10,000 na Taiheiyu Cement K5,000.

Komiti i laik lukim midia i luksave olsem provins i lukim dispela selebresen ya olsem bikipela samting i go daun long distrik level.

Kodineta bilong namba 30 anivesari selebresen long mun Septemba. Siaman bilong Rask Fos David Tauaole na Peter Aitsi long Sponsasip komiti i bin bung wantaim bisnis komyniti na provinsel etministresen na ol i amamas long gutpela sapot ol i kisim long ol na provins.

Kaunsel i makim K1milien olsem taget manimak long kamapim bilong kari-maut ol wok long dispela anivesari selebresen.

## Moa long 1,000 pipel go bek long Manam

MOA long 1,000 pipel bilong Manam Ailan husat i bin stap long kea senta long bikiples Madang i go bek sin-

daun long ples bilong ol bihainim wok bilong maunten paia i go daun. Inta gavman

Rilesens Minista Sir Peter Barter taim em i tokaut long dispela i tok gavman i no fosim ol manmeri long go bek

long Manam nau Manam i no pairap moa na ol i putim birua level long Stej 1. "Sapos ol pipel i laik

go bek long Manam, ol bai ino inap long stopim ol. Nau Manam maunten paia i no moa pairap na level bilong lukaut i go daun long Stej 1. Samting bai mipela i mekim nau sapos ol pipel i go bek em long painim rot long kisim ol kaikai i go long ol bikos ol gaden kaikai i bagarap. Tasol ol pipel i go bek long laik yet bilong ol na long wankain taim tu, ol i mas lukaut long hevi i ken kamap," Sir Peter i tok.

Em i tok bikipela samting em long kamapim gutpela luksave namel long ol Manam pipel na ol tredisenel papagraun na ol bai stretim ol plen long sindaunim ol Manam pipel long long-pela taim na ol pipel i ken wokim ol haus na gaden bilong ol.

Sir Peter i wokim ol dispela toktok bihainim wanpela raun i go lukim ol Manam Ailan pipel long ol kea senta na ailan yet we em bin go wantaim ol lain i makim Yuropien Yunien na Care Australia. Dispela luk-luk raun em i bilong kisim ripot long kain sindaun ol Manam Aila pipel i gat nau long kamapim gut laip na sindaun bilong ol.

Sir Peter i tok Rabaul Volkenolojikel Obsevetori i tokaut olsem maunten paia long Manam Ailan em i stap isi nau tasol em i no orait yet long ol pipel bilong ol ples i stap long sautesait bilong Manam Ailan i go bek. Dispela em bikos taiswara i save ron long dispela sait long taim bilong ren na i ken kamapim hevi.

## Paia kukim tupela klasrum long Tusbab

Maureen Santana (DWU sumatin i raitim

TUSBAB Sekonderi skul long Madang i lusim tupela klasrum na Mets Dipatmen opis taim paia i bin kukim ol bilding long las Fonde. Bagarap we paia i kamapim bai kostim K800,000 samting.

Ol paiaman i bin go kamap tasol paia i go bikipela pinis na ol ino bin nap long sevim ol bilding. Taim ol i go kamap long ples paia i kamap long en, em bin kisim ol 15 minit long redim ol samting bilong wok na olsem, bikipela hap bilding i bin bagarap pinis long paia i kukim. Tu, ol paiaman i bin sot long wara na ol bin go gen long narapela hap gen ausait long skul eria long pulumapim wara na paia i go nogut.

Bosman bilong Mets Dipatmen Alvin Volanter i tok paia i bin bagarapim planti ol 2000-2005 metiriel bilong Mets we ol bai yusim long redim tes bilong ol sumatin long nesenel eksam.

Em i tok manimak bilong ol samting we paia i bin bagarap i

sanap long K300,000.

"Tusbab em i wanpela gutpela skul we ol sumatin na tisa i save amamas long em na dispela em i namba wan taim kain birua i kamap," Prinsipel George Irum i tok.

Em i bin tok krismas bilong ol dispela bilding i paia em 40 yia. Ol polis i karimaut wok painim long dispela paia.

Em i tok skul bai laikim helpim i kam long provinsel gavman long sanapim ol nupela klasrum bipo Tem Tri bilong skul i stat tasol em i askim tu komyniti long sapot bilong ol long inapim dispela.

Mista Irum i singaut tu long Paia Paita Dipatmen long Madang long kamapim gut wok bilong ol na taim hevi bilong paia i kamap, ol bai redi gut long givim helpim long taim stret.

Long wankain taim, skul i ststim wok pinis long sanapim nupela bilding long kisim ples bilong dispela we paia i kukim pinis.

Long Mande yet, ol bin statim wok long sanapim faundesen bilong haus.



BANK OF PAPUA NEW GUINEA

PRESS RELEASE

### KINA FACILITY RATE FOR JULY 2005

The key macroeconomic indicators were relatively stable in the first six (6) months of 2005. As a result of this stability, there was a recovery in lending to the private sector, notably in the palm oil, construction and household sectors. The growth in lending is a result of lower interest rates and a pickup in economic activity. The Government's prudent fiscal stance has also contributed to the maintenance of macroeconomic stability.

Given these positive development, and to support the maintenance of the stable economic environment, the Bank of PNG advises the public that the Kina Facility Rate (KFR) will remain at 7.0 percent for July 2005.

Loi M. Bakani  
Acting Governor

# Afrika yam ken gro hia

YAM bilong Afrika we Nesenel Agrikalsa Risets Institut (NARI) i promotim i painim rot bilong em i go long Hailans na em i sindaun long Aiyura Veli klostu long Kainantu.

Ol bin kisim i kam long PNG dispela waitpela yam ya ol i save groim long Wes Afrika logn yia 1986 na em i gro gut long planti hap bilong nambis na ol bikples bilong PNG.

Swit potato em i kaikai bilong olgeta de insait long hailans, ol stori i tok ol lain long Hailans i bin save groim yam bipotaim, olsem 100 yias i go pinis bilong yusim long bata sistem o pasin bilong senisim kaikai wantaim ol narapela. Ol hap hap yam plent i gro yet logn sampela hap bilong hailans olsem Wapenamanda na kompiam eria long Enga, waghi Veli insait long Westen Hailans na Gumini long Waghi eria yet.

Rekot bilong NARI i soim olsem sit bilong yam ol bin kisim i kam long Afrika em ol bin tilim i go long ol fama



• Kine (raithan), pikinini bilong em Thaddeus na Sagia Mongi i karim dispela yam ol i groim long soim ol opisa long NARI Aiyura opis. Foto: NARI

long Not Waghi eria long yia 1999. soim long ol NARI opisa husat i beis long Aiyura Mein Hailans program. Dispela i soim olsem hailans rijen i ken groim yet yam olsem narapela kaikai bilong em.

Mista Kine i bilong Kabwum insait long Morobe provins we i save groim planti yam long en. Em bin lukim olsem

yam i ken gro gut long hailans bihain long em i kisim 11-pela pikinini bilong ol narapela narapela yam i kam long ples bilong em na planim long gaden baksait long haus bilong famili. Na stat long dispela taim long yia 2001, famili i wok long groim na kaikaim yam Mista Kine i bin kisim yam bilong Afrika long las yia

Septemba i kam long NARI Bubia stesen insait long Morobe provins.

Em i tok nau em i namba 4 taim em i kisim ol asples yam long famili gaden bilong em na namba wan long Afrika yam we hevi bilong em inap long 43 kilogrem. Em i tok i gat moa hip bilong yam we ol i no kisim yet.

Em i tok glasim yam bilong Afrika wantaim ol asples yam yet, Afrika yam i strong-pela

moa long gro long kolples, Em i no bin lukim sampela binatang i kam bagarapim Afrika yam taim em i wok long gro long gaden.

Em i wokim strongpela tok-tok long groim yam long hailans bikos kain klaimet long hap i gutpela long groim ol.

Em i tok samting long mekim em long soim ol hailans pipel long save na we bilong groim yam.

Long wankain taim tu, NARI i bin kisim tupela kain yam bilong Afrika long Oktoba las yia bilong traim groim gen insait long kantri.

## OL WHP tisa kisim K10,000 helpim bilong insevis

OL Tisa insait long Westen Hailans provins i kisim K10,000 helpim i kam long provinsel gavman bilong ol long helpim ol wantaim insevis trening bilong ol we ol i karimaut nau long taim bilong skol malolo.

Ekting Asisten Seketeri bilong Edukesen Leo Noki i bin prisanim K10,000 sekmani i go long siaman bilong provinsel in sevis trening William Wai.

Em i tok moa long 300 tisa insait long provins i stap nau long dispela insevis trening woksop we i bin stat long

Mande Julai 4 na bai pinis long Fraide Julai 8.

Em i tok i gutpela long ol tisa i sindaun long insevis bikos planti nupela samting na ol tisa i wok long kamap na ol tisa i mas gat save long skulim ol pikinini anit long ol nupela rifom bilong edukesen na kurikulum.

Em i tok ol lain we i givim insevis long ol tisa i kam long Nesenel Edukesen Dipatmen, Yunivesiti ov Goroka, Yunivesiti bilong Teknoloji long Lae na ol Non Gavman Ogenaisesen.

## Westen Hailans lusim biknem lida

### Aloysius Aisi i raitim

WESTEN Hailans provins i lusim wanpela biknem yangpela lida man bilong ol Loh Pok, wanpela bipo kaunsol na bisnisan bilong Tega.

Mista Pok i bin kamap long Maunten Hagen Haus Sik bihain long bros bilong em i bin pen long Tunde moning long namba 28 de bilong mun Jun, tasol em i bin indai long haus sik.

Leit Mista Pok i bin lusim bikpela turis bisnis bilong em, Tega Ril Estet we i save pulim ol turis bilong PNG na ausait long kantri tu.

Brata bilong em, Wan Pok i

tok, "Leit Loh Pok i bin staitim bisnis bilong em taim em i lukautim kakaruk na salim insait long komyuniti. Em i hat wok tru bilong em na em i bin opim rot bilong planti lida insait long Westen Hailans i bin givim luksave long ol tu."

Dai bilong em i pulim ol kain kain pisin na hauslain long olgeta hap bilong Westen Hailans.

Ol i bin planim bodi bilong Leit Loh Pok long ples bilong em yet long Tega long hapsait bilong Kagamuga ples balus long Sande, namba wan de bilong mun Julai.

## Nogat bekim bilong Enga-Kimil

### Aloysius Aisi i raitim

ENGA Kimil krais komiti i makim maus bilong ol pipel bilong Enga i no kisim wanpela bekim i kam long Praim Minista Sir Michael Somare, Gavana bilong Westen Hailans Pius Wingti na Gavana bilong Enga Peter Ipatas.

Bekim ol i wetim em long wanpela petisen o pas ol i bin salim long askim gavman long kamapim wanpela lo i sut long ol hevi na kros namel long ol pisin o hauslain.

Nelson Mara, Sekretri bilong Enga-Kimil Krais Komiti i bin toktok long dispela bikpela hevi we i gat kros namel long ol kain kain pipel bilong kantri na Papua Niugini i no inap stap wanpela yunaitet kantri.

Mista Mara i tok ol Enga pipel i bin dai olsem ol dok insait long Westen Hailans provins. Em i tok dispela kain kilim bilong ol dispela lain i soim klia olsem i gat bikpela hevi namel long ol kain kain manmeri yet.

Ol i laikim bai gavman i mas givim luksave olsem Enga em i wanpela provins



Nelson Mara i bin go pas long wanpela bikpela protes mas namel long Hagen siti.

we i givim bikpela hap mani long nesenel ikonomi na nesenel gavman. Ol i laikim bai gavman i mas wok strong long kamapim Enga-Sepik

Haiwe projek we bai i ken kirapim wok bisnis na strongim ikonomi na sindaun bilong ol Enga pipel na olsem ol i gat bikpela sori long em.

## Hap hap Nius

### Daunim pasin pamuk

FAIVPELA grup bilong lukautim ol ples we ol i save kari-maut pasin pamuk insait long Westen Hailans provins i sanap pinis. Na ol pipel i wok long kisim mesej bilong ol grup na tu, stat long luksave long birua ol bai bungim sapos ol i kisim HIV/AIDS. Ol i kolim komiti ya long "Hai Risk Seting Komiti" na komiti i wok long karimaut ol edukesen aweanes long ol seks woka o pamuk lain long rot bilong yusim gut ol kondom o gumi na tu, senisim pasin bilong ol.

### Klinim Goroka taun

OL kalabus lain bilong Bihute haus kalabus husat i no wokim bikpela birua em ol i kisim ol long helpim klinim na kamapim gut Goroka taun bilong redim ples long bikpela bung ol i kolim long Melanisen Spiahet Grup (MSG) miting. Bung ya we ol lain long Saut Pasifik olsem Fiji, Vanuatu, Nu Kaledonia, Solomon Ailan na PNG bai i stap long em long mun i kam. Long dispela wik, 26 kafabus man i wok long klinim Goroka ples balus. Faivpela woda i wok long lukautim ol taim ol i wok i stap.





# YAMAHA

## CLEARANCE SALE

SPECIAL OFFER

### K8,299

Price Include 10% GST.

**EK40JMHL**

- 40hp 2 Stroke
- Kerosene driven Outboard
- Low Fuel consumption
- Parts & Service backup

**HURRY WHILE STOCKS LAST!**

## Ela Motors

Offer Expires: 30 / 07 / 2005.

Port Moresby Ph 3229400 Lae 4781800 Kokopo 9829100 Madang 8522188 Goroka 7321844 Mt.Hagen 5421888 Wewak 856 2255  
Kavieng 9842788 Kimbe 9835155 Tabubil 5489060 Vanimo 8571254 Porergera 5479367 Buka 9739915 Lihir 9864099 Alotau 6410100

# Infomol sekta bai stap long sampela hap bilong siti tasol

**INFOMOL** sekta o ol liklik maket olsem ol manmeri i save mekim long ait long of na long ol bas stop insait long Pot Mosbi nau bai i kamap long wanwan hap long siti tasol.

Siti meneja Peter Loko i tokaut long dispel alas wik.

Dispela e mi wanpeal bilong ol samting NCD i mekim nau long traim na stretim ol samting ol i bilip i wok long bagarapim lukluk bilong siti na mekim ples i deti.

Ol ples NCD bai i putim ol maket aninit long infomol sekta bai i stap long dispela ol hap.

Baksait ples bilong pakim kar long Waigani sentrol gavman bilding, graun is tap nating namel long koki maket na olpela redio sentrol bilding na fran long Koki fish maket jeti o bris, Boroko ples bilong pakim kar baksait long

Post Opis, Tabari ples (em bilong salim ol at na kraf tasol) na ol liklik maket NCD i luksave long ol long Boroko Is, Gerehu stes 3, Gabutu, Gorobe, Lawes rot, Ranuguri, Joyce bei na Rainbow.

Ol dispela tok tambu i karapim tu taim bilong ol dispela lain long maket.

Ol bai i ken salim samting stat long siks kilok long moning i go long siks kilok long avinun long olgeta de.

Mista Loko it ok dispela ol tambu ol i putim bai i helpim NCD husait ol i gat pawa long infomol sekta developmen na control ekt bilong 2004 i ken was na lukaut long ol samting i kamap long dispela sekta bai ol i ken lukaut tu long sait bilong helt, envoironmen na tu long gutpela na klinpela lukluk bilong siti. Siti meneja it ok: "Mi olgeta

infomol sekta nau i mas kamap long dispela ol ples mipela i makim na mi laikim bai olgeta manmeri na husait moa toktok i sut long ol long ol i mas wokbung wantaim na bihainim dispela operesen."

NCD i makim tu ples we ol infomol sekta maket lain i noken i go long en.

Dispela ol ples em, olgeta publik bas stop, fran long ol stua, Pot Mosbi jenerol hasu sik na ol narapela klinik insait long siti, ol skul, olgeta publik rot, ples bilong pakim kar, namel long rot na sait long rot, ol ples bilong malolo o pak na nambis olsem Ela Beach, ol gavman opis, ples balus na long wof.

Mista Loko it ok nau yet infomol sekta i kamap olgeta hap long siti we ol man i ting i gutpela long salim samting na planti taim



• I gat ples bilong salim samting nau.

Foto: Andrew Molen

dispela i no gutpela long sefti bilong ol lain i salim samting na ol narapela tu.

Em it ok ol i luksave olsem as bilong infomol sekta em long helpim

ol manmeri long painim moni na helpim sidaun bilong ol tasol NCD husait ol i lukautim dispela eria i mas lukaut olsem ol samting i mas kamap gut long stretpela rot.

## Polis sutim dai man i kilim polisman

WANPELA saspek husat i bin i stap insait long grup bilong ol raskol na i kilim em i dai wanpela polisman long "Stop 'N' Shop" stua long Pot Mosbi em ol i sutim em i dai pinis.

Ol polis i tok ol i sutim dispela saspek taim ol i ronim wanpela kar ol i stilim i go olsem long Morata.

Dispela saspek i bin i stap insait long

ka ya.

Ol polis bilong Waigani i painim dispela man long em i sutim i dai sinia konstabel Felix Yautuk i nap tupela wik i go pinis.

Polis i bin luksave long em bihain long em i kilim Mr Yautuk.

Man ya i bin hait i stap i nap ol polis i painim bodi bilon em insait long wanpela stil kar ol i sut long en we dispela man i bin raun insait long en long Morata.

Sinia konstabel Yautuk i bin traim long stopim ol man nogut long stil na taim em i pait wantaim em i pait wantaim wanpela bilong ol i stap, narapela i bagarapim em wantaim bus naip we i lukim em i dai taim em i lusim planti blut.

Planti ol poro, femili na ol manmeri

husait i save long mista Yautuk i go long Mary queen of the Pacific katolik haus lotu long Waigani long lotu bilong em las wik bipo long ol i planim bodi bilong em.

Sampela ol bikman bilong komyuniti na kantri tu i kamap olsem paim minister, Sir Michael Somare, polis komisina Sam Inguba na memba bilong Ambunti-Drekikir mista Tony Aimo.

Long dispela lotu wanwok bilong em sinia sajen Ben Isakuma i tok mista Yautuk i bin olsem wanpela polisman na em i dai olsem wanpela polisman.

"Maski em i of-duti na i no taim bilong em long wok, em i stil mekim wok bilong em yet long holim strong lo na dispela i lukim em i bungim dai bilong em," Sajen Isakuma i tok.

## OK Tedi Main helpim skul

BIKPELA gol main kampani, OK Tedi maining limited (OTML) long las wik i kam long helpim bilong wanpela skul long Stuart allan bilong Saut Fly long Westen provins.

Sialowa praimeri skul i kisim ol nil na ol samting bilong mekim ol niupela bilding long OK Tedi maining las wik.

Man i makim kamapani, Ben Kamaya i toktok strong long ol sumatin bilong skul long ol i mas lukluk i go antap na wok hat sapos ol i laik kisim sampela bikipela senis i kam insait long eria

bilong ol.

"OTML i gat strongpela bilip na i sapatim olsem olgeta pikinini i mas i gat sans long go long skul na kisim gutpela save bai ol i ken kisim senis i kam insait long eria bilong ol na tu stretim na kamapim gutpela sidaun long laip bilong ol.

"Yu ken kamap, dokta, pailot, tisa o wanpela bikipela man o meri bilong eria na kantri bilong yu sapos yu wok hat," mista Kamaya husait tu i bilong dispela hap i tok.

## Aimo salensim gavman

Paulus Tali i raitim

AMBUNTI-Drekikir Memba Tony Aimo i salensim gavman long luksave long indai bilong wanpela polisman taim ol man nogut i kilim em long Stop 'N' Shop supamakot long tupela wik i go pinis.

Dispela polisman husat i kisim bagarap em Sinia Konstabel Felix Yautuk.

Birua i bungim em taim ol man nogut laik stil long stua na sinia konstabel Yautuk i kamap na i traim long pasim ol we i lukim ol i sutim em wantaim naip na em i dai.

Sinia konstabel Yautuk i traim long stopim ol raskol taim em i of-duti o i no bin wok.

Dispela samting sinia konstabel Yautuk i mekim i lukim em i sevim arapela wok manmeri bilong "Stop 'N' Shop" sapos nogat, bai ol i nap kisim bikipela birua insait long stua.

"Long dispela tasol em kamap gutpela hero," Mista Aimo i tok. "Long kain man

olsem i mekim gutpela wok na gavman i mas luksave long kain man olsem."

Mista Aimo, olsem lida bilong polisman Yautuk, i tok, "Mi ken tok olsem Yautuk, i wanpela isipela polisman, em save daunim em yet na man bilong laikim olgeta manmeri long olgeta hap taim em save mekim wok bilong em."

Olsem na memba i tok gavman nau i mas lukluk long kain stetman olsem long birua kamap long em blong wanem em i bin of duti na hevi i kamap long em.

"Gavman i noken wet longpela taim na stretim hevi bilong em.

"Femili i mas kisim ol entaitolmen bilong ol na long pemen tu long mekim amamas long ol," Mista Aimo i tok.

Em i tok wankain hevi i kamap tu long narapela polisman husait i wanpela sajen husat i dai long Sauten Hailans provins. Na nau femili bilong em i stap yet long gems viiles polis

### Hap Hap Nius

#### Haus lotu paia

WANPELA haus lotu bilong PNG baibol sios long nain-mail long Pot Mosbi i paia las wik sande long bik moning tru.

I nogat wanpela samting i sanap moa, ples i olsem graun nating.

Wokman bilong sios, Jacob Korowa i tok em i silip insait long haus lotu wantaim sampela ol poroman bilong em taim em i harim ol man i singaut "paia" long wan kilok bik moning.

"Taim mipela harim na luksave, hariap tru mipela ron i go autsait long haus.

"Mipela i no bin i nap long sevim wanpela samting," em i tok.

Mausman bilong Boroko paia stesen, Patrick Russell i tok i no i nap long save yet wanem samting tru i kamapim dispela paia.

Ol bagarap i kamap inap olsem K 53, 000.



## INFORMAL SECTOR SKILLS EXPO

COMMUNITY JUSTICE LIAISON UNIT OF THE PNG LAW AND JUSTICE SECTOR PROGRAM  
IN PARTNERSHIP WITH NCDC

Skills training/Empowering - A crime Diversionary Strategy

Date: 13th - 15th July 2005 (Wednesday, Thursday, Friday)  
Time: 8:00am - 3:00pm  
Venue: Sir John Guise Stadium

For more information, contact the CJLU office on 323 3098 or visit us at Sambre Haus - Dept. of Community Development.



# Raun lukluk long ol meri na pikinini



Ol meri na pikinini na wanpela wanpela (namba na long wanpela wanpela) wantaim dispela wanpela wanpela.  
Foto: VERONICA HATUTASI



# Ol Wimen Rilijes skruim save long ol sosel hevi

## Veronica Hatutasi i raitim

OL Wimen Eilijes grup we i gat long em ol Katolik Sister long olgeta hap bilong provins i bin lainim planti flupela samting long helpim ol long wok bilong helpim daunim ol sosel hevi

long famili, komyuniti na ol meri i stap long hevi insait long wanpela wik bung bilong ol.

Samting olsem 30 Katolik Sister i wok long ol Sosel Sevis eria, famili, helt na edukesen insait long 20 Daosis long kantri i bin bung

long Xavier Institut long Bomana ausait long Mosbi las wik long toktok long ol samting we i karamapim ol long helpim ol painim rot long daunim ol sosel isu i bungim ol famili na meri.

Wantaim het tok: The Voice of Women in the New Millenium" o Nek bilong ol Meri long Nupela Milenium, ol Sister i bin bung long toktok na senisim ol tingting na lukluk long ol rot we ol i ken helpim sosaiti long ol sosel hevi i wok long kamap bikpela long dispela taim.

Ol bikmeri husat i wok long ol ogenais-esen long kantri i bin go antap na givim sampela toktok long ol Sister insait long wanpela wik bung bilong ol. Na dispela i bin helpim tru ol Sister long ol samting i kamap insait long ol famili, meri na pikinini na ol bin harim tu ol rot we ol i ken kisim helpim long ol hevi.

"Dispela bung i bilong givim moa skul na save long ol Sister na ol i ken helpim long etresim ol sosel isu. Insait long sosaiti, ol man i save go pas long ol samting na ol meri i mas kisim klipela save long wok ol i ken mekim long kari-maut wok bilong ol long sosaiti. Dispela konferens i givim sans long glasim ol bikpela samting i kamap long sosaiti

tude, larim ol Sister i serim ol tingting we i ken helpim ol long spiritual, mentol na fisikel sait. Long dispela konferens tu, ol Sister i wok long ol wan wan ministri i ken autim ol wok aweanes long ol samting ol i mekim long en na kisim sapot sapos ol i laikim helpim long eria bilong ol," Sister Anita Jelute MSC husat i Presiden bilong Women Rilijes grup long PNG i tok.

"Mipela i laik save long ol hevi i kamap insait long famili, pasin bilong mekim nogut long ol mama na pikinini long famili na bung wantaim na toktok na tu, harim long ol ausait grup husat i save wok wantaim ol famili, ol seksuel vailens grup na ol lain i sapatim ol lo na rait bilong ol meri na pikinini i opim ai na i helpim mipela gut tru long luksave long ol pasin nogut i wok long kamap long ol meri na pikinini insait long famili na sosaiti.

Na ol skul we mipela i kisim bai helpim tru mipela long save long wok bilong mipela long helpim ol famili, ol meri na pikinini insait long ol komyuniti we mipela i wok long en," Sister Anita i tok.

Ume Wainetti em Kodineta bilong Komiti i egensim Famili na Seksuel Vailens, Freda Talao wantaim Lo na

Oda Jastis na Ledi Hilan Los bilong

Individuel Komyuniti Raits n edvokesi Forum (ICRAF) i bin givim toktok long ol Sister long ol hevi i wok long kamap long ol famili, ol meri na pikinini na ol lo i karamapim ol, ol lo i senis na rot we ol i ken kisim helpim taim hevi i kamap long ol.

"Mipela i amamas tru long ol dispela meri lida i kam toktok long mipela. Ol samting i wok long kamap i bagarapim tru sosaiti bilong yumi.

Mipela i mas noken pasim maus na ai long ol dispela samting tasol bihainim rot long traim helpim ol mama na pikinini meri long hevi, Planti samting we nipela i no klia long ol em mipela i save nau bikos mipela i harim long ol dispela bikmeri i wok wantaim ol meri grup na famili.

Bai mipela i kirapim netwok wantaim ol na serim ol tingting we bai helpim mipela wan wan long wok," Sister Anita i tok

"Mipela i gat bikpela salens na mipela i redi long helpim ol mama, ol meri na pikinini husat i kisim bagarap long ol man, ol wan famili na hauslain.

Olgeta manmeri na pikinini i gat rait long laip na i no gutpela long sampela i bagarapim ol," Sister Anita i tok.

## Lo bilong lukautim ol pikinini



### Skruim ol toktok long luksave long ol meri long Wantok Isu 1613

OL Stet Pati bai mekim ol wok long rausim pasin bilong rabisim ol meri na ol i ken i gat wankain rait o sans wantaim ol man long wok long go hetim ol wok long edukesen na moa yet, ol i stap long wankain level long ol wok ol i mekim long em.

Long wankain taim tu, wankain kondisen o samting i go long sans long wok na olgeta level bilong sskul long skruim stadi na kisim diploma long ol edukesen institusen insait long rurel eria na taun.

Ol meri i mas kisim wankain trening, tes, wankain tisa wantaim ol man long redim ol long wankain wok.

Noken tok sampela wok i bilong ol man tasol na narapela i bilong ol meri. Kamapim wankain skul progrem bilong ol pikinini man na meri sumatin wantaim na givim wankain sans long ol skolasip na ol arapela helpim long skruim edukesen i go long ol bikpela skul Givim wankain sans long ol meri long pilai spot na fisikel edukesen na givim wankain save long helt we bai helpim long lukautim gut ol famili na infomesen long famili plening.

**Moa long neks wik**

## Sotpela Tok lukaut:

Skruim i kam long las wik long ol piling ol manmeri i gat HIV/AIDS i save gat.

KROS

SAMPELA pipel i save kros taim ol i painim olsem ol i gat binatang bilong AIDS. Ol bai sutim tok long man o meri ol i ting i givim sik long ol. Ol i sutim tok tu long God.

Tru, befkros bai kamap tasol em i no gutpela. Toktok wantaim kaunsela o pren bai helpim daunim dispela befkros.

## Gilti o sutim tok

Sampela bai i pilim gilti o ol i sutim tok long ol yet long kisim dispela sik. Na ol bai wokim samting long traim senisim dispela. Tok piksa em, "God bai rausim sik long mi sapos mi stop long slip wantaim narapela man o meri, o sapos mi mekim kaikai, ol tumbuna bai mekim mi i kamap orait.

Ol pipel i gat HIV/AIDS i mas kisim sapot long ol arapela manmeri long helpim ol i luksave long ol piling o tingting na dispela i ken helpim ol long go hetim laip wantaim nogat bikpela hevi na wari.



## Plis, stopim ol Pikinini mama!

Maski yu no bilipim tasol em i tru.

Gladys Chelagat i gat 10-pela krismas tasol em i mama pinis. Em i holim nupela bebi bilong em i karim long Kericho Distrik Hospitel long kantri Kenya long Afrika. Hevi bilong bebi em 2.8 kilogrem. Gladys i bin skul long Chemamul Praimeri skul na ol Dokta i karim em olsem rot long karim pikinini. Bikpela toktok long tude em stopim ol pikinini meri long noken wokim pasin bilong marit na kamap ol mama taim ol i liklik yet bikos dispela bai kamapim hevi long bodi na laip bilong ol. Tu, ol bai i nogat taim long bikpela gut na painim gutpela stap, fridom, amamas na laip olsem ol arapela pikinini meri i gat wankain krismas long wol i gat long em.



## Kuk Kona wantaim MERI WANTOK

### Kaukau Kreipis

**Yu mas i Gat:**

Kreipis o kindam bilong solwara ol i kisim nau tasol na boilim long wara yu kisim long solwara. Rausim ol skin bilong em  
Haf kilogram kaukau Wanpela mekpas spring anien  
Haf kilo tomato  
Wanpela mekpas pinat  
40 grems bata o skelim long spun

**We long Kukim**

1- Kukim kaukau na katim i go liklik.

2- Katim kreipis mit i go liklik, katim tu anien i go liklik wantaim tu ol tomato.

3- Rostim pinat o kukim long paia na rausim skin..

4- Meltim bata long hatim ol ol ingredien we yum as putim i go insait long en.. Miksin gut ol na praim.

5- Tanim miksa na taim ol i kuk, putim i go insait long sel bilong kreipis na sevim.

6- Pinis...

TOKTOK NATING Wantaim Fr. Paul Liwun SVD



LISA Fernandez, wanpela kasen susa bilong mi, sumatin long Atmajaya Yunivesiti long Jogjakarta i bin salim dispela stori i kam long mi. Em i wanpela gutpela stori tru, olsem na mi laik serim wantaim yupela long dispela kolom bilong mi.

Stori bilong wanpela marit meri i gat tripela pikinini tasol em i skul yet long yunivesiti. Long wanpela klas bilong Sosioloji, profesa bilong em i bin toktok long SMAIL. Profesa i bin givim wok long ol sumatin olsem, taim ol i go bek, ol i mas smail long tripela manmeri o moa, na lukim wanem kain bekim ol pipel i soim taim yu smail long ol.

Dispela meri i no pilim hat long dispela wok, bikos em i meri bilong smail na isi long kirapim pren wantaim ol narapela manmeri.

Long wanpela moning, em wantaim man na tripela pikinini bilong em i bin go long McDonald long kaikai brekfas. Taim ol i kamap, ol i bin sanap wantaim ol manmeri i bin sanap long lain pinis. Tasol i no longpela taim, manmeri i bin sanap long lain i lusim lain na go. Meri ya i stat long wari.. na tingting planti, wanem samting i bin mekim ol manmeri i lusim lain na go. Em i isi tasol na tanim pes bilong em, na em i bin smelim wanpela smel nogut tru. I gat tupela boi i deti na smel nogut tru i bin sanap long bak sait bilong em. Taim em i lukim namba wan boi, em i gat blu ai i bisi long kaunim sampela koin na i "smail" na tok, "moning" long dispela meri. Namba tu boi i luk olsem i gat mental sik liklik, i sanap long bak-sait bilong namba wan boi. Meri ya i pilim sori tru long tupela.

Bihain long putim oda bilong famili bilong em, meri i bin askim tupela siken na sips moa long dispela tupela boi, bikos tupela i bin baim kopi tasol. Em i karim tupela siken na sips i go long tebol bilong tupela manki ya. Tupela i kirap nogut na lukluk long meri wantaim smail bilong ol na i tok: "tenkyu tru". Meri i bin putim han antap long solda bilong dispela deti na smel boi na tokim ol olsem: "Mi no wokim dispela long yupela. God i stap na wok insait long mi i yusim mi long givim HOP long yutupela".

Aiwaru bilong meri i pundaun taim em i lusim tupela boi na go long tebol bilong famili bilong em. Taim em i sindaun, man bilong em i smail long em na i tok: "Daling, yu save, bilong wanem God i givim yu long mi? Bilong givim mi hop". Tupela i holim han strongpela tru na meri i luksave olsem long grasia bilong God tasol, em inap long mekim gut long ol narapela manmeri. God i bin givim spesel grasia moa long dispela de.

Taim em i go bek long kempas, em i bin bringim dispela stori olsem wok bilong em. Em i givim long profesa bilong em na bihain profesa i bin askim em sapos em i laik profesa ken serim na ridim dispela stori i go long ol narapela sumatin.

Taim profesa bilong em i ridim stori bilong em long fran bilong olgeta sumatin, meri i luksave, yumi olsem manmeri bilong God i mas sapotim wanpela narapela.

Long we bilong em yet, God i bin yusim dispela meri long helpim manmeri long McDonald restoran, na ol wanklas bilong em long klas rum.

Meri ya i bin graduet long yunivesiti. Em i pas wantaim wanpela subjek i winim olgeta narapela subject: ACCEPT OTHERS WITHOUT CONDITION.

Laki man long sekanim na stori wantaim nupela Pop



Lawrence Stephens em Jenerel Seketeri bilong Katolik Bisops Konferens bilong PNG na Solomon Ailan i sekanim hetman bilong Katolik Sios long wol, Pop Benedict 16 husat i prisenim em wantaim kopi bilong Nupela Testament ol i raitim long han long tokples Grik.

Dispela em presen bilong Angliken Bisop Denys Ririka bilong Aipo Rongo Angliken Daiosis husat i bin ges bilong ol Katolik Bisop na i bin go wantaim ol long "Ad Limina" wokabaut i go long Rom na Pop Benedict 16 i bin givim dispela presen i go long en tasol em bin sik na ino inap long kisim presen em yet. Asbisop Adrian Smith bilong Honiara Asdaiosis long Solomon Ailan i sanap lukluk i stap.

"Ad Limina" wokabaut bilong ol bisop i save kamap bihain long 5-pela yia na ol bisop bilong wanwan rijen long wol i save gat sans long go lukim Pop na prisenim ripot long ol wok bilong sios long rijen bilong ol.

Moa long stori bilong Laurie long neks wik.

Wok bilong santuim leit Pop i stat pinis

Nius i kam long Katolik Nius Sevls

WOK bilong kamapim leit Pop John Paul 2 olsem wanpela Santu long Katolik Sios i stat pinis.

Na ol sios atoriti i ting olsem i no long taim bai leit biknem lida bilong Katolik Sios we planti pipel long wol i bin laikim na givim bikpela luksave long en bai kisim namba na blesing long kamap Santu.

Ol ripot i kam long Vatiken i tok Daiosis bilong Rom i bin opim dispela wok bilong "kanonaisesen" o wok bilong mekim kamap santu wantaim Misa Lotu long Jun 28 we ol kadinel, ol bisop, ol leimen na ol lain i makim Ekumenikol Otodoks Patriaket ov Konstantinopol i bin stap long em.

Vika bilong Rom Kadinel Camilo Ruini i bin go pas long seremoni bilong opim wok bilong Daiosis i karimaut wok painim long laip, ol vetju o wok

bilong sevan bilong Bikpela, Pop John Paul 2.

Em bin stat wantaim toktok bilong tok tenkyu long Pop benedict 16 long harim ol toktok na tingting bilong ol pipel bilong God na abrusim 5-pela yia taim ol i save givim bihain long man i dai na ol i save statim ol wok bilong lukluk long santuim em.

Taim June 28 i makim opisel stat long kirapim wok bilong santuim leit Pop John Paul 2, em i klia olsem planti wok i kamap na i stap pinis.

Kadinel Ruini i makim pater SImowir Oderem wanpela pater bilong Polan

husat i wok long Rom traibunel long go pas long dispela wok

Ol i kolim em long "postulato" long dispela wok. Em bai statim wok long luksave long ol witness long givim ripot long laip na ol wok em bin mekim long kisim luksave olsem santu, bungim ol raiting bilong em, ripot long laipstori bilong em na bungim ol evidens we i givim ripot long ol

santu wok em bin wokim na tu, toktok na kisim ripot long ol manmeri husat i tok leit Pop Paul 2 i bin mekim ol orait long sampela sik, wari o bagarap ol bin gat long laip na sindaun bilong ol.

Long dispela June 28 seremoni, Pater Oder i bin mekim tok promis long noken tokaut o mekim samting bilong stiaim tingting bilong ol witness long givim ripot bilong ol.

Long seremoni, Pater Oder i bin prisenim Kadinel Ruini wantaim lista i gat nem bilong 100 pipel husat bai ol i singautim ol olsem witness long givim ripot bilong ol long leit Pop John Paul 2.

Wanpela samting we Pater Oder i no inap tokaut long en em long ol nem long lista tasol pastaim em i bin tok sampela long lista i no memba bilong Katolik Sios.

Kadinel Ruini i bin tok taim leit Pop i bin asbisop bilong Krakow we long dispela taim i bin stap anitit long Komunis gavman, Pop i bin save long yunaitim save bilong em wan-

taim bikpela lain bilong Jisas long lukautim sios na ol manmeri wantaim.

Long taim em i bin stap olsem hetman bilong Katolik sios long 26 krismas (1978-2005), pasin bilong laikim tru ol manmeri i bin kamap long ples klia wantaim tu wok long promotim pis na helpim ol frangu na tu singaut long lukautim laip na famili.

Kadinel Ruini i bin tok leit pop i bin gat bikpela laik na bilip long Bikpela na planti bilong yumi i bin witnessim dispela long yangpela bilong em inap em i dai.

Kadinel i bin pre olsem God bai helpim ol long dispela wok long santuim leit Pop John Paul 2 na i pinis hariap.

Bikos i gat bikpela luksave pinis olsem leit Pop em i strongpela bilipman na em i man bilong God wantaim planti samting i stap pinis long soim evidens, i luk olsem ol wok bai kamap hariap long santuim em.

Wari long Yunivesiti sapel

WARI i kamap long ol Kristen sios komyuniti bihainim tingting bilong Yunivesiti bilong PNG, Waigani kempus (UPNG) long yusim sapel o sios bilding olsem lekasa tiata o klasrum bilong holim ol lessen long em.

Ol Kristen Sios i save yusim dispela sapel o sios bilding long yunivesiti bilong holim ol sios sevis bilong ol long ol Sande na tu, long ol arapela sios ektiviti bilong ol long ol narapela taim.

Tasol nau, nius i kamap olsem UPNG i senisim wei em bai yusim sapel bilding long em.

Bisop Peter Fox husat i bisop bilong Angliken Sios long Pot Mosbi Daiosis taim

em i autim wari bilong em long dispela samting i tok em i no gutpela long UPNG i no wari tumas long spiritual sait bilong ol sumatin na long tingting bilong sios tu long dispela samting.

"Ol bin sanapim dispela sapel bilong ol Kristen sios na em i bilong ol sumatin i memba bilong ol Kristen Sios bilong yusim. PNG i kolim em yet Kristen kantri na em i samting bilong wari long em long lukim olsem yunivesiti i no bisi tumas long spiritual sait bilong strongim ol sumatin na wankain tu long tingting bilong ol sios lida," Bisop Peter i tok.

Em i tok ol Kristen sios na ol sios grup i bin putim ol

donesen long bildim dispela sios bilding olsem ples bilong lotu ol yunivesiti sumatin i yusim long em tasol nau, yunivesiti bai yusim olsem lekasa tiata.

Em i tok ol opis na ol arapela samting we ol sapten i yusim long wokim lotu long em em ol i rausim na senisim pinis.

"Yunivesiti i wokim ol dispela senis, maski ol lain i makim ol sios i no wanbel long dispela, moa yet, long sapel i kamap olsem mali pepes bilding, tasol em i mas stap olsem bilding we ol pipel i ken givim luksave i go long Papa God," Bisop Peter i tok.

Wantok i no bin inap long kisim toktok long dispela sam-

ing long ol arapela sios lida olsem Asbisop Sir Brian Barnes bilong Katolik Sios husat i stap yet long Rom na Yunaitet Sios Modereta Reveren Samson Lowa.

Tasol Wantok i bin inap long kisim toktok long yunivesiti we i tok yunivesiti i stat pinis long yusim sapel olsem lekasa hap long holim sampela lesan long san tasol na dispela i no kamapim senii o bagarapim bilding olsem ples bilong wokim totu long en.

"Em i tru yunivesiti i bin stat long yusim sapel long holim sampela klas bikos em (yunivesiti) i sot long ol lekasa rum na planti taim long san, sapel i stap nating.



"YUMI MAS WOKABAUT LONG LAIT"

God i save laikim yupela tru, na yupela i stap pikinini bilong em. Olsem na yupela i mas bihainim ol pasin em yet i save mekim. Yupela i mas wokabaut long pasin bilong laikim tru ol arapela, olsem Krai i bin laikim yumi tru na givim laip bilong em yet bilong helpim yumi. Em i givim laip bilong en long God olsem ofa i gat gutpela switpela smel. Yupela i no ken mekim pasin pamuk na olgeta kain pasin doti, na yupela i no ken mangalim ol samting bilong ol arapela. Tok bilong ol dispela pasin tu i no ken kamap liklik namel long yupela. I no inap yumi manmeri bilong God i toktok long ol dispela kain pasin. Yupela i no ken mekim tok doti na tok krangi na tok pilai nogut. Dispela kain pasin em i no inap long yumi mekim. Nogat. Mobeta yupela i tok tenkyu long God. Yupela i mas save gut olsem, ol manmeri bilong mekim pasin pamuk na ol kain pasin doti, na ol manmeri bilong mangal, em wankain pasin olsem pasin bilong lotuim ol giaman god, na dispela lain i no inap i kam insait long kingdom bilong Krai na God.

EFESUS 5: 1-5

# Glasm Tok wantaim Bisop Peter Fox



PLANTI lain long Pot Mosbi i save long Neil Hendry bikos em i longtaim man long hia. Tasol em i dai pins long Fraide Jun 24 long haus sik long Australia. I no long taim em bin go bek long Australia bikos em i sik na em i mas stap wantaim famili bilong em.

Bisop Peter i raitim dispela long man we em bin save gut long em. Mipela long *Wantok Niuspepa* tu i salim tok sori na luksave long famili na pren bilong leit Neil husat i bin wok wantaim mipela olsem prufida bilong *The Independent* niuspepa inap pepa i pinis long 2003.

Mipela long Angliken Daiosis bilong Pot Mosbi i bin gat planti tingting taim mipela i kisim nius long dai bilong Neil Hendry. Planti tingting bikos Neil em i gutpela pren husat bai i no moa stap wantaim mipela na dispela i mekim mipela i sori nogut tru.

Tasol i gat amamas tu bikos mipela i save olsem Neil i kisim malolo, pen bilong em i pinis na em i no moa gat hevi na wari. Mipela i amamas tu olsem Neil i bin stap wantaim famili bilong em taim em i dai na ol tingting na prela bilong mipela i stap wantaim ol long dispela taim bilong ol long stap long sori.

Neil i bin wokim bikpela kontribusen long laip bilong sios long Pot Mosbi na mipela i tok tenkyu long save long em. Em bin save pilaim ogen long Holi Famili Angliken Sios long Hohola na bihain long planti yia, long Sen John's katitrel. Bihain gen, em bin kamap memba bilong Sen Martins Sios long Boroko na kongriksen hia i bin save gut na laikim em stret.

Em save dairektim musik long Sande Yukaris sevis na em i givim mipela gutpela skul bikos taim em i stap long hevi na pen long sik bilong em, em i no save soim. Memori bilong em bai i stap long lewa olgeta taim.

Olsem bisop, mi bin save lukluk long helpim bilong em. Em bin pilaim musik long ol funere na marit seremoni insait long Mosbi siti. Em bin mekim planti samting long helpim ol narapela na em i serim ol talen o save bilong em wantaim planti arapela pipel.

Em save enkarijim o strongim planti ol yangpela pipel na ol peris kwaia long stap strong long musik bilong ol. i luk olsem em i no save tingim em yet tasol em i save harim na helpim husat i kam long em. Long planti rot, em i wanpela gutpela man tru. Yumi no tingim em tasol long ol musik bilong em, nogat.

Moa yet, yumi tingim em olsem pren. Em i wanpela man husat i bin gat lewa na luksave long ol pipel bilong dispela kantri. Em bin stap gut na rileks wantaim ol manmeri nating bilong PNG na planti taim, em i save go na stap wantaim ol long ol haus bilong ol.

Nogat planti ausait lain i save mekim olsem long kamap gutpela poroman wantaim ol tasol Neil i bin gat gif long wokim dispela. Ating em i tru long tok olsem em i no bin luk olsem wanpela ausait man long yumi olgeta. Em i bilong PNG, wanpela memba bilong famili na em i no olsem wanpela visita.

Long mi uyet, bai mi painim em tru. Mi bai painim gutpela pren wantaim em na mi na famili bilong mi i kaunim em olsem gutpela pren. Mipela i amamas long tok olsem em bin stap wantaim mipela long laspela krismas bilong em.

Mipela i gat sampela gutpela memori taim mipela i tok gutbai long em. Mi bin stap wantaim em long taim sik bilong em i stat na mi save go lotu na givim Komyunio long em long haus na toktok wantaim em taim sik i kisim em na sea wantaim em. Mi tok tenkyu tumas long em long planti samting we mi bin lainim long em na witesim isi isi strong we em i daunim ol pen na hevi we sapos em i narapela man, em bai ino inap long karim ol pen na hevi we em bin karim long em. Mi bin laki long lukim senis i kamap taim sik i kisim em nogut bikos sik inap long daunim em tasol em bin mekim em strong, stap isi na strongim laik na sori pasin long ol narapela. Mi no laikim bai yupela i ting olsem mi na Neil i bin gat kain prensip we em i lukim mi olsem o, mi bisop na em i man nating, nogat.

Mipela i save lap planti na Neil i bin man bilong wokim kain fani ol i kolim "mischevious sense of honour" we mi save laikim long em. Mipela i save tok pilai na mekim fani na lap wantaim. Em i kain man husat i tok samting bai em i mekim na bihainim.

Sapos em i no wanbel wantaim mi long sampela samting, em bai tokaut isi wantaim luksave. Long wankain taim, em i gutpela pren na mi save olsem mi ken lukluk long em long taim hevi o wari i kamap. Em i "man bilong olgeta sisen" o pren long olgeta kain taim na i no o "fair-weather" o pren long gutpela taim tasol.

Mi save em bai laik bai mi tokim yupela olsem long taim bilong em long Sen Martin's Boroko, bilip bilong em i bin gro strong long wanem kongriksen i bin mekim em gutpela poroman bilong yupela na yupela i laikim em olsem pren tru na i no long musik bilong em tasol. Laipstail bilong Neil em i simple, olsem ol grasruts. Dispela i mekim hat long em taim em i sik na em i nogat inap mani long kisim medikel tritmen. Mipela i tok tenkyu long famili bilong em long Australia long lukautim em long pinis taim bilong em long graun.

Tasol mi bilip olsem bai Neil i laikim mi long luksave na tok tenkyu long sampela ol poroman hia long PNG husat i bin helpim em. i gat planti i bin givim helpim long em tasol mi pilim olsem mas autim nem bilong sampela bikos ol bin skruim moa helpim bilong ol long em. Jastis Greg Lay, Sir Brian bell, Wilson na Winifret Kamit, Rob na Jeanette Soythwell, Dokta Glen Mola na Kay Nicolle husat i soim wari bilong ol long helpim em long kisim tritmen na ol arapela rot we em i laikim tasol em i sot.

Ol i amamas long givim helpim na ol i no wokim isi tasol na i no wantaim bikpela nois. Ol bai em em mi raitim nem bilong ol tasol nei bai i laikim mi long tokaut long olgeta gutpela helpim na sapot ol i givim long em. Mi save long gat ol peribua na dikman tasol save long nem bilong ol na Neil em i save arapela arapela long olgeta gutpela helpim na sapot ol i givim long em. Mi save long gat ol peribua na dikman tasol save long nem bilong ol na Neil em i save arapela arapela long olgeta gutpela helpim na sapot ol i givim long em. Mi save long gat ol peribua na dikman tasol save long nem bilong ol na Neil em i save arapela arapela long olgeta gutpela helpim na sapot ol i givim long em.

God i ken presim em

# Midia gat pawa long helpim o bagarapim

.....Pop laik go hetim gutpela wokpren

HETMAN bilong Katolik Sios long wol Pop Benedict 16 taim em i laik go hetim gutpela wok wantaim midia we leit Pop John Paul 2 i bin statim i tok-save tu long ol niuslain long luksave long ripot long ol samting i tru na olgeta manmeri olsem ol i gat rait, rispek na ol i piksa bilong God.

Na em i tok midia i gat bikpela pawa long kamapim gutpela samting o nogut na pasin bilong birua name! long ol pipel na kantri o strongim wok bilong gutpela sindaun o pait.

Pop Benedict 16 i bin wokim ol dispela toktok insait long wan-

pela bung wantaim ol niuslain i no longpela taim i go pinis.

Taim em i poinimaut olsem midia em i rot long salim na kisim toktok i go nai i kam, em i mas kontribut long gutpela we bai helpim pipel. Na em bin tromoim tok olsem midia i mas tingim rot em i save staim tingting bilong ol pipel taim ol i raitim ol stori. Em bin tok midia i gat bikpela pawa, em i mas yusim gut dispela long painim trupela samting na lukautim gutpela piksa bilong ol manmeri.

Long wankain taim, ol wok stadi ol binkarimaut long Amerika i soim olsem tru, planti

ripot long sios nius i save kamap, planti ripota i save wokim ol ripot long politkel na sekula sait o i no sutim ripot long sios sait tumas.

Narapela samting we stadi bin soim tu em TV nius i save abrusim ol sabjek we Rilijes raitas asosiesen i save lukim olsem ol bikpela stori bilong yia.

Presiden bilong Pontifikel Kaunsel bilong Sosel Komyunikesen Asbisop John Foley i tok wanpela bikpela salens tude em long kisim mesej bilong ol i go aut long menstrim midia o ol niuspepa, radio na telivisen we i save karim ol ripot bilong ol olgeta de na wik.

## Ritaia paionia Sios wokman givim luksave long Bikpela

.....Singautim ol yangpela long strongim wok misin

Veronica Hatutasi i raitim

RITAIA wokman bilong Luteran Sios Kepusu Buke Matu i givim luksave long Bikpela long gutpela helpim bilong em na em bin kamapim gut wok long gavman, sios na bisnis.

Em i gat 70 krismas tasol em strongpela yet na tru em i ritaia, lewa bilong em i stap long sios we i bin givim em long faundesen long wok, bilip na laip bilong em i kamap gutpela na em i kisim blesing long laip bilong em.

Em bin kirapim Tokarara Luteran Sios long yia 1973 na bihain, Towamo Luteran Sios we i karamapim Luteran komyuniti long Tokarara, Waigani na Morata. Long dispela yia tasolk 2005 bihain long 20 krismas em i wok wantaim Towamo Luteran kongriksen, em i ritaia.

" Mi yet mi no wanpela pasto tasol mi leiman i karimaut wok bilong sios tasol. Mi harim singaut bilong Bikpela i stap long Matyu Sapta 28: Ves 19

we i tok mi salim yupela i go mekim olgeta manmeri i kamap disaipel bilong mi. Na baptaisim ol na lainim long Tok bilong mi. Long dispela as tok, mi sanapim wok na bilip long wok misin na evanjelaisesen long Luteran Sios," Mista Buke Matu i tok.

Mama i karim em long Bukawa insait long Morobe provins long yia 1935 na em bin statim skul long yia 1941 long tokples Jabem. Namba tu Wol Woa i bin bruk i no stopim em tasol em i skruim skul long lainim Tok bilong God. Bihain long pait na aninit long stia bilong wanpela pasto bilong Amerika, em bin go long Nagada Printing skul long Madang na lainim long prinim ol buk baibel.

Long yangpela bilong em i kam inap long yia 2000, em bin karimaut wok misin, wok bisnis na wok gavman. Long yia 1964, em na famili i bin lusim Madang na kam long Mosbi. Em bin sindaun pastaim long Konedobu na wok wantaim wanpela taia sevis kampani. Tasol em bin muv i go long Tokarara. Em i lukim planti man-



• Kepusu Buke Matu i soim medol bilong luksave em i kisim long gavman long sevis i go long sios. Foto: Veronica Hatutasi

meri i nogat wok i stap na em i kirapim ol long statim sios long hap.

Em yet i bin strongim wok long statim Tokarara Sios na bihain dispela Towamo Luteran Sios kongriksen we i stap tude.

Gavman i bin luksave long kontribusen we Mista Buke Matu i mekim long sios na komyuniti na long 2003,

insait long wanpela bikpela bung bilong Luteran sios long Koki, em bin wanpela husat i kisim luksave medol. Mista Buke Matu i ritaia tasol em i givim sapot long sait i go long sios we lewa bilong em i stap na em i askim strong ol yangpela bilong tude long strongim wok misin na wok bilong sios.



### BTA amamasim 25 yia...

Dame Carol Kidu long taim bilong amamasim 25 yias long wok bilong PNG Baibel Trenslesen Asosiesen long PNG.

Presiden bilong BTA Steven Thomas na wanpela yangpela meri i putim naispepa tumbuna bilong kisim Dame Carol Kidu insait long wari disesen yia

# Woksop i skruim save bilong ol Asesa

WANTAIM ol nupela senis na ol arapela nupela samting i kam insait long Edukesen Dipatmen olsem ol nupela rifom i stat long Elementeri, Praimeri, Hai na Sekonderi na Teseri level, ol tisa i wok long kisim trening long strongim save bilong ol bai ol i ken skulim gut ol pikinini long ol wan wan level.

Long wik i go pinis, ol edukesen opisa na tisa i makim Sauten rijen i bin sindaun insait long wanpela wik Asesa Trening

skul long Gaitwe Hotel long Pot Mosbi.

Ol arapela rijen i wok long karimaut wankain skul insait long ol rijen bilong ol.

Kurikulum Rifom Implimentesen Projek i kam aninit long Edukesen Dipatmen wantaim mani sapot bilong AusAID i wok long sponsaim dispela trening kos we ol i kolim long "Asesas Ritrening Program. Em bai sapotim moa long 300 edukesen fil opisa.

Ol Asesa em otgeta ol lain insait long edukesen sekta olsem ol tisa, het tisa, ol inspekta na ol tisa long ol tisa kolis na ol i kisim treni g long ol senis long nupela rifom kurikulum o wok plen long ol skul program.

Ol Asesa i gat tupela bikpela wok. Namba wan em ol lain we Asisas trening i staim ol bai rejista wantaim PNG Edukesen Institut na ol i ken skruim skul long kisim Diploma long Edukesen Program (DEPI).

Namba tu wok bilong ol Asesa em long helpim ol arapela tisa long ol wan wan provins ol i wok long em long klia gut long ol nupela Kurukulum rifom na skulim gut dispela taim ol i save na klia gut.

Bikos ol edukesen atoriti i wok long raitim planti silabus na tisa gaid buk, em i wok bilong ol Asesa na pastaim ol i mas gat kliapela save long ol samting bipo ol i skulim ol arapela tisa. Ol Asesa em ol bris long sapotim ol tisa long fil.

## Nius Bilong HIV AIDS

wantaim David Ephraim



INSAIT the wol tude, kain kain hevi olsem kros pait namel long

Gavman na ol rebol o paitman, HIV/AIDS, nogat wok, bus na solwara bagarap long kemikol i kamap bikpela.

Insait long ol dispela hevi planti taim bai yu lukim olsem ol yangpela manmeri i save kisim bikpela bagarap. Long Papua Niugini makim 30 yia independens i kam klostu. Kain ol hevi olsem i bin klostu kilim dai kantri. Tasol i gat wanpela hevi we sapos Gavman i no kamapim rot nau long luksave na stretim tude bai yumi kisim bikpela hevi bihain. Dispela em long Edukesen sistem.

Long otgeta yia moa long 80,000 yangpela manmeri i save kamaut long dispela sistem. Planti i no save painim wok. Planti i save wokim ol kainkain pasin long stap laip. Nau yet Gavman i no luksave long UN Kompalseri Edukesen we em i bin sainim. Kompalseri edukesen em fri edukesen long praimer na elemeteri level. Dispela bai helpim pipel long save long rit na rait. Planti taim Gavman i save sainim nating ol bikpela samting agrimen tasol i no save bihainim. Nau yet dispela hevi i ken kamap gutpela rot bilong ol bikpela 'Transnational Criminal Network'. Dispela em ol bikpela raskol grup olsem Yakuza bilong Japan na RAW Mafia bilong Rasia husat i save kamapim strongpela raskol pasin bisnis; olsem long pokis, wokim pamuk haus, tredim drag wantaim gan na sampela moa. Dispela em ol sampela hevi tasol nau yumi mas stretim. Moa long dispela em namba bilong populesen bilong yumi em i wok long go bikpela. Dispela tus em bikpela hevi bikos Gavman i no sanapim na kamapim strong rot bilong bringim gut sevis bikos long nogat gutpela risos em i gat. Nau yet Gavman tingting long kamapim Sit bilong ol Meri insait long Palamen. Em gutpela tingting tasol tingim yumi no nidim man/meri nogat yumi nidim stretpela lida we i save luksave long pipel na kamapim rot we ol pipel i save amamas long en.

Nau yet yumi gat tupela sait wantaim i gat pasin nogut bilong ol. Yumi mas skelim gut pastaim yumi sainim o kamapim ol nupela rot long helpim kantri. Olsem long HIV/AIDS nau yet go bikpela na planti taim yumi laik bai ol lida mas go pas long tokaut long HIV/AIDS. Tasol yumi yet i no luksave olsem senis mas pastaim stat long haus. Yu stap long taim bilong HIV/AIDS tude. Bai yu mekim wanem?

### Tok Lukaut

Nau yet i gat bikpela kibung i kamap long Yurop we ol G8 grup kantri o ol wol ikonmik lida. Ol kantri we i save kamapim ol bikpela prodak olsem kar, balus na sip. Bikpela as tingting bilong dispela grup em long kamapim gutpela sindaun namel long ol manmeri bihainim ol Mama Lo bilong UN protocol. Wanpela bikpela tingting nau em long kamapim rot bilong stopim poveti o hangre na sot long samting insait long ol 3rd Wol kantri. Planti taim yumi save harim long ol bikpela mani maket ogenaisesen olsem long IMF, Wol Benk, UNDP na olsem ol narapela ol bikpela grup kantri wok bung wantaim ogenaisesen. Planti bilong ol dispela grup i save kisim mani na risos bilong wok i kam long ol G8 kantri. G8 em ol kantri olsem USA, Rasia, Jemani, Japan, Frans, UK, Kanada, Itali bihain long ol gat 2nd Wol em kantri olsem Australia, Nu Silan, bihain long ol i gat 3rd Wol kantri em kantri olsem yumi ol developing kantri.

## Bogenvil kisim namba wan marasin saplai bilong yia

Veronica Hatutasi i raitim

BOGENVIL i kisim namba wan saplai bilong ol medikel saplai bilong dispela yia long dispela mun tasol, Sister Thecla Lasu CSN husat i Katolik Helt Seketeri long Bogenvil Katolik Daiosis i tok.

Sister Thecla i tok Pot Mosbi i salim ol dispela marasin i kam na dispela em i bilong otgeta helt sevis long Bogenvil we i karamapim ol sios na gavman helt sevis.

Em i tok taim em na tupela opisa bilong em i bin kam lstep insait long Sios Helt Sevis Anuel Jenerel bung bilong ol long Mosbi, ol lain long Mosbi i bin painimaut olsem Bogenvil i no kisim ol marasin saplai bilong em long dispela yia yet. Na ol helt atoriti long Mosbi i bin tokim ol olsem ol bai salim ol marasin saplai i go.

Sister Thecla i tok ol bin haiarim ol ka na tilim pinis ol marasin i go long ol helt senta na etpos insait long provins na ol liklik ailan



Ol sumatin meri bilong Aeawa Provinsel Hai skul i welkamim ol Bogenvil Otonomes Gavman lida taim ol i raun i go long Arawa long las wik. Foto: Aloysius Laukai

i stap aut longf bkples Buka na Bogenvil.

Hevi bilong marasin i sot long ol haus sik na helt senta long kantri i bin stat long yia 2002 na i go het long 2003, 2004 i kam inap long dispela yia na i go het yet.

I gat sampela ripot olsem sampela lain i wok long baim ol marasin long ol Beis Medikel saplai senta na salim long ol kentin na dispela i wanpela long ol samting i

kamapim hevi long marasin i sot.

i gat tambu pinis we ol atoriti i putim aut long noken salim ol marasin long ol stoa.

Sister Thecla i tok long las yia taim ol helt senta we Katolik sios i papa long em i sot long marasin, ol bin baim ol marasin pe bilong ol inap long K13,000 na salim i go long 15-pela helt senta. Dispela 15-pela katen i bin gat ol besik marasin olsem marasin bilong sik

malaria, panadol, ol anti baiotik samting.

Em i tok sios i bin kisim sampela marasin helpim i kam long ol sios ogenaisesen bilong em long Australia olsem Vincent De Paul grup.

Katolik helt sevis i papa long 15-pela helt senta, Yunaitet Sios long 6-pela na 10-pela i kam aninit long gavman. Ol i no kaurim ol etpos tasol Sister Thecla i tok Sios Helt Sevis i save lukluk long ol

dispela etpos insait long ol rurel eria bikos em i i lukautim planti ol helt senta na etpos long ol dispela longwe ples olsem.

Sister Thecla i tok wanpela bikpela hevi ol i bungim em long haiarim Trempot long salim ol marasin saplai i go long ol ples long bik ailan Bogenvil na ol liklik ailan. Long haiarim wanpela ka i go long Buin insait long Saut Bogenvil, em i kostim K1,000.

## Buka CODE helpim moa long 3,000 sumatin

Veronica Hatutasi i raitim

MOA long 3,000 Bogenvil sumatin i wok long kisim helpim long Kolis ol Distens Edukesen (CODE) skul long Buka insait long Bogenvil Otonomes Rijem.

Dispela skul i save helpim ol sumatin i wokim kos long Gret 7 inap long Gret 12 level.

Wanpela bikpela hevi we Buka CODE stadi skul i save bungim em long sol metiriel o samting we ol sumatin i yusim long ol

wok bilong ol na salim ol dispela metiriel i go long Buka.

Tasol lukluk nau i go long nupela Bogenvil Otonomes Gavman long helpim CODE Buka i daunim dispela hevi.

Kodineta bilong Buka CODE senta John Masiu i tok "nau Bogenvil i kisim Otonomi, mipela i lukluk long kisim helpim na bikpela samting em long wanpela Printing masin bilong mipela na Buka Yunivesiti Senta.

Tasol Mista Masiu i autim tok amamas long sapot we Nu Silan i givim,

stat yet long yia 2003, 2004 na long dispela yia bilong sapotim wok bilong CODE long Bogenvil.

Long tupela wik i go pinis, Nu Ailan i bin givim K50,000 long helpim Etminsitresen i karimaut wok bilong em.

Em i tok tu olsem Edukesen Divisen i givim tu K25,000 pinis long helpim CODE Buka i karimaut wok bilong em.

"Bikpela samting em dispela mani bai givim sapot long kisim semis i go long ol yangpela pipel," Mista Masiu i tok.

**HEI YU!**

**PNG FAMILY HEALTH ASSOCIATION**

Het Opis: Morobe Provins  
2nd Street IPI Building, Rum 3.5  
Post Office Box 839, Lae 411, Morobe Province, PNG.  
Tel: 472 6523  
Fax: 472 6296  
Email: pngfha@datec.com.pg  
Clinic: Rum 2.12

Opis: East New Britain Provins  
European Union Building, Butuwim  
Post Office Box 216, Rabaul  
East New Britain.  
Tel: 982 8727  
Fax: 982 8721

Opis: Eastern Highlands Provins  
Westpac Bank Building, Goroka  
Post Office Box 139, Goroka, Eastern Highlands Province.  
Tel: 732 1369  
Fax: 732 2859

Yu wok long painim haivim long:

- Ol rot blong spesim pikinini olsem kondom, kiau marasin na sut?
- Ol skul tok long ol hevi we isave bungim man na meri taim ol i laik kamapim pikinini?
- Skul tok long ST.I., sik HIV/AIDS na ol arapela hevi blong bodi?
- Kaunseling long gutpela sindaun blong femili?

Orait kam lukim mipela long ol opis long Lae, Kokopo na Goroka.

**PNG Family Health Association (PNGFHA)** em i wanpela NGO i save wok strong long kirapim wok na tingting blong ol man meri long femili plening, seksual na reproduktiv helt na ol sevis long halivim ol long kamapim gutpela sindaun blong femili na pipol blong komuniti long PNG.

# Ol lida mas sapot strong na pait egensim AIDS

.....Mak long Esia na Pasifik rijen i winim pinis 8.2milien pipel i gat sik aids

OL lida insait long Esia na Pasifik rijen i mas strongim wok long pait egensim sik AIDS bikos sapos nogat. tupela rijen bai bagarap tru.

Dispela salens i kam long Alexander Downer em Foren Afeas Minista bilong Australia tonh namba 7 intenesenel bung long AIDS insait long Esia Pasifik rijen we i bin pinis long Kobe Japan long dispela wik.

Samting olsem 8.2 milien pipel long Esia Pasifik rijen i gat binatang bilong AIDS.

Mista Downer i tok sapos ol lida na olgeta grup na pipel i no wokim samting long daunim sik nogut ya nau, long 6-pela yia, klostu haf mak bilong ol pipel i kisim ol nupela

infeksen o sik long wol bai i bilong Esia Pasifik rijen.

Australia i kamap wol lida long pait egensim sik AIDS insait long 20 yias na nau, em i go pas gen long wok bilong daunim dispela sik long Esia Pasifik rijen, Mista Downer i tok.

Em i tok Australia i putim \$600 milien long mani bilong em (Australia) long 5-pela yia i kam bilong pait egensim sik AIDS.

Mista Downer i tok em i amamas long tokaut olsem Australia bai givim narapela \$5 milien long helpim Global Fan long pait egensim AIDS, TB na malaria. Dispela em antap long \$15 milien we ol bin tokaut long

em long stat bilong las mun.

"Mani i no inap long stopim dispela sik nogut. Strongpela lidasip em i bikpela samting.

Annemarie O'Keefee i makim HIV/AIDS long Australia i bin tokim bung olsem i no ol lida tasol komyuniti, ol bisnis komyuniti na ol sios lida o mas putim han wantaim long winim pait egensim AIDS.

HIV/AIDS i no medikel hevi tasol em i hevi long sait bilong developmen, wok mani na long sosel sait tu. Binatang bilong sik AIDS i go nogut moa long ol kantri i wok long gro o ol developmen kantri we i karamapim PNG.

## AIDS bai kilim hap long PNG populesen long 15 yia i kam

LONG 15 moa yia i kam, PNG bai lusim klostu 40 pesen long ol woklain bilong em taim ol i dai long sik AIDS. Na baset i sot bai kamap bikpela namel long 9 na 21 pesen.

Long wankain taim, i mas gat strongpela lidasip long go insait long pait egensim AIDS long daunim sik ya.

Taim Foren Minista Alexander Downer i autim dispela ripot, em i tok Australia i wari tru long dispela na em bai i no inap long sanap na luktuk tasol long lukim ol neiba bilong e4m i stap insait long hevi. Olsem na em (Australia) i wok wantaim PNG Nesenel AIDS Kaunsel long ol rot bilong skulim ol pipel long abrusim binatang bilong AIDS, moa yet long ol meri we mak bilong sik i stap antap moa.

Piksa bilong sik AIDS long wol i no luk gut na i luk olsem ol dokta na saintis i no inap long painim marasin banis bilong em long planti moa yia i kam yet.

Tasol gutpela nius em ol pipel i ken lukautim ol yet egensim sik AIDS. Maski em i no inap long oraitim sik AIDS, ol lin i gat sik ya i ken kisim marasin ol i kolim long anti retrovaidal bilong helpim ol i stap gut

na laip longpela taim. Na ol edukesen aweanes progrem long stopim sik i kalap i go long planti narapela moa, olsem ol i lukim i kamap long Australia.

Salens em long skul aweanes na save long stopim o abrusim sik AIDS, sevis long lukautim na kisim tritmen long ol pies we i sot long samting i stap insait long rijen bilong yumi, Mista Downer i tok.

"Stopim sik AIDS long kalap long planti narapela i save kamap gut wantaim strongpela lidasip.

Binatang bilong sik AIDS i save kalap i go long narapela long pasin bilong manmeri i save slip wantaim wanpela narapela. Pasin i mas senis i bikpela samting.

Sampela pasin kastom tu i no gutpela i mas senis. Wanpela em long pasin bilong paitim nogut na bagarapim ol meri

"Sapos i gat strongpela lidasip long ol dispela samting na ol i givim mani sapot long ol progrem bilong stopim we i tagetim long givim sut long ol lain i yusim drag na grup we i save i go na i kam planti taim na i no sav e stap isi long wanpela hap, bai i nogat planti sans long binatang i kalap long ol narapela manmeri.



• Ol edukesen Opisa na tisa i makim olgeta provins i sindaun long wanpela wik Asesas trening woksop long ol nupela kurikulum rifom na tu, long apgretim save bilong ol i go long diploma level.



## NOMINESEN BILONG QUEEN LONG NIU YIA 2006 HONAS

Nesenol gavman nau i singaut long ol nominesen bilong ol man o meri husait i ting ol i mas kisim luk-save long hatwok na sevis bilong ol i go long nesenol developmen bilong kantri wantaim ol sevis bilong ol i go long komyuniti, seriti na ol spots ogenaiesen, slos bisnis na pablik sevis.

Olgeta nomini o man na meri husait Nesenol Hona na Awod komiti i makim i mas i gat karikulam vitae o pepa i soim olgeta wok na ol samting ol i kamapim long hatwok bilong ol na long ol yet. Ol nem i go long Nesenol Hona na Awod komiti na i nogat endosmen i kam long wanwan ogenaiesen bilong ol yet o provinsol Honas na Awod komiti bilong ol bai ol i no i nap long kisim.

Olgeta nominesen bilong 2006 niu yia hona na awod i mas kamap long Nesenol Hona na Awod komiti, Dipatmen bilong Praim Minista na NEC bipo long 4:06pm long Fraide 15th Julai, 2005.

Daunblo em i nominesen fom we yu i mas putim olgeta samting em i askim long en. Sapos i nogat i nap spes, yu i ken taipim long narapela pepa na pasim wantaim.

Salim ol infomesen i go long:

**The Chairman**  
National Honours and Awards Committee  
Department of Prime Minister and NEC  
P.O Box 639  
**WAIGANI**  
National Capital District  
Papua New Guinea

Telephone: 327 6631/ 6789  
Facsimile: 325 2648


Otoraisesen i kam long:

Joshua Kalinoe, CBE  
Sif Sekreteri long gavman.

## 2006 Queen's New Year

2006 Nominesen Fom bilong Nu Yia Onas bilong Kwin

1. Ful Nem na Taitel o Sevis Renk, sapos i gat, Senem o Famili Nem raitim long kapitel leta: -----
2. De mama karim yu:-----
3. Adres bilong yu:-----
4. Yu bilong wanem kantri:-----
5. Yu holim wanem wok nau:-----
6. Wanem yia yu bin stat wok:-----
7. Yu wok hamas krismas:-----
8. Yu mekim wanem kain wok:-----
9. Sotpela stori long wok yu mekim (sapos stori i longpela yu ken rait long narapela pepa):  
-----  
-----  
-----  
-----
10. Yu laikim wanem kain awot:-----
11. Yu kisim wanpela awot bipo (sapos yu kisim) na yu bin kisim long wanem taim stret:-----
12. Husat i rekomendim o makim yu:-----
13. Wanem taim ol i bin makim yu:-----  
-----



Salim ol pas i kam long WANTOK NIUSPEPA: P.O. Box 1982, Boroko N.C.D 111 Fax: 325 2579 Email: word@global.net.pg

## Wansait tasol

Dia Edita

MI MANKI Maunten Tawa insait long Erave distrik long Sauten Hailans provins. Nau mi kam i stap long Pot Mosbi na mi laik autim wari bilong mi i go long Wantok Niuspepa na ol pablik ken lukim. Mi ting dispela kantri bilong yumi hailens wantaim nambis na kamapim biknem PNG. Tasol nogat dispela kantri bilong ol nambis pipel tasol. Long wanem na mi tok olsem? Stat long Praim Minista na ol arapela minista posisen i holim long en em ol bilong nambis man tasol na i nogat planti hailans memba i holim kain bikpela wok olsem. Nogat tru.

Praim Minista, minista bilong Foren Afeas, Gavana Jenerel na nau deputi Praim Minista em yupela ol nambis man tasol na mi yet

STANLEY KEWA  
HOHOLA  
NCD

## Nuku mas lukluk gut na vot

Dia Edita

MI wanpela man i save amamas long ritim Wantok Niuspepa. Taim mi ritim mi save ritim planti ol toktok bilong politik na tok bek bilong olgeta man insait long 19-pela provins long PNG. Planti pas i save kam long ol grasrut i wok long toktok long developmen long kantri insait long wanwan provins long wanem ol politisen na ol pablik seven bilong yumi i no wok bung wantaim long bringim sevis long provins.

Dispela i min olsem mipela long Sandaun nau olgeta lida na politisen bilong mipela i no save wok bung wantaim long lidim pipel na provins i go long rait rot bilong developmen. Long wanem olgeta 4-pela MP na wanpela Gavana Carolus Yuni i no save wok wantaim. Ol yet i no save long lidim provins long developmen. Olsem na mi wanpela siaman bilong wanpela koporetiv sosaiti insait long Nuku na man i makim olgeta grasrut na papamama lapun mipela i wet long lukim tru tru developmen long provins na wanwan rurel eria na distrik. Stat long 1975 independens i kam inap long nau i luk olsem Sandaun i stap wanem yet na i luk olsem mipela go bek gen na politik i moa yet na mauwara nating.

Olsem na mi olsem siaman bilong Yamashuk Koporetiv Sosaiti i tok olsem mipela long Nuku lektoret maski long yupela pilai politik nambaut. Man, mipela i wok long lukim na sampela sevis i wok long kamap em Mista A. Kumbakor.

Yes planti man i kaikai long han bilong em. Em tok em i no save kisim sampela helpim long memba yu dispela kain man long Nuku, yu giaman tasol. Memba i mekim planti samting long distrik, olsem na dispela olgeta samting tasol bai toktok olsem Ampiens bai tok mi Kumbakor skul pikinini bai tok mi Kumbakor i baim skul bilong mi. Ating planti arapela samting tu bai tokaut long Kumbakor.

2007 ileksen i kam klostu nau na planti politik i wok long kamap nau. Na planti ol tisa bai resis, bisnis man na sampela pablik sevens tu. Tasol papamama long Nuku lektoret lukluk gut na vot. Klostu bai ol man i giamanim mipela long praivet inters bilong ol i go na mipela bihainim i go na em lus. Em go wok long dipatmen em kam long en tasol mipela bai karim hevi i stap. Em tasol tenkyu tru.

HERRY MANDAL  
NUKU SANDAUN PROVINS

## Kondom i stap na pasin pamuk i strong


Dia Edita

MI LAIK surukim toktok bilong brata Dickson Papof. Em i tok kondom i stap na pasin pamuk i stap. Em i tru. Long nau yet long dispela taim bai yu lukim ol meri save karim kondom na ol man tu save karim kondom raun. Hau na manmeri bai pret long kisim HIV/AIDS? Ol save tok olsem ol i no wari bikos kondom i stap na ol i no save isi long pasin pamuk. Orait long ol Niuspepa bai yu lukim ap stori bilong stopim sik HIV/AIDS bai stap long olgeta de. Na Gavman save fandim bikpela man long stopim HIV/AIDS.

Gavman yu bos bilong kantri PNG yu hotim pawa na inap yu stopim dispela kampani long wokim na salim kondom i kam insait long kantri. Kondom i stap na yu gavman save lusim mani nating long stopim HIV/AIDS. Taim yu stopim kondom kampani bai Gavman i no inap lusim mani na HIV/AIDS i no inap kamap bikpela long kantri. Ol man meri i no save wari bikos kondom i stap na pasin pamuk i go bikpela. Brata Dickson Papof i tok long niuspepa na tok, marit meri i no save kisim bel bikos man save yusim kondom long mekim pasin pamuk. Dispela em wanpela tru-

pela tok bikos hau na man bai save olsem meri bilong em save pamuk? Bikos kondom stap na pasin pamuk i stap. I moa gut-pela long Gavman i ken stopim rot bilong kondom bai ol manmeri bai pret long HIV/AIDS na bai ol i no inap mekim pasin pamuk. Em hap wari bilong mi long sapotim pas bilong brata Dickson Papof husat bin kamap long Wantok long 23/05/05.

JOE WESLEY  
WAIPIP-NEBILYER  
DISTRIK  
WESTEN HAILENS  
PROVINS



Toksave: Sampela ol pas mipela i kisim i longpela fumas na i no givim spes long ol arapela pas, plis raitim pas liklik. Na tu putim nem na adres bilong yu long olgeta pas yu salim i kam, tenkyu. - Edita

## Tok i sanap strong long mekim wok bilong God

Dia Edita

MI laik bekim pas bilong tupela kristen brata Peter Kelo na Daniel Westly. Peter Kelo i tok nem bilong em i stap long Buk bilong Laip na narapela brata em i bin agensim dispela em mi laik tok olsem. Sapos wanpela man o meri em i ting em i stap stret long ai bilong God, orait em ino ken apim nem bilong em yet na daunim ol arapela kristen. Sapos yu mekim olsem, orait God bai dau-

nim yu. Buk bilong God i gat tok long dispela kain pasin i no ken kamap. (Matyu 23:12; Jems 3:14-16)

Tok bilong man long agensim; sapos yu wanpela man o meri yu tanim bel pinis, orait yu no ken skelim pasin bilong narapela kristen brata o susa bilong yu. Wok bilong yu long mekim, em yu litimapim nem bilong Bikpela, long wanem, em bin senisim laip bilong yu. I no bilong yu long skelim

narapela brata bilong yu. Wok bilong skelim na jasim em bilong God yet. Olsem na yumi kristen yumi mas lukaut long dispela kain pasin.

Nogat God bai skelim yumi tu olsem Buk bilong God i tok long Matyu 7:1-2; Rom 14:4,10). God i gat olgeta strong i ken blesim yumi olgeta tru.

SARUM KESI  
BADILI  
NCD

## Tok klia long wok long rot

Dia Edita

INAP yu givim mi spes long bekim pas bilong Memba bilong Kabwum Mista Bob Dadae kamap long Wantok Niuspepa bilong Epril 14, 2005.

Mi bilong Deyamos LLG eria insait long Kabwum Distrik na mi wanpela wokman insait long Deyamos LLG eria tu. Mi kauanim tok bilong Memba bilong mipela Mista Bob Dadae long ol rot bilong Kabwum Distrik olsem em wokim pinis.

Wasu-Kabwum rot em pinisim pinis na ol pipel bai wokim ol arapela rot insait long Kabwum Distrik. Mi laik askim wanem ol rot tru bai ol pipel wokim na kisim mani long em na ol yet bai lukautim? Mipela long Deyamos LLG eria i gat foa-pela rot inap long bungim wantaim Kabwum na Wasu stesin. Dispela ol rot

em bilong Derim/Hem/Yalumet, Wasu/Kawange, Bit/Yalumet na Molon/Mumugam rot. Dispela ol rot bai ol pipel wokim o yu memba bai wokim o Gavman bai wokim o Wol Benk bai wokim? Tok klia tu long wanem taim bai wok long dispela foa-pela rot bai stat na pinis? Yu bin tok yu wanpela save man na ekspiriens man olsem na mipela votim yu olsem na mipela wet long lukim rot bilong mipela kamap hariap.

Mekim bilong dispela pas i kam long Memba bilong mipela ol Kabwum na husat brata laik sapotim o agensim orait rait i kam long Wantok Niuspepa.

PANGEP PAIN  
DEYAMOS LLG  
MORBE PROVINS

## Yupela i paol yet

Dia Edita

Long Wantok Niuspepa # 1611 mi ritim pas bilong Peter Tiini bilong Lae, Morobe provins na sampela Baibel ves i paol olsem na mi rait long bekim pas bilong em.

Yes Peter, i tru olsem mi rait long Wantok Niuspepa na serim sampela toktok i sut long de Sabat, tasol Peter, yu mas save olsem pas bilong mi em i no agensim Sabat. Nogat, mi tok olsem dispela de Seven (7) em de bilong God stret na i no bilong man long graun, olsem na God yet i gat rait long givim de bilong em long husat lain manmeri long kipim. Na em givim long ol pipel bilong em Israel. Peter, yu lukim long Buk Detoronomi 5: i stat long God i givim kovanen o kontrak long Israel antap long Mt Horep na lukim ves 12 bai yu painim olsem God i tok: Keep the Sabbath day to sanctify it (set aside the Sabbath day) as the Lord they God hath Commandeth thee. Na dispela seim koman yu ken painim long Exodus 20:8. Lukim ves 1 saptu 5: Deutronomy i tok - And Moses called all Israel, and said unto them, hear o Israel, the statutes and Judgments which I speak in your ears this day, that ye may learn them, and keep, and do them. The Lord made a covenant with us in Mt Horeb.

Long ves 3 bai yu painim aut olsem dispela kontrak God i no mekim wantaim o tumbuna bipo, m nogat, Moses i tok: The Lord God made not this covenant with our fathers, but with us, even us, who are all of us here alive this day.

Sapos yu stap wantaim mi Peter, yu lukim gen long Exodus 31:12 i go long lain 17, ating bai yu painim aut olsem olgeta dispela lo God i tokim Moses long givim long ol Israel tasol na bai yu painim olsem Sabat tu em i stap insait long ves 13, 14, 15, 16, 17. Ves 17 i tok olsem - It is a sign (mak) between me (God) and the children of Israel forever.


Olsem pas bilong Peter i kamap long Wantok Niuspepa # 1611 - mi laik save Peter yu yusim King James version Baibel tu o nogat? Sapos nogat, orait painim wanpela na skelim wantaim ol Baibel ves mi raitim daun hia. Na long buk Luk 19: 9-10 yu tok long en ya, em i no tok long lo, em i stori long salveisen o God i kisim bek man long rot bilong Jisas Kraus tasol na i no long kipim Sabat.

Yu kwotim ves i rong liklik. Na long Matyu 5:17-19 olsem yu tok long en ya ves 17 i tok - think not that I am come to destroy the law, or the prophets. I am not come to destroy, but to fulfil. Long yu em yu ting dispela lo namba 4 ya long kipim Sabat a na tok profet wantaim? Bai mi tokim gem olsem (quote in English) The law refers to the five (5) books of Moses (often called the Pentateuch).

In what ways will the law never be destroyed? (1) The moral impact of the law will never change, like - idolatry, murder, adultery, stealing, lying and covetousness are rebellion against authority. They are and always will be sinful acts. (2) There are prophecies that must be fulfilled. Every single prophecy - God's Covenants with Abraham and David, promises of the coming saviour, prophecies of the restoration of Israel must all be minutely fulfilled etc...

Ating yu mas ritim Buk Tambu bilong yu gut pastaim orait yu kwotim ol Baibel ves. Long John 12:50 yu tok long en dispela yes em i tok long laip i stap gut oltaim insait long Jisas tasol na i no rifer long lo Sabat yu ting long en. Sabat em de God i makim bilong em yet na em i malolo. Laip stap gut oltaim em Jias i givim long blut bilong em wasim sin - by God's grace (Ephesian 2: 8-9).

P. I.  
LORENGAU  
MANUS PROVINS



**WANTOK KOMENTRI**

**Lida i mas soim rot bihainim stretpela pasin**

OL PIPEL i nogat bilip moa long ol lida long wanem ol i save lukim ol lida i go kamap long Nesene! Palamen, sanapim haus bilong ol long Mosbi siti na bihain ol i lus tingting long ol pipel i makim vot pepa bilong ol.

Dispela em i no gutpela sindaun bilong kantri.

Olgeta dispela bel hevi bilong ol pipel em ol manmeri yet i stap long ol liklik ples i autim taim ol bikman i go pas long Gan Kontrol Komiti i bin painimaut.

Long bikpela bung bilong paitim toktok long gan em ol i autim ol dispela toktok wantaim ol arapela bel hevi we i soim klia olsem luksave bilong ol pipel long lida i wok long go daun.

John Toguata, bipo polisman na nau wanpela komisina bilong Ombudsman Komisnin yet i tokaut olsem taim em i go raun toktok wantaim ol manmeri nabaut long kantri long hevi bilong gan, planti manmeri i wok long autim bel hevi bilong ol long ol lida.

Yumi ken tok olsem dispela tupela samting i no wankain, tasol sapos yumi glasim gut, dispela tupela samting nau i stap long as bilong tingting bilong ol pipel long hevi ol i wok long bungim insait long kantri tete.

Taim memba i kisim namba, na em i go long bikpela haus tambaran long Mosbi, em i save karim olgeta laik, bilip na lewa bilong ol pipel i go wantaim em.

Tasol taim em i save go long Mosbi na ol pipel i no lukim pes bilong em i go bek long ples, ol i save tingting planti.

Dispela i no save sut long narapela rot, em i sut stret long pasin bilong wan wan lida.

Taim lida i kam sindaun long Mosbi na i lus tingting long ol pipel, em i save kamapim bikpela bel kros nanel long ol pipel i stap long ples.

Taim ol pipel i kam long Mosbi, ol i save lukim wanem? Ol i save lukim ol lida bilong ol i raun long ol bikpela kar, raun raun wantaim ol bodigat bilong ol na kaikai na pati long ol bikpela klab na pati ples.

Yumi olgeta i save olsem ol lida bilong yumi i mas karim laik na hevi bilong ol pipel i makim em.

Tasol planti taim, ol lida yet i no save luksave long dispela bikpela wok bilong ol.

I tru olsem hevi bilong gan na hevi bilong nogat gutpela sevis i no wankain hevi, tasol tupela wantaim i kamap bihainim pasin bilong ol lida.

Sapos ol lida i gat bilip long ol pipel, na ol i bihainim etretpela rot na pasin long olgeta wok ol i mekim, bai ol pipel i nogat bel hevi wantaim ol.

Sapos lida i bihainim stretpela pasin bilong rausim ol samting olsem gan insait long kantri, bai i nogat moa hevi bilong gan insait long komyuniti.

Lida i mas soim rot, long wanem em i man i go pas long ol pipel. Sapos lida i holim gan, ol pipel bai tok olsem em i orait long holim gan tu. Sapos lida i mekim paul pasin, ol pipel bai bihainim tu.

Dispela rot em i no gutpela rot long bihainim. Sapos mipela i laikim ol lida husat bai no inap long karim gan long lukautim ol yet, mipela i mas makim ol manmeri husat i no inap long bihainim pasin nogut long kisim luksave.

Mipela ol pipel i luksave long yupela ol lida na mipela i makim yupela olsem lida bilong mipela. Nau yupela ol lida i mas luksave long ol hevi mipela i karim.

Rausim gan long PNG.

**Sampela tingting long kisim helpim mani long ol Dona Ejensi**

ATING planti grasrut manmeri na tu planti ol save manmeri i no klia olsem planti ol dona ejensi o ol lain bilong arapela kantri i save givim helpim mani insait long wol i save laik long tromoi mani long planti grasrut wok na projek. Ol i save halivim ektiviti

o projek bihainim as tingting bilong ol yet; olsem tok piksa, wanpela dona ejensi i save helpim Elementari Edukesen tasol, o narapela i save halivim ol komyuniti long kamapim fam projek.

Mani ol inap givim em fri mani, o mani we yu no inap bekim.

Tasol ol i save kamapim sampela stia tok tu we ol pipel o komyuniti mas bihainim o sapotim.

Wanpela stia tok ol i laikim long salim mani long helpim ol komyuniti long wok projek bilong ol, em dispela komyuniti mas rejistaim Asosiesen bilong en wantaim Invesmen Promosen Atoriti (IPA). Insait long Asosiesen, bai i gat wokman olsem opis menesa, akaunten na taipis.

Wanem mani ol i salim i kam, ol dispela wokman bai inap mekim gut mani ripot na projek ripot i go bek long ol dona ejensi.

Ol dona ejensi i save pret long salim mani i kam long komyuniti i nogat asosiesen we gavman i no luksave long en.

Sampela dona ejensi i save laikim komyuniti i putim K5 na ol i putim K5 long kirapim projek. Sampela i save laikim ol komyuniti yet i mas mekim olgeta wok.



Ol prinsipol bilong gutpela lida

wantaim Evangelist

**OHARE JABERE**

Sampela dona ejensi i save laik lukim ol pipel i wok bung wantaim long kirapim ol projek pastaim long ol i salim mani i kam. na rait skul, mekim wok awenes long sik H I V / A I D S , Environmen o Yut Trening na planti moa.

Bikpela tingting bilong dona ejensi em ol i mas lukim olsem komyuniti i yusim mani stret long projek na i no long narapela samting.

Sapos mani ripot i no stret ol i no inap long givim helpim long narapela wok projek bilong komyuniti.

I gat planti dona ejensi i stap long wan wan kantri na planti i gat kain kain wok ol i save laik makim mani long en. Kain olsem New England Bio Lab Fund (NEBF) i save helpim elementari edukesen, envaironmen na ol tumbuna piksa-pen na drama.

Narapela dona ejensi long kantri Nowei (Norway) i save helpim wok bilong edukesen: elementari, pri-skul, rt

na rait skul, mekim wok awenes long sik H I V / A I D S , Environmen o Yut Trening na planti moa.

Narapela dona ejensi i save helpim wok bilong helpim komyuniti o grasrut long mekim wok awenes long Global Green Grants Fund (GGF).

Dispela dona ejensi i helpim pinis planti ol grasrut komyuniti long PNG long dispela wok.

Komyuniti Grup o Asosiesen i laik save moa long ol dona ejensi i mas askim ol Embesi opis o Hai Komisnin opis bilong wan wan kantri long save long rot o wok ol i save givim helpim mani na adres bilong ol NGO dona ejensi.

Narapela rot tu em ol i ken askim ol NGO Grup husat nau i wok long PNG, we ol inap givim postal adres na e-mail adres.

**WANTOK**

Published Weekly, Wednesday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: 325 2500  
Fax: 325 2579  
Email: word@global.net.pg  
Pe bilong wanpela yia  
52 niuspepa

**Ples:** PNG K140.00  
AUSTRALIA US\$100.00  
ASIA PACIFIC na JAPAN US\$80.00  
AMERICA na EUROPE US\$150.00

General Manager  
Justin Hansu Kili

Editor  
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea: Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



# PASIFIK NIUS

**SI: Tred so laik bungim olgeta pipel**  
 SOLOMON Ailans Gavana Jenerel Sir Nathaniel Waena i tok Nesenel Tred na Kalsarel So bilong dispela yia bai givim sans long olgeta pipel long strongim tingting bilong olgeta Solomon Ailans manmeri long wok bilong lukautim ol bus, graun na solwara bilong kantri.

Gavana Jenerel i bin mekim dispela toktok long Honiara taim dispela so i op. Em i tok ol diwai, solwara, wara na bus na ol animal i stap long as tru bilong strongim sindaun bilong olgeta manmeri long wol na olgeta animal we God papa i bin mekim.

Sir Nathaniel i tok dispela i soim klia long olgeta manmeri long strongpela kalsa bilong ol.

Em i tok ol dispela kalsa i stap long as bilong iaip na nem bilong Solomon Ailans.

Sir Nathaniel i tok Solomon Ailans em i ples bilong planti manmeri bilong planti kain hap, tok ples na kalsa bilong ol yet i sindaun wantaim.

Em i askim olgeta long sindaun gut wantaim na strongim ikonomi bilong kantri.

### FIJI: ANZ beng strongim sindaun insait long Pasifik

AUSTRALIA na Nu Silan (ANZ) Beng i tokaut long dispela wik olsem em bai apim mak bilong mani ol i givim long strongim groa insait long Pasifik.

ANZ Sief Eksekutiv Opisa John Macfarlane i bin givim dispela tok promis long Suva taim em i mekim wanpela raun long lukluk long ol opis bilong ol insait long Pasifik.

ANZ em i wanpela beng i go pas insait long Pasifik rijen we em i gat moa long 1500 wok manmeri insait long 48 brens insait long 11 kantri we i karamapim tu Ameriken Samoa, Kuk Ailans, Fiji, Kiribati, Nu Kaledonia, Papua Niugini, Samoa, Solomon Ailans, Vanuatu, Tonga na Timor Leste.

Mista Macfarlane i tok las yia beng i mekim profit o winmani inap long 100 milien Australia Dola i kam long Pasifik rijen tasol.

"Long sait bilong ANZ, mipela i go pas long ol arapela beng insait long Pasifik, olsem na mipela i tromoi moa mani long groim ikonomi bilong bihain taim," em i tok. "Rijen i wok long kisim bikpela kaikai bilong strongim ikonomi bilong ol wan wan kantri. Groa insait long turisim na propeti maket insait long Fiji na long ol netserei risos insait long Papua Niugini i wok long strongim groa bilong bisnis."

Mista Macfarlane i tok dispela wok bilong strongim wok gavanens insait long Pasifik i stap long as bilong moa wok bisnis na moabeta groa bilong ikonomi.

Em i tok humen risos developmen o strongim ol wok manmeri long sait bilong givim ol trening em i wanpela hap we ANZ i wok long lukluk long en.

"I gat wanpela bikpela lukluk long rausim ol save long ol Australia na Nu Silan i go long ol wok manmeri bilong mipela na givim trening long ol as ples wok manmeri."

Em i tok namba bilong ol wokmanmeri insait long Pasifik rijen em i bikpela moa long olgeta arapela hap we ANZ i stap long en.

### AUS: Australia wari long groa bilong AIDS long PNG

FOREN Minista bilong Australia, Alexander Downer i autim wari bilong em long bikpela groa bilong HIV binatang insait long Papua Niugini.

Em i autim dispela tingting bilong em taim em i toktok long namba 7 Intanesenel Kongres bilong AIDS insait long Esia na pasifik we i pinis long dispela wik long Kobe, Japan. Em i givim strongpela tok strongim long PNG olsem Australia bai no inap sanap long sait na lukim dispela hevi i go bikpela moa.

"Sapos dispela groa long PNG i go het yet, ol wok manmeri insait long kantri bai i go daun inap long 38 pesen long yia 2020 na baset bai i sot namel long 9 na 21 pesen long yia 2020."

Em i tok Australia i wok long wok bung wantaim Papua Niugini Nesenel AIDS Kaunsel long ol rot bilong skulim na toksave long ol pipel husat i ken kisim dispela sik isi tru.

Ol saveman i makim samting oslem 8.2 milien pipel i karim dispela binatang raun i stap insait long Esia Pasifik Rijan.

Mista Downer i tok sapos dispela namba i no go daun, insait long 5-pela yia tasol, 40 pesen bilong ol nupela manmeri i karim binatang bilong sik AIDS bai stap insait long Esia Pasifik.

Australia i tok promis long givim inap long AUS\$600 milien inap long yia 2010 long pait agensim dispela hevi tasol Mista Downer i tok mani tasol i no inap long stopim dispela sik nogut.

Em i tok strongpela lidasip i mas stap, i no long ol politisen tasol. I mas i kam long komyniti, bisnis na ol sios lida long wok bung wantaim.



### Ol liklik man i gat namba...

OL liklik man o dwof i gat namba tu ya. Ol dispela lain bilong kantri Meksiko em ol i save pait wantaim ol wei man bulmakau. Ol dispela dwof buffaita i bihainim wok we ol tumbuna bilong ol i bin kamapim bipo yet long kantri Spain. Ol i tok dispela kain wok i save soim strong bilong ol liklik manmeri long mekim pani samting. Dispela bai senisim tingting bilong planti arapela bikpela manmeri olsem ol em ol liklik manmeri nating tasol.

REUTERS/Oliver



### Toilet na kaikai?

DISPELA yangpela meri i wok long kaikai ais krim insait long wanpela plet i luk olsem wanpela toilet. Dispela em i stail bilong wanpela stoa long kantri Taiwan. Olgeta sia na plet insait long dispela stua em ol i makim bihainim toilet. Taim ol manmeri i odaim kaikai, em i save kam insait long ol plet we i makim ol toilet bilong ol west-en kantri o ol toilet bilong ol pipel long ol Esia kantri.

REUTERS/David Lin



### Wait Taiga...

WANPELA wait taiga i soim pes bilong em insait long banis bilong em long Nu Deli zoo. India i wok long kamap ples bilong ol tain man nogut long kamap gemkipa long traun na lukautim gut namba bilong ol taiga.

REUTERS/B Mathur




### Wasman bilong diwai

DISPELA em ol wasman bilong ol diwai long kantri India. Wok bilong ol em long banisim ol diwai long ol man nogut husat i save hait na katim diwai. Tasol nau ol i wok long daunim wok bilong ol long wanem taim ol i save holim pasim ol dispela stail man, ol meri bilong ol stail man i save rausim klos bilong ol na stat singaut olsem ol dispela diwai wasman i bagarapim ol.

AFP/Deshakalyan Chowdhury



WOLNIUS WOLNIUS WOLNIUS




WOLNIUS WOLNIUS WOLNIUS



**Snek i danis...**

WANPELA man bilong lukautim oi bikpela snek i winim paip na dispela bikpela King Kobra snek i danis bihainim. Wanpela man husat i save mekim dispela kain wok nau em i kisim bagarap i stap bihain long wanpela King Kobra snek i bin kaikaim em taim em i wok long givim em kaikai. *AFP/File*



**Tru tru kau o wanem samting?**

EM i no kau, tasol ol i mekim ol dispela stetyu ol i makim ol kau stret i sanap ausait long Natur-Museum insait long siti Lucerne long kantri Swisalen. Inap long sevenpela ten plastik kau i sanap long oi rot bilong Geneva inap long wanpela wik pinis. Tasol ol kainkain manmeri i wok long bagarapim ol na ol lain i go pas long sanapim ol i tingting planti long sanapim ol gen inap long 4-pela mun olgeta. *AFP/File/Richard A. Brooks*



**Robot sekyuriti gat...**

WANPELA kampani bilong ol Siapan, Sohgo Sekyuriti Sevises Kampani i soim nupela sekyuriti robot masin man bilong ol. Nem ol i givim long dispela masin man em 'Guardrobo D1'. Dispela robot i gat save long kilim paia tu. Dispela kampani bai stat long yusim dispela robot masin man insait long yia i kam. *Issei Kato/Reuters*



**Pulim stori...**

DISPELA yangpela manki i luk olsem em i wok long pulim stori wantaim dispela tupela animai bilong solwara ol i kolim ol em ol sil (seal). Dispela tupela sil em ol i save stap long Taronga Zoo long Sydney siti long Australia. *AFP/File/Torsten Blackwood*



**Dok lukautim taiga...**

DISPELA dok em i wanpela narakain dok olgeta. Piksa i soim wanpela dok i givim susu long tupela bebi taiga long wanpela Krasnoyarsk, wanpela siti long Saibiria. Dispela dok i gat wanpela liklik bebi dok bilong em yet, tasol em i no wari long givim susu long dispela tupela liklik taiga. Mama bilong dispela tupela taiga i bin lusim ol na les long givim susu long ol, olsem na tupela i kam painim susu long dispela mama dok. *REUTERS/Ilya ymushin*

# Raun long Buka

*.....Ples bilong helpim ol famili*

*Veronica Hatutasi i raun long Buka maket na lukim kainkain samting ol man na meri i salim long hap na em i stori liklik long raun bilong em.....*

**B**UKA maket em i wanpela gutpela na klinpela maket we yu ken lukim ol meri long olgeta hap bilong Bogenvil na Buka Ailan i salim ol samting bilong kisim mani long en i stap. Ol i save salim ol gaden kaikai olsem kumu, kaukau, galip nat na ol pinat samting.

**Veronica Hatutasi i raitim**

Ol i salim tu ol smuk pis, tapiok we ol i sikirapim, miksikim wantaim banana na mumuim. Sampela em ol i putim ol long lip karamap na salim na sampela em ol i katim na putim long ol bikpela dis o plet.

Na taim ol manmeri i laik baim, ol i karamapim long lip na givim ol. Ol i salim tu ol prut olsem muli na mandarin, painap, watamelon, banana na ol kulau o yangpela kokonas bilong dring.

Long dispela maket, bai yu lukim ol lain i salim ol henkraf olsem ol Bogenvil basket, selmani na nekles bilong ol Solomon Ailan, raba bilong yusim long spaiim o sutim pis wantaim na tu long wokim katapel long sutim wail pik, kapul na balus pisin long em.

Yumi noken lusim tingting long bun bilong olgeta manmeri long kantri na dispela em long buai. Em i pipia nating long Bogenvil.

Bogenvil i gat nem tu long PNG wantaim ol bikpela buai we bikpela bilong em i klostu kamap olsem bikpela bilong apol.

Buka maket i pulap kapsait wantaim ol kain kain sais buai, liklik namel sais na ol traipela apol sais buai tu.

Planti bilong ol dispela bikpela sais buai em ol lain bilong Kunua na Keriaka, Tinputz na Kieta long bikples Bogenvil i save karim i kam na salim long Buka maket.

Bikpela toktok i bin kamap long ol lain manmeri we Wantok i bin bungim i salim ol samting long Buka maket em long kisim mani bilong peim skul fi na lukautim famili.

Bai yu lukim tasol ol mama na sampela yangpela meri i maket i stap long Buka maket.

Tasol Wantok i bin bungim tu tupela man i maket i stap. Wanpela i bilong Malaita long Solomon Ailan na narapela em man Siwai long Saut Wes Bogenvil.

Bai ai bilong yu i kisim gut ol meri i lainim gut ol kaikai, kumu na buai bilong ol na ol i luk pres tru na nais bikos ol i kisim tasol long gaden i kam.

Husat woklain, sumatin na man nating i raun na hangre i ken go tasol long Buka maket na baim mumu maget karamap tapiok o tapiok ol i katim na i stap long dis na smuk pis na inapim hangre.

Tu, yu ken baim ol naispela kulau long 40, 50 na 60 toea na kolim nek. Prais i liklik tu skelim wantaim botol orens o koka kolsa long stua ol i salim long K2 na antap. Wanpela bikpela mekpas pinat em yu ken baim long K1 tasol.

Wanpela mekpas kumu em long K1, wanpela bikpela hip kepsikum em long K1 tu.


Narapela samting we ol mama i kisim bikpela mani long en em ais blok. Kain ais blok yu bai lukim ol meri i salim long Buka maket em ol "Iaga stik" we ol i salim long 50 toea long wanpela.

Dispela i bikpela moa long 20-toea ais blok ol i save salim long planti hap bilong Mosbi.


Buka taun Kaunsol i save sasim K3 fi olgeta de long ol mama, ol meri na husat moa i go salim ol samting long Buka maket.

Wantok i bin bungim ol lain meri na wanpela man long Buka maket na stori liklik wantaim ol.

**Ol Poto long dispela stori:  
Veronica Hatutasi**



• Mimis o selmani em bikpela samting long pasin kastom.



• Peter Wale i bilong ples Su'u long Malaita provins insait long Solomon Ailan. Bipo long Bogenvil hevi, bikpela maket long Buin i save pulap kapsait long ol lain wantok na hauslain bilong Solomon Ailan i kam salim ol pis, selmani na ol narapela samting long maket. Sampela i bin save maket long Arawa tu. Taim hevi i go bikpela, ol bin pinis tasol stap long Bogenvil i orait na ol brata susa bilong Sotlens na ol arapela ailan klostu i no isi long kam salim ol pis na ol arapela abus bilong solwara wantaim tu long selmani long Buin maket olgeta Sarere. Em i olsem 30 minit samting tasol long kisim moto i go na i kam namel long Buin na ol Sotlen Ailan.



• Theresa Mate na Maggie Nigono em tupela susa bilong ples Waitabuna long Bana Distrik, sautwes Bogenvil.

# maket



• Rita Rani em i wanpela mama i gat 8-pela pikinini. Em i bilong Selaueria long Buka. "Maket i save helpim mi long peim skul fi na tu, lukautim famili bilong mi long kaikai, klos, baim karasin, sop, sol na ol arapela samting olsem long helpim sindaun bilong famili. Mi save salim tu ol "laga stik aisblok na skon tu. Mi bin stat long maket long yia 2003 bikos

• Buai em bun ya na long Bogenvil tasol yu ken painim ol traipela mama bilong buai.

Lydia Rabis em wanpela yangpela meri bilong ples Sapani long Soloseria long Buka. Em na mama Lucy Nogos i wok long salim ol naispela grinpela buai taim Wantok i wokim raun long maket. Nau em i taim bilong buia na wanpela bikpela hip buai i gat samting olsem 20 nat long en em ol bin salim i




• Raba i gat wok bilong em.

Wantok i lukluk long hapsait tebol long Buka maket na lukim ol blek, ret na braun raba gumi na i wok long ting em ol bilong mekim wanem samting ya.

"Ol dispela raba em ol man i baim long yusim long painim pis, wokim katapel long sutim kapul, wailpik samting. Mipela i bin traim tasol sapos maket long raba gumi bai kamap orait tru tumas ol manmeri i kam baim ol raba gumi.

# Nait bilong bikpela pret



**L**ONG namba wan de bilong mun Februari long dispela yia, bikpela pret i bin holim Pot Mosbi siti. Tokwin i bin raun olsem bai i gat wanpela bikpela sunami o solwara i bruk antap long Mosbi siti stret. Ol manmeri long nambis i lukim solwara i sruk i go daun olgeta na pret bilong sunami i go bikpela nogut tru. Dispela em i stori i kam long wanpela liklik meri i mekim Gret 6 bilong em long St Theresa's Prameri Skul long Badili. Norah Porau i bin stap taim pret bilong sunami i bin holim famili bilong em.

LONG namba wan de bilong mun Februari, 2005 long bikmoning tru long samting olsem 3 kilok, mi kirap taim mi harim wanpela man i bikmaus na paitim dua.

"Dedi, Dedi, Dedi," em kasen brata bilong mi i slip long hap sait haus i wok long singaut na paitim dua.

Mi ron wantaim Papa bilong mi, Mama bilong mi na 4-pela brata na narapela susa bilong mi long go na opim dua. Ol manmeri i bikmaus na pairap long dua i wok long go bikpela yet.

Taim mipela i opim dua, kasen brata bilong mi tok: "Solwara i go daun olgeta na bai i gat wanpela sunami i kam."

Taim mipela i harim dispela toktok "sunami", Papa i stat long bikmaus nau. "Mama, kisim ol pikinini na yumi go nau!"

Mipela olgeta i ron i go ausait long dua na mi lukim mama wantaim liklik bebi susa bilong mi, papa wantaim wanpela kamera, bikpela brata bilong mi i karim bek bilong em na mi yet mi karim bek bilong mi.

Mipela i ron i go daun long ka, na ol manmeri i wok long singaut nabaut. Ol pikinini i wok long krai long olgeta hap, ol mama i wok long singaut na krai painim ol pikinini bilong ol.

Ol kain kain manmeri i wok long ron na singaut na krai long ol kain kain tokples. Ka bilong mipela i bin pulap pinis wantaim ol arapela famili bilong mipela. Papa i spitim ka i kamaut long rot na mipela lukim moa manmeri i wok long krai na ron painim ples bilong hait.

*Mi bin lukim planti manmeri i wok long wok-abaut abrusim ka bilong mipela na i go yet. Planti i wokabaut bihainim laik bilong ol tasol, maski lek bilong ol i tait long wokabaut....*

Maski rot em i longpela na maunten em i antap tru, ol manmeri i no kandim long wanem laip bilong ol em i bikpela moa long ol arapela samting.

Taim mipela i ron long ka lusim ol manmeri, moa manmeri i singaut na krai wantaim.

Mi guria na aiwara bilong mi i stat long pundaun taim mi tingim wanem kain samting bai kamap.

Planti kain kain tingting i kamap long het bilong mi na mi singaut long papa long spitim ka liklik moa.

Mi no save sapos ol lain famili bilong papa o mama i ronawe pinis o mipela i wok long abrusim ol long rot.

Papa i stopim ka long 3 mail long givim tok lukaut long olgeta arapela wan famili bilong em.

Mipela i lusim ol gen na i go yet na abrusim ol planti manmeri, maski yangpela na lapun wantaim. Bikpela manmeri o ol liklik. Ol strongpela manmeri, ol manmeri i nogat moa strong bilong wokabaut. Mipela i abrusim ol na go.

Mi lukluk i go aut long windua bilong mi na aiwara bilong mi i pundaun moa yet taim mi lukim ol man, meri, pikinini meri na manki na ol bebi wantaim i wokabaut long rot long Mosbi siti long tingim laip bilong ol.

Sampela manmeri i karim wanpela liklik bek klos, wanpela botol wara, wanpela pilo na wanpela laplap.

Ol manmeri olsem mi yet i karim tasol ol samting mipela i tingting long kisim pastaim long mipela i ronawe lusim haus.

Ka bilong mipela i ron abrusim planti moa manmeri inap mipela i kam kamap long sait bilong rot klostu long wanpela il. Taim mipela olgeta i kamaut long kar, mi krai na skin bilong mi i guria yet. Mipela olgeta i bung long harim toktok bilong papa bilong mi.

Mi bin lukim planti manmeri i wok long wokabaut abrusim ka bilong mipela na i go yet. Planti i wokabaut bihainim laik bilong ol tasol, maski lek bilong ol i tait long wokabaut.

Papa na bikpela brata bilong mi i lusim mipela wantaim ol arapela famili bilong mipela na ol i go bek long kisim ol famili long 3 mail.

Narapela famili husat i bin kam putim ka bilong ol klostu long mipela i lusim mipela i stap mipela yet nau.

San i wok long kirap long bikmoning, na ol pipel i wokabaut yet. Sampela long ol i sindaun long malolo.

Wanpela polis ka i bin kam raun long toksave long olgeta manmeri long go bek long haus.

Ol manmeri i bin go bek isi isi, long wanem ol i pret yet olsem bikpela solwara bai kam na brukim haus bilong ol. Dispela wanpela nait em i wanpela nait we mi no inap long lus tingting hariap long wanem mi bai tingim taim we mi bin ronawe wantaim planti arapela manmeri husat i bin wokabaut bihainim ol rot insait long Pot Mosbi siti.

# Turubu amamasim kalsa na pasin tumbuna

WANPELA komyuniti skul insait long Is Sepik provins i bin soim stail bilong tumbuna pasin na kalsa bilong ol taim ol i kamapim wanpela bikpela kalsa de long wik i go pinis.

Dispela skul em Santu Pita Channel Komyuniti Skul long ples Turubu.

Ol skul sumatin na tisa wantaim i bin bilasim ol yet wantaim tumbuna bilas na ol i soim strong bilong kalsa bilong ol wantaim ol singsing na danis.

Planti manmeri i bin kam lukim dispela kalsarel so. So yet em hetmasta bilong Santu Pita Channel Komyuniti Skul long Turubu, Gregori Sakima i bin go pas long en na kamapim.

Olgeta bikman bilong ples Turubu tu i bin kamap na givim sapot long dispela so.

Pater Joe Roszynski SVD i bin raun long dispela bikpela de bilong kalsa long Turubu na kisim ol dispela piksa.



• Ol sumatin i bilasim skin wantaim klos bilong ol tumbuna stret.



• Ol lain tisa na sumatin i kisim piksa wantaim flek bilong skul. Hetmasta bilong skul i sindaun long namei stret long fran. Em i bin go pas long kamapim dispela bikpela kalsa de.

## The Media For Development Initiative: Management Board Membership Call

The PNG Media for Development Initiative (MDI) is a 5-year initiative funded under the Australia-PNG Aid Program. The strategy of supporting the improvement of media voice, content and access to assist in achieving the development goals of poverty reduction and good governance underpins the design of the MDI. The goal of the MDI is to support an open and democratic media that gives voice to all Papua New Guinea citizens, provides nationwide access to information and culture, and delivers development content for the benefit of the people. Its purpose is to increase the provision of quality media services that contribute to Papua New Guinea's stability and prosperity.

The first component will support activities in specified target areas to address problems of access, content and voice through a flexible and contestable funding mechanism. Media-related organisations and NGOs will be encouraged to submit proposals for projects in the target areas. The second component is focused on the NBC and strengthening that organisation's capacity as the national public broadcaster by building upon an existing partnership with the ABC.

The Media Council of PNG is the Managing Agent for the MDI and an Executive Director and Implementation Group will be responsible for the day-to-day operation of the MDI.

The management structure of the MDI comprises: a Charter Group, comprising AusAID, DNPRD and the Media Council as Charter Partners, which will provide high-level supervision in accordance with the MDI Charter; a Management Board, comprising the PNG Media Council (Chair), other Charter Partner representatives, the NBC and representatives from government, the media and civil society. The Management Board will be responsible for: developing the specific direction of the MDI; overseeing the preparation of the Annual Activity Plan and Budget for Component 1; providing feedback on directions set for the Annual Activity Plan for Component 2; assessing and approving proposals for assistance submitted by NGOs and media organisations; ensuring financial accountability; ensuring the development of performance indicators, measurement protocols and quality standards and; assessing performance of MDI activities.

The MDI is seeking nominations from Media Related and Civil Society organizations to fill four positions on its Management Board. The MDI charter specifies that two of the positions to be filled by media-related organizations while the other two by civil society representatives. All things being equal, organizations are encouraged to give special representative opportunities to women and other disadvantaged groups.

Contenders may contact the MDI Executive Director using the following address: Post Office Box 135, Port Moresby, NCD, Tel: 3200419 or 3200420 or Fax: 3210336; or e-mail [media-council@online.net.pg](mailto:media-council@online.net.pg) or [martinsyder@datec.com.pg](mailto:martinsyder@datec.com.pg)  
Nominations close 20 July 2005.



• Pes i bilak



• Samsam! Baga nogut em i go pas long ol sumatin na ol tisa.



• Amamas long bikpela de bilong skul.

# Ngaiire i gat strong bilong mekim nem

**M**ERI PNG we i bin mekim nem long Australia long Australian Idol singsing resis, Ngaiire Joseph i bin kam raun singsing long PNG long wik i go pinis long promotim Niugini Ice Premium na lonsim namba wan singsing bilong em, 'Luv Sa Giaman'.

Em i bin namba wan taim em i rekodim wanpela singsing bihain long em i kamap namba 13 long Australian Idol resis las yia na em wantaim menesmen bilong em i tingting strong long brukim maket bilong Amerika.

Randy Jackson, wanpela long ol Jackson brata i bin kamapim Jackson 5 i save pinis long dispela wanpela singsing bilong Ngaiire na laik bilong em long mekim nem long Amerika na Yurop na sapos em i ting em bai kamap wanpela bikpela intanesenel singsing, bai em i givim i go long ol arapela biknem musik produsa.

Randy em i wanpela jas long American Idol na em i gat bilip long musik bilong Ngaiire.

Ngaiire i bin kam raun long as ples bilong em bihainim askim bilong Saut Pasifik Bruri na long pilai long bikpela ais pati i bin kamap long Lae na Pot Mosbi long promotim nupela Niugini Ice premium bia.

Ngaiire i bin kam wantaim mama bilong em na wanpela 6-memba ben. Ol i bin pilai long Klab 69 long Lae las wik Fraide na Gold Klab, Lamana Hotel long Mosbi long Sarere nait.



"Mipela i makim Ngaiire long wanem em i wanpela nupela Papua Niugini meri husat i wok long pulim ai bilong planti biknem manmeri long intanesenel musik wantaim naispela nek bilong em," SP Bruri Maketing Menesa Albert Veratau i tok. "Ngaiire i makim bilip bilong planti PNG musik atis husat i save laikim tru musik na husat i laik mekim nem insait long musik indastri."

Veratau i tok tupela so i pulim planti yangpela manmeri krismas bilong ol namel long 18 na 25 na i bin gutpela long wanem dispela promosen i bin sut long ol dispela lain stret. "So i bin gutpela tru na olgeta manmeri i laikim stret. Mipela kisim planti gutpela toktok i kam long ol yangpela pipel we Niugini Ice Premium bren i makim. Na dispela em ol yangpela Papua Niugini manmeri husat i save

laikim kain stail bilong musik olsem bilong Ngaiire. Em (Ngaiire) i bin kisim gutpela bekim long ol manmeri i go lukim em long Lae na Mosbi wantaim."

Narapela as we Mis Joseph i kam bek long PNG em long stretim wanpela agrimen o wok bung namel long menesa bilong em; Stekhoven-Smith na PNG Musik Pablisa Sir Nagora Bogan bilong Pawahaus Records bilong Ngaiire long yusim Pawahaus olsem studio em bai rekod wantaim long lonsim namba wan singel bilong em, Luv Sa Giaman. Ngaiire i bin mekim dispela singsing wantaim Nomad Digital Bush Tracks studios long Australia.

Singsing Luv Sa Giaman em Ngaiire yet i bin raitim wantaim Mal Stekhoven-Smith na wanpela poroman bilong em husat i bin save wok wantaim wanpela arapela musik sta bilong Amerika, Baby Face.

"Dispela singel i gat bikpela strong bilong pulim yia bilong intanesenel musik lain na inap long pulim yau bilong planti manmeri long wol," Mal Stekhoven-Smith i tokim ol nius ripota long Mosbi. "Maski singsing i stap long tok pisin, ol i bin stretim long mak bilong wol musik na mipela bai inap salim long wanem hap long wol mipela i laik."

Luv Sa Giaman i gat strongpela tingting bilong ol bikman na pairap bilong em bai i sut long laik bilong



• Ngaiire na JK

ol yangpela manmeri namel long 25 na 35 krismas, na mi yet to mi pilim olsem lek bilong mi inap long danis bihainim dispela kain musik.

Sir Nagora i bin tokaut long Mosbi olsem em i amamas tru olsem wanpela meri Morobe i kisim luksave ausait long PNG na i makim Pawahaus olsem studio em i laik rekod wantaim.

Sir Nagora i tok wok bung wantaim Ngaiire bai go pas long strongim bilip bilong planti ol arapela PNG rekoding atis na ol yangpela meri husat i laik bihainim lekma bilong em.

"I gat planti moa strong i stap hia long kantri, na long ol rot nabaut tu bai yu ken painim strong bilong musik. I mas i gat rot we mipela i ken luksave long ol dispela kain strong na Ngaiire nau em i makim rot, bai ol arapela yangpela manmeri i ken bihainim rot bilong em long kisim wankain luksave," Sir Nagora i tok.

Ngaiire i kamap namba 13 long ol fainel bilong Australian Idol resis, na mi harim olsem wanpela man i bin laikim singsing bilong em stret, Guy Sebastian, man husat i bin win long Australian Idol long 2003.

"Maski mi no mitim Mista Sebastian, mi amamas long bilip bilong em long strong bilong mi long win, tasol mi inap long mak i stap insait long top 15 tasol," Ngaiire i tok. "Mi harim olsem em i wanpela naispela man tru."

Nau nem bilong Ngaiire i go bikpela nau na em i lap na tingim taim em i bin tokim mama bilong em Miriam olsem em i laik mekim nem long singsing. Miriam yet i bin tokim em. "Singsing bai no inap putim kaikai long tebei."

Tasol bihain ong 3-pela krismas, Miriam luksave ong strong bilong Ngaiire taim em i makim nem long singsing. Miriam yet i bin tokim em. "Singsing bai no inap putim kaikai long tebei."

Ngaiire i kamap namba 13 long ol fainel bilong Australian Idol resis, na mi harim olsem wanpela man i bin laikim singsing bilong em stret, Guy Sebastian, man husat i bin win long Australian Idol long 2003.

go antap olgeta," Miriam i tokim mi las wik.

Stekhoven-Smith yet i tok olsem Ngaiire bai inap long mekim nem long Australia na Nu Silan na nem bilong em i pairap pinis long maus bilong ol musik manmeri long Amerika. Ol produsa na jas bilong Ameriken Idol olsem Randy Jackson, Paula Abdul na ol arapela lain i wok long askim long em, tasol menesmen bilong em yet i tok nogat. I no yet.

"Em i wanpela strongpela yangpela meri i gat save na em i ken putim PNG long wol map, na i sutim bel bilong em-stret long kam na singsing antap hia long ples bilong em. Em i gat strong bilong karim PNG musik indastri i go long wanpela narapela level gen."

Bikpela driman bilong Ngaiire em long kam bek long PNG taim em i bungim namba 35 krismas bilong em na halivim ol yangpela pikinini long bihainim gutpela rot long laik bilong ol.

Em i bin gat sik kensa taim em i 5 krismas tasol na em i klia long hevi ol yangpela pikinini bilong tete i karim. Em i tok halivim ol pikinini na yangpela pipel bilong PNG em i hap bilong wok bilong em bai ol i ken mekim nem bilong ol tu.

Long sait bilong em i kam antap long PNG long promotim nupela Niugini Ice Premium, em i bekim olsem, "I nogat rot long stopim ol manmeri long dring bia, tasol wok bilong mi em long givim luksave long dispela prodak na makim rot long ol manmeri long dring bia gut long mak na amamasim olsem wanpela gutpela dring bilong pati."

**Yu ken ridim olgeta stori bilong PNG Musik and ol narapela Atis long tasol long The National**



• Ngaiire i kam bilong em Miriam na JK  
© PUBLISHED BY NEW MOLEEN





### Laikim Penpren

**Nem: Junior Pandruo**  
 Krismas: 19 (man)  
 Adres: C/- PO Box 874, Wewak, East Sepik Province  
 Save laikim: Ritim buk, pilai ragbi na go swim.

**Nem: Jeffrey Bulingu**  
 Krismas: 19 (man)  
 Adres: C/- Brandi Secondary School, PO Box 180, Wewak, East Sepik Province  
 Save laikim: Ronim baisikol, tok pilai na raun wantaim ol pren.

**Nem: Dick Kogima**  
 Krismas: 18 (man)  
 Adres: C/- Jack A. Wak, University College Bulolo, PO Box 82, Bulolo, Morobe Province  
 Save laikim: Pilai ragbi tas, basketbol, lukim TV na planti moa.

**Nem: Anderson Kai**  
 Krismas: 18 (man)  
 Adres: Margarima High School, PO Box 33, Mendi, Southern Highlands Province  
 Save laikim: Pilai ragbi, harim musik, go long lotu na tok pilai wantaim ol pren.

**Nem: Jaffeth Ula**  
 Krismas: 20  
 Adres: Frontier Holdings Ltd, Purari Camp, PO Box 102, Port Moresby, NCD  
 Save laikim: Pilai ol kainkain gem, go lotu na wokim pepa, pilai kibod na harim musik.

**Nem: Rita Afolo**  
 Krismas: 27 (meri)  
 Adres: PO Box CC Beach Road Village, 1316 Oghaa Central Hat Queens, Ghana, West Africa  
 Save laikim: Raun lukim ples, wokim pren na marit.

**Nem: John Ekow Sam**  
 Krismas: 25 (man)  
 Adres: PO Box 1316, London Bridge, Cape Coast, Ghana, West Africa  
 Save laikim: Wokim pren na serisim presen.

**Nem: Billy Jacob**  
 Krismas: 16 (man)  
 Adres: Andakombi Community School, PO Box 240, Goroka, Eastern Highlands Province.  
 Save laikim: Pilai ol kainkain gem, go lotu na wokim fani.

**Nem: Fidelis Odi**  
 Krismas: 14 (man)  
 Adres: Bema High School, Private Mail Bag, PO Lae, Morobe Province  
 Save laikim: Wokabaut long bus, tok pilai, pilai soka, volibol na kriket, raitim pas, wokim pren, stori tumbuna, harim lokel na lotu singsing na go long lotu.

**Nem: Roman Elisa**  
 Krismas: 20 (man)  
 Adres: Nahavio Church, PO Box 102, Kimbe, West New Britain Province  
 Save laikim: Go lotu, tok pilai, wokim gaden, lukautim papamama, raitim pas na ritim Baibel.

**Leonard Dapie**  
 Krismas: 19 (man)  
 Adres: Leitre Catholic Mission, PO Box 125, Vanimo, Sandaun Province  
 Save laikim: Pilai soka na volibol, swim long solwara, ritim Baibel na harim musik.

**Nem: Tracey Maino**  
 Krismas: 16 (meri)  
 Adres: St. Mary's Catholic Primary School, PO Box 4149, Lae, Morobe Province  
 Save laikim: Go swim na raun wantaim ol gelpren na harim musik.



### STORI TUMBUNA

**BIPO** tru long wanpela ples, i gat tupela lapun i stap. Man i stap wantaim meri bilong em. Nem bilong man em Yakewe na meri nem bilong em Amayanuwewei.

Tupela i gat wanpela pikinini man tasol na nem bilong em Yagukedi. Tupela lapun ya i hatwok tru long lukautim em i go i go inap em i kamap bikpela man tru. Na wanpela taim papa wantaim pikinini bilong em i tok tumora bai ol i go long bus na bai stap olsem tu o tripela wik long bus. Na pikinini bilong tupela i tok, "orait papa em i gutpela. Mi tu i gat bikpela laik tru long go na slip long bus na bai mi ken kisim save long banisim pik na sutim muruk." Ol famaili i redi pinis na ol i putim olgeta samting long hap kanu em long tok ples Leitre mipela kolim peka. Na papa bilong boi i askim tupela mama bilong em olsem, "yutupela ting olsem wanem, bai yumi go lusim tripela maunten na i go wokim haus klostu long bikpela pikus diwai i stap klostu long wanpela bikpela raunwara." Na dispela wara em ol muruk i save waswas long em na ol i save kam na kaikai pikinini bilong dispela bikpela pikus diwai. Na tupela i tok olsem em i orait, laik bilong yu. Goan yumi pul i go nogut san i go daun.

Em olgeta i go insait long hap kanu na ol i pul i go. Taim ol i pul i go pikinini i askim papa bilong em, i klostu nau o longwe yet. Na papa i bekim na i tok, em i longwe liklik yet. Em bai yumi lusim 4-pela han wara papastaim orait bai yumi kamap long dispela hap, mi tok long en. Na taim ol i lusim tripela hanwara papa i tok, bai mi mekim wanpela stori bai yutupela mama i ken harim. Na pikinini ya i tok, orait papa yu stori nau. Na lapun man ya i stori olsem:

Taim em i no maritim mama bilong boi ya yet, em wantaim papa bilong em, i go

# Man i maritim meri Muruk

slip long dispela hap na em i driman na lukim planti tausen ol muruk i ron i kam long dispela wara na ol i lusim skin muruk i stap na ol i kamap olsem ol meri.

Em i tok i go isi. Em i driman na lukim ol naispela meri tasol wanpela i winim olgeta. Skin bilong em i lait moa olsem wanpela misis.

Em i go pas long ol narapela. Na papa i tok em i lukim dispela long driman bilong em tasol em i bin ting samting tru na em i kirap na singaut nogut tru. Papa i kirap na i tok, bilong wanem yu singaut? Mi tokim papa bilong mi olsem mi bin driman olsem mi lukim wanpela naispela samting tru.

Papa bilong mi i askim mi long tokim em long wanem dispela samting tru na mi bin singaut. Mi tokim papa na em i harim pinis nau na em i tok, ha yu kaikai planti abus bilong muruk na yu driman tasol. Olsem na papa i no bilipim dispela stori bilong mi.

Na taim ol tripela pul i go yet san i wok long go daun. Na i no long taim ol i go kamap long dispela ples na ol i pulim kanu i go antap long wanpela bikpela ston nogut tru, nogut tait bilong wara i kam na kisim kanu i go. Ples i tudak pinis taim ol i kisim samting bilong ol na go long hap we bai ol i wokim haus long en. Ol i laitim paia long wanpela drai mambu orait ol i wokim haus long lip bilong wet limbum. Taim haus i pinis nau lapun mama i kukim saksak na ol i kaikai wantaim drai pis.

Na long moning taim tru boi ya i kisim bunara na spia bilong em na i go was i stap long as bilong dispela pikus, na em i no lusim dispela stori papa bilong em i bin stori long em na mama bilong em. Em tingim i stap na em i bilip olgeta olsem em tu bai i mas lukim dispela samting. Tam em i tingting i stap yet na em i pilim graun i guria na harim bikpela pairap i wok long kamdaun long maunten na em i pret nogut tru. Skin bilong em i guria wantaim. Tasol

em i ting bek long stori na i tok, mi no ken pret bikos sapos dispela samting i kamap tru nau bai mi lukim tru long ai bilong mi yet. Olsem na em i go hait long as bilong diwai ya na em i lukluk i stap. I no long taim na em i lukim planti muruk i ron i go na lusim skin bilong ol na kalap long dispela raunwara.

Em i lukluk na i lukim dispela naispela meri tru. Skin bilong em i olsem waitpela kokonas. Na em i tok, ah sori tru, bai mi mekim wanem na bai mi kisim dispela naispela meri ya. Em i stap na i wokabaut long lek na han bilong em na i surik i go klostu. Ol meri ya i no lukim em, olsem na em i hariap na kisim skin muruk bilong dispela meri i nais tru ya. Em i kisim pinis nau na em i ran long lek na han bilong em hariap tru i go bek long as bilong diwai pikus. Taim em i kamap pinis long as bilong diwai, em i singaut bikpela tru. Ol meri ya i kirap nogut na ran i go kisim skin muruk bilong ol, putim na ranawe i go pinis tasol dispela naispela meri i no painim skin bilong em nau na em i sem nogut tru na i sindaun kra i stap. Boi i hait i stap ya i kam ausait na i askim meri, hei yu kra i long wanem? No ken kra i, kam wantaim mi na bai mitupela go long ples bilong mi long nambis.


Orait meri ya i pinis kra i na i tok, mi sem bilong wanem mi nogat purpur long pasim. Boi ya i tokim em long wetim em na bai go na askim mama bilong em long givim wanpela purpur long kam givim long em long pasim. Em i ron i go na tokim papa na mama bilong em na ol i karim wanpela purpur i kam. Ol i lukim em na givim dispela purpur long em. Em i pasim pinis na tupela boi ya i marit. Ol foapela i go wantaim long ples, na i go stap gut wantaim long ples. Ol yangpela boi long ples i lukim dispela naispela meri tru ya na ol i wari, wari tru.

## Inap Laiplain i givim sampela gutpela tingting?

Mi stap long hevi na bai mi mekim wanem? Inap Laiplain i givim sampela gutpela tingting?

**Dia Laiplain**  
 Mi na boipren bilong mi i bilong wanpela ples tasol. Na mitupela i bin promis long marit. Tasol mi wari long papamama na ol wanblut bilong mi. Boipren ya i bilong famili i gat planti mani na lain bilong mi i nogat planti mani. Olsem na ol wan famili bilong mi i wari bai ol i nogat inap mani samting long bekim long ol wanblut bilong boipren taim mitupela i marit. Mi bin tokim ol wan famili olsem mitupela i no laikim pasin bilong baim meri na mitupela i no laik bihainim dispela pasin. Na sios lida tu i strongim tok bilong mitupela. Tasol papamama i strong yet.

Boipren bilong mi i ting moabeta mitupela i kirap na go sindaun long ples we em i save wok. Na olsem, mitupela i ken stap longwe long tok bilong papamama. Em i bin salim tiket bilong balus pinis na bai mi mas go. Tasol bel bilong mi i nogut yet. Mi sori long papamama



bilong mi. Mi no laik mekim nogut long tupela. Bai mi mekim wanem?

#### BOSIM MARIT

Dia Pren, Yu mas skelim tupela sait bilong wari bilong yu olsem, sapos rispek i go long papamama na ol wanblut i winim yu, orait, ating yu gat wanpela rot tasol long bihainim. Yu mas lusim dispela boipren na painim narapela em ol wanblut i orait long em. Mekim kain samting olsem i no isi. Em bai givim bikpela pen tru long yu. Tasol sapos yu pilim yum as mekim, orait, moabeta yu mekim kwiktam na yu no wet. Bikos boipren i wok long narapela ples, yum as mekim olsem: Yu mas rait na tokim em na yum as salim tiket i go bek long em. Na bihain, noken rait moa long em. Olsem na yu inap lus tingting

long em. Tasol sapos yu laikim dispela man strong tumas long maritime em, moabeta yu lusim tiket na flai i go lukim em na toktok wantaim em. Sapos yu pilim tru dispela man i laikim yu na em inap sapotim yu na givim haus long yu, na em bai sambai long yu long taim nogut o taim bilong sik, orait, yutupela i ken pasim tok long marit.

Yu mas skelim tupela tingting bilong yu. Watpo yu laikim dispela boipren? Na watpo tru yu laikim famili bilong yu? Bihain yu marit, bai yu nidim tupela. Husat bai i helpim yu moa: famili o boipren?

Em i moabeta sapos yu no mas tromoim famili bilong yu. Nogut yum as stap longwe long ol pipel yu laikim tru. Moabeta long yutupela i traim wokim bris o pasim sampela toktok namel long boipren na famili. Sapos yu toktok wantaim wanpela gutpela man o meri long tupela sait, ating em bai go na toktok wantaim papamama na helpim yutupela.

Papamama i wari tu. Olgeta papamama tude i painim hat long bihainim ol nupela kain aida bilong ol yangpela pipel. Papamama i laik mekim gut long

ol. Sapos yu pilim strong tumas yu mas maritim dispela boipren, yu inap long go tokim stret papamama bilong yu o nogat. Yu noken kros wantaim ol, nogat. Yu tok isi tasol long ol. Sapos ol i lukim yu strong long tingting bilong yu ating ol inap stretim tok long dispela samting.

Sapos i gat wan famili bilong yu i stap long ples we boipren bilong yu i wok, yu ken go sindaun wantaim ol. Olsem tasol na papamama bai stat long pilim yu strong long maritim dispela man na olsem tu, ol bai orait long em. Yumi pre bai God i stiaim tingting bilong yu.

#### Laiplain.

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

#### Laiplain



**Bisnis bilong Groim Diwai insait long PNG - Planim diwai long ol renfores eria**

Rot bilong groim ol spisis diwai i save groa insait long PNG

**Musa spp. (banana)**



Nem bilong en: banana

**Ples diwai i kam long en:** As ples em i kamap long en i no klia tasol nau em i save groa long olgeta ples we san i save strong tru.

**Em wanem kain diwai:** Dispela diwai i save groa namel long 2 na 9 mita. Ol lip bilong em i save bung long namel na kamapim bikpela bun we bikpela bilong em inap namel long 20 na 50 senti mita. Ol nupela lip i save sut i kamaut long namel bilong bikpela bun bilong em. Longpela bilong lip bilong en i stap namel long 1.5 na 4 mita wantaim wanpela bun long baksait bilong en. Ol man plawa bilong em i save sut i kamaut long namel bilong em na ol meri plawa i wave bihainim ol. Prut bilong em i save groa inap namel long 50 na 150 sentimita. Prut bilong em i save grin, yelo o ret.

**Ples we em i save groa:** Banana i ken groa long kain kain ples, tasol em i save groa gut moa long ol ples i save kisim bikpela san. Em i mas i gat gutpela wara inap long 200 milimita long wan wan mun na em i mas kisim planti san. Em i save laik groa long graun i gat bikpela gris bilong em.

**Yu ken yusim long mekim dispela wok:** Ol i save groim long kaikai prut bilong em. Prut bilong em yu ken kaikaim taim em i pres, yu ken kukim na yu

ken putim long wara long stap long taim. Yu ken kaikaim man plawa bilong em olsem sayor o kumu. Ol lip em ol i save yusim long pasim ol mekpas, karamapim samting o olsem bilas.

**Musa textiles**



Nem bilong em: manila hemp

**Wanem kain diwai:** Wankain olsem banana tasol em i longpela moa na lip bilong em i liklik. Ol prut i gat sid o pikinini long en, na lip bilong em i save tanim go ret taim em i painim mak bilong groa bilong em.

**Ples em i kam long en:** I no klia dispela diwai i kam long wanem hap, tasol em i save groa long olgeta hap bilong kantri Filipins, Malaysia na Indonesia.

**Ples we em i save groa:** Wankain olsem banana antap.

**Yu ken yusim:** Em i gat ol strongpela rop insait long lip bilong em na yu ken yusim long mekim rop, ol umben bilong pulim pis, bet bilong hangamapim na slip, ol hat na mat. Sampela arapela we i, nogat bikpela strong bilong en em ol i save yusim long mekim pepa.

**MCCARTHY & ASSOCIATES (FORESTRY) PTY. LTD.**

National & International Forest Consultants  
mccat@datec.net.pg

"Long kisim tok stia long olgeta wok diwai"



**Swit bilong pinat bisnis**

**LUKLUK long dispela piksa tasol bai inap long mekim maus bilong yu wara long kaikai pinat olsem James Ambane bilong Simbu i soim. Mista Ambane i save stap long 6-mail long Pot Mosbi tasol em i save raun long wan wan haus na opis na salim pinat bilong em. Mista Ambane i tok long gutpela de em i ken pinisim wanpela bek pinat long moning na apinun salim narapela. Em i save salim tu mau banana, guava, kukamba na suga. FOTO: NEVILLE CHOI**

**Waghi Mek plantesin no inap kirap bek**

**James Kila i raitim**

**WANPELA LIDA** em Kwin i givim namba long em, Sir Tumun Dubre, i tokaut olsem dispela bikpela kopi plantesin Waghi Mek insait long Westen Hailans provins bai i no inap kambek gen. Nogat tru.

Waghi Mek plantesin em wanpela ikonmik pawa bilong Not na Saut Waghi bipo yet pastaim long trabel i kamap na stopim wok long dispela bikpela plantesin. Dispela plantesin i givim wok long planti tausen manmeri na i save bringim bikpela mani long ol pipel long Banz na tu long Waghi eria bilong Westen Hailans.

Sir Tumun i tok planti tausen milien kina tru bai kirapim bek dispela plantesin. I no wan o tu milien kina em gavman i laik

putim. Tasol bikpela tok em olsem dispela plantesin bai i no inap kirap gen. Ol kopi i kamap bikpela bus pinis na tu ol papagraun i brukim ol blok i go wan wan na kisim bilong ol yet na dispela i mekim olsem wok i go bagarap olgeta pinis long kirapim bek.

Sir Tumun husat em wanpela long taim kansol insait long Minj eria i tok dispela hevi bilong ol papagraun na menesmen i daunim Waghi Mek na dispela bikpela projek tru insait long kopi indastri long PNG bai i no inap kirap gen.

Waghi Mek kopi plantesin long Banz eria em wanpela bikpela plantesin tru insait long PNG we i save bringim planti milien kina long sapatim ikonmi bilong Westen Hailans na PNG.

Tasol bihain long hevi bilong ol


papa graun wantaim menesmen long stap bilong 1997 long dispela taim kampani i stopim wok na planti ol bikpela kastoma bilong ol i lusim ol.

Waghi Mek i gat moa long 800-hekta kopi plantesin na em i save givim sevis long moa long 10,000 na moa manmeri na ol komyuniti insait long Not na Saut Waghi.

Planti ol bikpela bisnis olsem stua na ol arapela projek long Banz i kirap bikos long Waghi Mek.

Tasol sori tru nau yet bisnis i pundaup long dispela hevi we i lukim ol papa graun i no wanbel na kros wantaim menesmen na dispela i stopim wok long ron na i bagarapim sindaun bilong planti komyuniti insait long dispela hap.

**Cat 527 SKIDDER**



Available in both cable and grapple arrangements the 112kW (150 h.p.) Cat 527 features the Caterpillar elevated final drive system and extended roller frame for optimum balance, and a torque converter drive train for high drawbar pull.

- Extended track roller frame delivers superior balance and traction.
- Elevated final drive design and proven D6R heavy-duty undercarriage for extended wear life in severe logging applications.
- Increased ground clearance for high performance in soft underfoot conditions - less environmental impact.
- Wider track gauge for increased side slope stability.
- Specially designed logging torque converter produces unparalleled towing ability - highest in the industry!
- Powershift transmission and single lever blade control for easier operation and higher production.
- New industry leading operator's compartment.

**Hastings Deering**



**PORT MORESBY**  
Phone: 300 8300  
Fax: 325 0141

**LAE**  
Phone: 472 2355  
Fax: 472 1477

**TABUBIL**  
Phone: 548 9045  
Fax: 548 9155

**RABAU**  
Phone: 982 1244  
Fax: 982 1129





**Radio Australia**  
**Tok Pisin News**

Radio Australia  
**101.9FM Port Moresby**

**Tok Pisin Service**  
6am - 7am : 6080, 7240(KHZ)  
7pm - 9pm : 5995, 8020, 8710, 1260(KHZ)

**RADIO TOK PISIN PROGRAM**  
**TUNE IN: 101.9 FM**

Radio Australia Tok Pisin Program - stat long mun Mas 2005

<b>MANDE Moring</b>	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	7PM Stesen Op
7.01PM	Oi Hetlain na Program Priviu
7.15PM	Spots
7.30PM	Nius na Karen Afes
8PM	Hell
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
<b>TUNDE Moring</b>	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afes
8PM	Mama Graun
8.15PM	Musik/Spots
8.30PM	NIUS
8.40PM	Hell Riplei
8.55PM	Musik
9PM	Stesen Pas
<b>TRINDE Moring</b>	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afes
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
<b>FONDE Moring</b>	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afes
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
<b>FRAIDE Moring</b>	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afes
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
<b>SARERE</b>	Nait
7PM	Stesen op - Oi Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
<b>SANDE</b>	Nait
7PM	Stesen op - Oi Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femii Blong Serah (Radio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

**TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.**

**WOL NA PASIFIK NIUS**

**Corby raitim pas long Praim Minista**

MERI Australia ol i kalabusim long karim hait drug i go insait long Indonesia, Schapelle Corby, i bin raitim wanpela pas i go stret long Praim Minista, John Howard i askim em long helpim na salim ol witness bilong wanpela nupela kot bilong dispela drug kes bilong en insait long Indonesia.

Hai Kot bilong Indonesia i bin wanbel long sidaun harim gen kes bilong en olsem defens i ken bringim ol nupela evidens.

Oisem Tim Palmer i ripot olsem Corby husat ol i bin kalabusim long 20 yia i bin tokaut strong olsem em i laikim tru helpim na i tok, wanem ol kain helpim i mas kamap long despela wik tasol.

Schapelle Corby ibin raitim dispela pas insait long haus kalabus bilong ben insait long Bali na feksim i go long



**Schapelle Corby**

Praim Minista John Howard long dispela wik.

Em i makim tingting bilong Bali Hai Kot long harim ken dispela kes olsem 'Gutpela nius tru'

Long pinis bilong pas em i bin rait na it ok taim i bigpela samting, na em i tok, o i nidim ol evidens pastaim long pinis bilong dispela mun.

**Indonesia polis holim ol teroris saspek**

POLIS long Indonesia i bin tok ol i holim 11-pela ol militant long wanpela reid las mun na i bin tok ol i ting ol i teroris.

Na ol i tok tupela long ol dispela pipel ol i holim i mas stap insait long dispela bom pairap long embasi bilong Australia long Septemba las yar.

Dispela 11-pela pipeol ol i holim pasim i hap bilong wanpela plen em i lukim 17-pela ol milliten ol i holim long Jakarta na Sentral Java.

Polis i tok dispela 11-pela man bai bungim ol sas em i karim "death penalty"

Ol i tok 9-pela arapela em ol i tingting nogut long ol i bilip i bin stap insait long ol arapela pasin nogut na inap long bungim strongpela mekim save aninit long "anti-tera lo" bilong Indonesia.

**Mak bilong malaria go daun long Solomon Ailan**

OL Helth opisel long Solomon Ailan i tok namba bilong pipel i kism sik malaria long Choiseul Provins i go daun pinis long 65 per cent stat long yia i go pinis.

Fil opisar Duddley Ratu i tok long yia 2004, i bin gat 120 pipel namel long olgeta 1,000 pipal i gat sik malaria.

Dispela i min em i go daun lusim 345 namba bilong yia bipo.

Solomon Ailan Brotkasting Koporesen i ripot olsem, Mista Ratu i tok ol i ting dispela namba bai go daun moa long samting olsem 80 pipel namel long wan wan tausen pipel long pinis

bilong dispela yia.

Em i tok pundaun long namba bilong pipel i gat sik malaria i soim gutpela wokbung namel long olgeta helt woka, gavman na ol komyuniti long Choiseul province.

**Yothu Yindi bai makim namba tu krismas bilong RAMSI**

ROK musik grup bilong Australia em i gat biknem long wol i save gut long en, Yothu Yindi, bai i play long biktaun bilong Solomon Ailan Honiara sampela taim long dispela mun olsem hap long ol selebresen bilong makim 2-pela yia aniversari bilong despela Rijinel Asistens Misin RAMSI.

Solomon Ailans Brotkasting Coporesen i ripot olsem spesel kodine-ta bilong RAMSI, James Batley i tok ol biknem musik grup bilong Solomon Ailan tu bai i ken pilai long ol selebresen, em bai i kamap long Honiara long 24 de bilong dispela mun Julai. Em i tok bikpela hap toktok long bilong despela selebresen em, "Together we can do it" we i soim wokbung na prensip namel long RAMSI na pipel bilong Solomon Ailan.

Dispela intavensenn fosi bin go kamap long Solomon Islands long July, 2003, bilong restorim law na order bihain long ol pait na trabal namel long pipel yet bilong Solomons.

Ol Sios insait long kantri i wok long plen tu long makim despela aniveseri long ol spesel sevis long Sarere Julai 23 na Sande Julai 24.

**Stil pasin long Suva i go daun**

POLIS Komisina bilong Fiji i tok namba bilong ol stil pasin long brukim haus an stil na yusim ol gan na ol arapela samting bilong pait na wokim stil pasin long kapitel Suva, i pundaun long mak bilong wan tet..

Polis Komisina bilong Fiji, Andrew Hughes i tok dispela senis oa pundaun long krime reit i kamap long wanem ol komyuniti i wok bung wantaim polis long helpim ol long givim ol infomesen long pipel i wokim trabel, na olsem polis i save holim pasim ol.

Em i tok sapot bilong pablik i go longn polis i soim olsem ol i gat bilip long wok bilong polis.

Tasol, Komisinar Hughes i tok Polis fos i wok logn putim planti salens olsem long mekim Fiji i kamap seif ples bilong stap long en.

Fiji Times Niuspepa i ripot olsem wanpela polis operesen em ol i bin kirapim long stat bilong dispela yia long stopim kraim long Fiji.

**Australia Jastis Minista wanbel long evidens**

LONG namel taim, Jastis Minista bilong Australian Chris Ellison i no pasim dispela ol tingting long larim pipel i save long dispela hait pasin bilong drug insait long dispela keis bilong Corby.

Tasol em i no bin mekim toktok ma long sapos dispela bai kamap na wanem taim bai kamap.

**Sasim witnes long lus bilong tripela susa**

LONG Fiji, ol i sasim pinis man husat i kamap witnes long tripela susa em o li wok long lus long nambis bilong Viti Levu, 9-pela de i go pinis. Ol i sasim man ya long repim dispela tripela susa. Wanpela long ol i gat 13 krismas na narapela i gat 18 krismas blong em na narapela wanpela-ten-nain (19) krismas. Ol i sasim em long reipim ol long wan wan taim, namel long yia 2003 na 2005.

Polis i bilip olsem dispela man i bin poromanim ol dispela susa na em i bin save askim ol long go painim pis wantaim long ol pastaim long, ol i tok, i save kirap na reipim ol.

Polis i tok ol i bilip ol i bin kilim indai pinis dispela tripela susa meri na nau ol wok long wetim tes risalt long ol makmak oa blut em ol i bin painim long bot, em ol meri na man ya i bin go long en.

**Pacific BEAT**

Listen to Radio Australia  
**101.9FM Port Moresby**

4, 5, 6am & 4pm, 5pm  
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

**RAGBI LIG**

**SP Kap PNGRFL**

Sande 10/07/05  
 3:00 Broncos vs Guria- Rabaul  
 3:00 Muruks vs Cowboys- Gka  
 3:00 Bulldogs vs Mioks- POM  
 3:00 Lahanis vs Bombers- Lae

**POM RAGBI LIG INC. SP LIG**

Sarere Julai 9, 2005  
 PRL 1  
 09:00 West vs Kone Tigers U19  
 10:00 Waliya vs Magani A  
 11:30 DCA vs Souths A  
 1:30 West vs Kone Tigers A  
 3:00 Puma vs Royals A  
 PRL 2  
 09:00 West vs Kone Tigers U17  
 10:00 Waliya vs Magani U17  
 11:00 DCA vs Souths U17  
 12:00 Puma vs Royals U19  
 1:00 Waliya vs Magani U19  
 2:00 DCA vs Souths Res

PRL 3  
 09:00 Puma vs Royals U17  
 10:00 DCA vs Souths U19  
 11:00 West vs Kone Tigers Res  
 12:30 Puma vs Royals Res  
 2:00 Waliya vs Magani Res

Sande Julai 10, 2005  
 PRL 1  
 09:00 Hawks vs Paga Panthers U19

10:00 Brothers vs Defence A  
 11:30 Dobo vs Tarangau A  
 1:00 Hawks vs Paga Panthers A  
 3:00 **BB Bulldogs vs Toyota**

**Mioks SPC**

PRL 2  
 09:00 Hawks vs Paga Panthers U17  
 10:00 Brothers vs Defence U19  
 11:00 Dobo vs Tarangau U19  
 12:00 Brothers vs Defence Res

PRL 3  
 09:00 Brothers vs Defence U17  
 10:00 Dobo vs Tarangau U17  
 11:00 Hawks vs Paga Panthers Res  
 12:30 Dobo vs Tarangau Res

**SOKA**

**PMSA SOKA**

Sarere Julai 9, 2005  
 Bisini 1  
 08:00 Telikom vs Orogen D2  
 09:30 Mirel Momase vs Sunset U21  
 10:30 Badili Utd vs Bavaroko D1  
 11:50 PS Rutz vs WMI WP  
 13:10 LBC Defence vs Sobou W1  
 14:20 Cellnet vs Mungkas D1  
 16:00 Cosmos vs Rapatona Prem  
 Bisini 2  
 08:00 Kurti Andra vs LBC Defence P/Res  
 09:30 PS Rutz vs Souths Utd U21  
 10:30 Los Negros vs Guria D1

11:50 Kurti Andra vs LBC Defence U21  
 13:10 University vs PNG Gardener WP  
 14:20 Kurti Andra vs LBC Defence Prem  
 16:00 Blue Kumuls vs University Prem

SJGS - Oval 1  
 08:00 Blue Kumuls vs Universty P/Res

09:20 PNG Gardener vs Lus Prutz D2  
 10:30 Sobou vs Mungkas U21  
 11:50 Jaha vs Souths Utd W1  
 13:05 Badili Utd vs Bavaroko U21  
 14:20 Sobou vs Bomana PC D3  
 16:00 Korton vs Tawala D2

SJGS - Oval 2  
 08:00 Mirel Momase vs Sunset P/Res  
 09:20 Jaha vs Verave D2  
 10:30 KG Utd vs KB Utd D3  
 11:50 Nomads vs Raitman D3  
 13:05 UBOG vs Fernor D2

Sande Julai 10, 2005  
 Bisini 1  
 08:00 Blue Kumuls vs Universty U21  
 09:20 Cosmos vs Rapatona U21  
 10:30 Pacifica vs Los Negros D1  
 11:50 Guria vs Murat WP  
 13:10 University vs PS Rutz WP  
 16:00 Mirel Momase vs Sunset Prem

Bisini 2  
 08:00 Cosmos vs Rapatona P/Res  
 09:20 Naniu vs Sunset W1  
 10:30 Naniu vs Manambu D1  
 11:50 PS Rutz v Souths Utd P/Res  
 13:10 Los Negros vs Mopi Soweto W1

14:20 Telikom vs Lamana GFN WP  
 16:00 PS Rutz vs Souths Prem  
 SJGS - Oval 1  
 08:00 Los Negros vs M/Yarangs U21

SJGS - Oval 2  
 08:00 Maset vs Mopi Soweto D3  
 09:20 Guria vs POM BusColl U21  
 10:30 Sobou vs Zombie D3  
 11:50 Bomana PC vs Moonbi D3  
 13:05 Cellnet vs Manambu U21  
 14:20 Mungkas vs Tawala W1  
 16:00 M/Yarangs vs Mopi Soweto D3

Bye: Tarangau (D2); Ela Utd (D1); Rapatona (WP)

**LAHI SOKA ASOSIESEN**

Sarere Julai 9, 2005  
 SIK Stadium - Pul A na B  
 08:00 TTC Bullets vs Murat U19  
 09:15 Guria vs Bismark U19  
 10:30 TTC Bullets vs Balob meri  
 11:45 Guria vs Bismark meri  
 13:00 TTC Bullets vs Murat P2  
 14:15 Guria vs Bismark P2  
 15:30 TTC Bullets vs Murat P1  
 16:45 Guria vs Bismark P1  
 Unitech - Oval 2

12:00 Sobou vs Bumayong P1  
 Sande Julai 10, 2005  
 SIK Stadium - Pul A na B  
 08:00 Balob vs Mungkas U19  
 09:15 Rapatona vs PNG Power U19  
 10:30 Rapatona vs Mungkas meri  
 11:45 PNG Power vs Murat meri  
 13:00 Balob vs Mungkas P2  
 14:15 Rapatona vs PNG Power P2  
 15:30 Balob vs Mungkas P1  
 16:45 Rapatona vs PNG Power P1

Unitech - Oval 1  
 12:00 Namaemo vs Apotiko meri  
 13:00 Namaemo vs Apotiko P2  
 14:30 Namaemo vs Apotiko P1  
 Unitech - Oval 2  
 12:00 Unitech vs Sambure meri  
 13:00 Unitech vs M/Bay Utd P2  
 14:30 Unitech vs M/Bay Utd P1  
 Unitech - Oval 3  
 12:00 Namaemo vs Apotiko U19  
 13:00 Unitech vs M/Bay Utd U19

OS Games  
 Bugandi vs Sambure P1, P2 & U19  
 Sobou vs Bumayong P2 & U19  
 Bugandi vs M/Bay Utd meri  
 Sobou vs Bumayong meri

**EVADAHANA SOKA**

Sarere Julai 9, 2005  
 ESA 1  
 08:00 Junction vs Simbai Utd meri  
 08:40 Nalas vs Siale Res  
 09:20 Batisalem vs Outsiders D3  
 10:00 Texas vs Sapphire meri  
 10:40 Raitopos vs Notna D2  
 11:10 Finka vs Graveside Res  
 11:50 BS Natives vs Gaidi Utd D1  
 12:40 Notna vs Siale meri  
 13:20 Junction vs Siale D1  
 14:10 Wasu Crabs vs Simbai D2  
 15:00 Namagawi vs Sulu Res

ESA 2  
 08:00 Graveside vs Country Roots meri  
 08:40 AGM Roots vs Raitopos D3  
 09:20 Gala Konok vs Nen Konok D3  
 10:00 Gara Utd vs Gee Neps meri  
 10:40 Natore vs Sapphire D2  
 11:10 Kilengs vs Finka meri  
 11:50 Namagawi vs Graveside D1  
 12:40 Natore vs Finka D1  
 13:20 Junction vs Gaidi Utd Res  
 14:10 K-Top Mahnduz vs D-Rats meri  
 15:00 TKSS vs Wopa Utd D3

Sande Julai 10, 2005  
 ESA 1  
 08:00 Natore vs Junction Res  
 08:40 D-Rats vs Gee Neps meri  
 09:20 K-Top Mahnduz vs Raitopos D3

10:00 Batisalem vs Natore D2  
 10:40 D-Rats vs Liwale Res  
 11:10 Namagawi vs Finka meri  
 11:50 Kilengs vs Gala Konok D1  
 12:40 Gradeside vs Names D1  
 13:20 Notna vs Wopa Utd D3  
 14:00 AGM Roots vs Siale meri  
 14:35 Nalas vs Texas Res

ESA 2  
 08:00 Wasu Crabs vs Brothers D2  
 08:40 Nen Konok vs AGM Roots D3  
 09:20 Namagawi vs Gee Neps Res  
 10:00 Notna vs TKSS D2  
 10:40 Country Roots vs Gaidi Utd meri

11:10 Brothers vs Gala Konok D3  
 11:50 D-Rats vs Gee Neps D1  
 12:40 Finka vs Gaidi Utd D1  
 13:20 AGM Roots vs K-Imindos D2  
 14:00 Liwale vs Gara Utd D1  
 14:35 Gala Konok vs Gara Utd Res  
 15:20 Outsiders vs Sapphire D3

**ORO VILES SOKA**

Sarere Julai 9, 2005  
 07:30 Zandas vs Ehekombu MB  
 08:25 Hillside v Diwune MB  
 09:20 Saipex vs Tufi Fjords W  
 10:05 Papas vs Songe MB  
 11:00 Bokoro vs Ormilats MB  
 11:55 Tamata vs Saipex MB  
 12:50 Tufi Fjords vs Ottas MB  
 1:45 Tamata vs Songe W  
 2:40 Bokoro vs Ormilats W  
 3:25 Tamata vs Saipex MA  
 4:20 Asumnaiyes vs Mambus MB  
 5:10 Papas vs Songe MA

Sande Julai 10, 2005  
 07:30 T/Pongoros vs Musa MB  
 08:25 Beda vs Kumusi MB  
 09:20 Asumnaiyes vs Mambus W  
 10:05 Musa vs Ottas W  
 10:50 Diwune vs Hillside W  
 11:35 Bokoro vs Ormilats MA  
 12:30 Tufi Fjords vs Ottas MA  
 1:10 Asumnaiyes vs Mambus MA  
 2:25 Zandas vs Ehekombu MA  
 3:20 T/Pongoros vs Musa MA  
 4:15 Beda vs Kumusi MA  
 5:10 Hillside vs Diwune MA

**BASKETBOL**

**CBL**

Hohola Kot  
 Sarere 09/07/05  
 Kot Wan  
 8:30 Titans vs Jazz U19B  
 9:30 Titans vs Jazz U19G  
 10:30 Titans vs Jazz WR  
 12:00 Titans vs Jazz MR  
 1:30 Titans vs Jazz AW  
 3:00 Titans vs Jazz AM  
 Kot Tu  
 8:30 Exodus vs Muruks U19B  
 9:30 Exodus vs Muruks U19G  
 10:30 Exodus vs Muruks RW  
 12:00 Exodus vs Muruks RM

1:30 Exodus vs Muruks AW  
 3:00 Exodus vs Muruks AM  
 Sande 10/07/05  
 Kot Wan  
 8:30 Saints vs Souths U19B  
 9:30 Saints vs Souths U19G  
 10:30 Saints vs Souths RW  
 12:00 Saints vs Souths RM  
 1:30 Saints vs Souths AW  
 3:00 Saints vs Souths AM

Kot Tu  
 8:30 Birdwing vs Tamaraws U19B  
 9:30 Birdwing vs Tamaraws U19G  
 10:30 Birdwing vs Tamaraws RW  
 12:00 Birdwing vs Tamaraws RM  
 1:30 Birdwing vs Tamaraws AW  
 3:00 Birdwing vs Tamaraws AM  
 Bai: Chariots

**VOLIBOL FAIRFAX**

Sir John Guise Indoor Stadium  
 Sarere Julai 9, 2005  
 KOT 1 (Meri)  
 08:30 Lagoons vs Yonkies WA  
 09:30 Frenz vs Badili Hides WA  
 10:30 Telikom vs Esi Loan Neibas WA  
 11:30 Trans Hi Way vs Amotts WA  
 12:30 Fire Fox vs TI Doria WA  
 1:30 Freeway Hox vs Dolphins WA  
 2:30 Badili Hides vs Esi Loan WA

Kot 2 (Meri)  
 08:30 Badili Hides vs 14 Mixers WAR  
 09:30 Amotts vs Kakidos WAR  
 10:30 Dolphins 2 vs Fire Fox WAR  
 11:30 Freeway Hox vs Wet WAR  
 12:30 Telikom vs Dolphins 1 WAR  
 1:30 Trans Hi Way vs Seeto Kui WAR  
 2:30 TI Doria vs Yonkies WAR

Kot 3 (Man)  
 08:30 Lagoons vs Kakidos MAR  
 09:30 Freeway Hox vs TI Doria MAR  
 10:30 Esi Loan Neibas vs Fire Fox MAR  
 12:30 Moukele vs Freeway Hox MA  
 1:30 Telikom vs Lagoons MA  
 2:30 Esi Loan Neibas vs Fire Fox MA  
 3:30 Seeto Kui POM vs Amotts MA

Kot 4 (Man)  
 08:30 Badili Hides vs Wet MAR  
 09:30 Telikom vs Dolphins MAR  
 10:30 Frenz vs Moukele MAR  
 11:30 Frenz vs 14 Mixers MA  
 12:30 Amotts vs Telikom MAR  
 1:30 TI Doria vs Yonkies MA  
 2:30 Kakidos vs Dolphins MA  
 3:30 Telikom vs Yonkies MA



• Hangre... Noken wari lukluk long sait bilong ol pilai bai yu lukim ol manmeri i givim yu sans long baim kaikai na strongim yu olsem yu ken lukim long piksa bilong ANDREW MOLEN hia.

• Noken ting em i malolo: Dispela ragbi union pilaia i kisim taim nogut long taim ol narapela pilaia i silip antap na i luk olsem i brukim lek bilong em long pilai bitong ol long Bava Pak las Sarere. Foto: ANDREW MOLEN




• **Oi Sempion:** St Joseph Inteneseni Skul anda 9 tim i sanap wantaim tropi bilong ol bihain long ol i kamap namba 2 long divison bilong ol long Pot Mosbi Skul soka kompetisen.



• **Kam yah!** Pilaia bilong Gavoune i surukim han bilong em i go moa long kisim narapela pas long poro bilong em taim ol i pilai wantaim Poivuno long Pot Mosbi netbol kompetisen long Rita Flynn Kot long wiken.



• **Em bilong mi...** Pilaia bilong Koboni i kisim bal long graun na i laik ron-awe long ol birua bilong em bilong University Bulldog long Pot Mosbi AFL A Gret pilai long Colt Oval.



• **Yu traim!** Winga bilong Harlequins i traim bun wantaim winga bilong Wanderers long A risev pilai long Pot Mosbi ragbi yunion resis long Bava Pak long wiken.



• **Jason Hourai** bilong Titans i sambai long skoa long taim ol Birdwing i traim long pasim em long CBL A risev pilai bilong ol man long Hohola Kot long Sande. Tim bilong em i traim tasol strong i sot. Birdwing i win.



• **Sori tumas!** Graham Numa Jnr bilong Pole Vavine i pasim bal bipo long ol Maruone i paitim i go long sait bilong em long Pot Mosbi volibol pilai long Taurama Lesa Senta volibol kot. *Oi poto: ANDREW MOLEN*





# NRL NIUS



• Brisbane Broncos huka Barry Berrigan i kisim bagarap long lek na olsem em bai kisim tupela mun long kamap orait. Em i bungim dispela bagarap long 22-10 win pilai taim Bronocs i pilai wantaim Cronulla Sharks long las Sande. Long dispela yutiliti Casey McGuire husat i 18 Maroons 18 man bai kisim ples bilong em olsem huka. Na Michael Ryan husat pilai wantaim Toowoomba Clydesdales long Kwinslen Kap i narapela gutpela pilaia long kisim ples. Narapela pilaia tu em Neville Costigan.

• South Sydney Rabbitohs Bryan Fletcher i kisim mekimsave long tok krangki long kala bilong Parramatta Eels pilaia Dean Widders na olsem em i mas tok sori long em i ken pilai gut gen wantaim tim. Na em mekim pinis dispela tok sori long wanpela trening bilong tim long stat bilong wik. Long dispela wik eksekutiv i rausim em olsem kepten, pasim em long noken kamap long wanpela pilai na olsem em i kisim K20,000 sas long baim asua bilong em. Tasol em bai baim tasol K10,000 em ol i rausim na em bai baim tasol narapela K10,000. Dispela long wanem em i kolim Widders "blek k...".



• ...Mi laik makim Blues na Australia yet, Andrew Johns i tok taim em i putim han i go antap. Long em i bin gat bagarap planti manmeri i ting taim bilong dispela gutpela pilaia i pinis.



• Bullgogs stap long trabel... Bikpela man bilong ol Willie Mason (lep han) na Roy Asotasi i gat bagarap long bodi bilong ol long taim ol i pilai wantaim Melbourne Storms long las Sarere. Long dispela ol bai i no inap long stap long tim na pilai egensim Niu Silan Warriors long Auckland long dispela Sande. Narapela pilaia bilong ol Reni Maitua i laki na bai joinim tim na pilai.



• Sori tumas... Maroons bikpela manki Brad Thorn i kisim taim nogut long han bilong Blues i save hat long wanpela man tasol i stopim.



• Em i go holim em... Blues bikman Ben Kennedy i brukim banis bilong ol Maroons. Kain ron bilong Kennedy i save pretim ol narapela pilaia.

## Raun 18

Fraide, Julai 8- Eels vs Dragons. Yu ken lukim long EMTV long 8.30 long nait.



Sarere, Julai 9 -  
Rabbitohs vs Sharks  
Panthers vs Eagles  
Storms vs Raiders

Sande, Julai 10 - Knights vs Cowboys. Yu ken lukim dispela long EM TV long 4:00-6:00 avinun.



West Tigers vs Roosters  
Warriors vs Bulldogs  
Bai: Broncos

### NRL Poin Lata (after rnd 15)

Klab	P	W	D	L	B	P/D	Pts
1 Broncos	16	13	0	3	1	145	28
2 Eels	16	11	0	5	1	117	24
3 Cowboys	15	9	0	6	2	69	22
4 Sea Eagles	16	10	0	6	2	17	22
5 Sharks	15	9	0	6	2	-4	22
6 Storm	16	9	0	7	1	182	20
7 Dragons	16	9	0	7	1	46	20
8 Roosters	15	8	0	7	2	35	20
9 Raiders	15	8	0	7	2	-35	20
10 Wests Tigers	16	8	0	8	1	-15	18
11 Bulldogs	15	6	1	8	2	-35	17
12 Warriors	16	7	0	9	1	27	16
13 Panthers	16	5	0	11	1	-32	12
14 Rabbitohs	16	3	1	12	1	-225	9
15 Knights	15	1	0	14	2	-282	6


\* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

### Top 10 poin skora

Pilaia	Tim	Poin
1. Hazem El Masri	Bulldogs	152
2. Bret Hodgson	Sharks	144
3. Michael Witt	Sea Eagles	134
4. Luke Covell	Sharks	126
5. Preston Campbell	Panthers	114
6. Darren Lockyer	Broncos	113
7. Luke Burt	Eels	108
8. Matt Orford	Storms	107
9. Clinton Schifcoske	Raiders	104
10. Stacey Jones	Warriors	85



• Hatpela Brisbane Broncos man Tonie Carroll em dispela pilaia ol Maroons i wok long haitim long salensim Andrew Johns long dispela namba tri Stet ov Orijin pilai i kamap long nait.



# Husat tru i lida?

## ...Dispela wiken i bikpela wiken bilong planti tim

**Timothy Lapa i raitim**

Dispela wiken bai wanpela hatpela wiken bilong ol SP Kap tim.

Namba wan pilai em bai namel long Rabaul Agmark Guria na Pot Mosbi Monier Broncos long Kokopo, is Niu Britan provins.

Nau yet Guria i gat wanpela poin pas long Broncos na Brian Bell Bulldogs long 13 poin na bihain long tupela em LBC Bombers long 11 poin. Na olsem dispela wiken i bikpela wiken we bai tok husat tru em i lida bilong SP Kap.

Narapela strongpela pilai bai kamap namel long Bulldogs na Mioks long Pot Mosbi na LBC Bombers wantaim Coca Cola Lahanis long Lae.

Long pilai bilong Bombers na Lahanis ol Bombers bai lukluk long surukim yet dispela win bilong ol we ol i mekim long winim Muruks 30-26 las Sande. Ol i bin laki tru long dispela pilai.

Tasol wantaim dispela pilai dispela em bai graun bilong ol na ol i gat sapot. Ol bai nogat tupela tingting taim ol i krungutim graun. Wanpela tingting em long wilwilim ol apo tasol.

Long ol Lahanis ol i bin krangkil las Sande long Pot Mosbi Monier Broncos na olsem ol i mas kisim gutpela strong gen long bungim ol Bombers. Tasol dispela hevi bilong Lahanis i kamap long wanem ol i senis tim. Planti ol pilaia long tim i kisim bagarap na olsem ol nupela ol pilaia i kamap na pilai long las wik. Tasol sapos dispela ol pilaia i kamap orait na kamap long ol pilai ol bai kamapim strongpela pilai. Ol i wok long win gut na lus bilong ol long las wik i bagarapim dispela ron bilong ol. Moa yet kosa Leva Tete i save long ol i pilai wantaim Bombers dispela bai wanpela hatpela pilai gen.

Ol i gat gutpela fowet pek long kepten Wayne Warigiso, Johnson Alele, Timothy Warigiso, Adam Billy na Nicko Slain. Hevi



**Yu bai go we... Broncos Eke Ene i tok taim em i laik hukim Coca Cola Lahanis pilaia long las Sande pilai long Lloyd Robson pilai graun. Broncos i strong tumas na win 30-6. Foto: PAUL ZUVANI**

ol i gat long las wiken em ol i bin gat paia long kukim pilai na olsem ol i lus long Broncos. Na long redim ol yet ol Bombers i mekim tasol wanpela senis.

Ol i kisim gen kepten Tony Dai bihain long em i sik na olsem em i no bin pilai long las wiken. Russ Kaupa husat i kamapim gutpela pilai long las wiken bai go pas gen long kamapim gutpela pilai long hap bek wantaim senta Kevin Vitolo.

Long beklain ol i kamap yet long wanpela stretpela beklain tasol nau yet i gat ol pilaia olsem Lucas Daniel, Brown Wilby, Jonah Macky, Titus Maima na John Milba. Na Peter Kennedy na Jerry Bomai i stap yet long ol wing.

Long ol narapela pilai Monier Broncos husat i winim Goroka Lahanis 28-6 long

las wiken bai ron wantaim Agmark Guria long Kokopo, Mabey & Johnson Muruks lokim hon wantaim Chemica Cowboys long Goroka na Brian Bell Bulldogs pait wantaim Toyota Mioks long Pot Mosbi.

Long pilai bilong Monier Broncos dispela bai wanpela pilai em olgeta lain bai laik lukim. Tupela bai pait long painim husat tru i lida bilong SP Kap.

Bihain long raun 9 ol Guria i go pas wantaim 13 poin we bihainim ol em Broncos na Bulldogs long 12 poin, Bombers 11, Lahanis 8, Chemica Cowboys 6, Mioks 6 na ron bihain tru em Muruks wantaim 4 poin. Ol wiken risalt em Bulldogs winim Cowboys 24-16, Broncos kalapim Lahanis 30-6, Guria nokim Mioks 26-4 na Bombers bomim Muruks 30-26.

### Mosbi makim Yut tim

LAS wiken Pot Mosbi i makim pinis yut skwat pilai wantaim ol narapela tim long Lae long dispela wiken.

Papua Niugini Ragbi Futbol Lig i redim dispela pilai long makim skwat bilong em i go long Yut Wol Kap kwalifaing pilai we bai kamap long Rasia stat long Septemba 16 i go inap long Oktoba 2 bihain long dispela yia.

Foapela tim we bai makim foapela rijon Sauten, Momase, Hailans na Ailan bai kam long Pot Mosbi, Lae, Goroka na Kokopo lig.

PNG Skulboi Ragbi Lig siam Iffysoe Segeyaro i tok ol i makim ol tim long dispela ol lig long wanem dispela ol senta i gat ol pilai bilong skul boi na olsem ol narapela senta i no yet. Tasol em i tok i gat tingting na plen yet long surukim dispela skul ragbi lig program i go long narapela ol senta.

"Dispela pilai long Rasia bai opim ai bilong ol edministreta na ol pilaia long lukim kain sans olsem em i gutpela long standet bilong ragbi lig pilai bilong ol i go antap na olsem ol i ken kamapim ol gutpela pilaia," Segeyaro i tok.

Em i tok moa olsem dispela pilai bilong ol PNG Rasia i ken tokim ol long wanem standet em PNG i stap long en long dispela taim long Anda 16 ragbi lig pilai.

Wantaim dispela ol toktok Pot Mosbi i makim pinis skwat bilong em long go pilai long Lae. Dispela skwat em Kwalimu Kila, Swokim Magini, Philip Joshua, Leslie Vali, Stanley Simon, Bobby Kala, Karl Sampson, Dickson Wallen, Whelma Jerrick, Pender Don, Moore Evara na Tom Nao. Ol risev em Warrick Johnne, Steven Ipiri, Jack Jeffrey na Maole Nao. Kosa, trena na dokta i no yet.

### Madang makim Jon Traiel tim

MADANG Ragbi Lig i makim pinis A Gret na Anda 19 tim long wiken long kamap long Noten Jon trael long Lae long narapela wiken.

Siaman bilong selekta James Kasi i tokaut long nem bilong ol 17-man skwat bihain long gutpela pilai ol i kamapim.

Dispela tim em ol i kolim Madang Bat (bilak bokis) na dispela nem i bihainim lukluk bilong Madang taun yet we em i pulap long ol bilak bokis.

Ol tim em A Gret Joe Stegman, Toksy Bara, Jack Marabe, Paul Poka, Don Wia, John Samato, Lawrence Gande, Bal Michael, Philip Garima, Jimmy Karl, Okun Tumun, Mark Warua na Adam Umba. Ol risev em Frank Katenge, Meckenzie Moka, Arnold Ulka na Isaac Asa. Ol sedo pilaia em Robin Talopa, Manu Yama, Simon Kapolo na Samson Biki. Tim opisel em Boston, trena Robert Nemofa na dokta Hugh Saweni, tim menesa Joe Koleala.

Anda 19 tim em Michael Basse, Steven Ole, Joe Manalau, Victor Manamb, Chris Talau, Sammy Karl, Richard Sibolo Jnr, Trevor Kitao, Peter Kolka, Lapun Teine, Samson Kale, Simon Mundi na Hector Morris. Ol risev em Teina Dewa, Gaifor Yama, Mike Dage na Elias Balem. Ol sedo pilaia em Malcom Manzik, Andrew Ome, Lyod Anut, Jeffrey Iki na Emmanuel Ere.

Ol opisel em kosa Joe Passingan, trena Michael Kembon, dokta H. Henao na menesa em Muka Kaupa.

### Luteran yut soka tonamen

KIRAP Bek Luteran Yut sios long Gerehu las wik bin holim 3-pela de tonamen long kamapim mani bilong mausman bilong ol i go long nesenel yut konferens long Lae long Septemba.

Siaman bilong Kirap Bek Luteran Kongrigesen Nathan Nalau i tok i gat planti we long ol i ken kamapim mani na pilai spot i wanpela wei ol i ken yusim. Moa yet em i tok taim ol i pilai spot em i bungim ol memba bilong kongregesen na kamapim wokbung na wanbel pasin. Na em i amamas long ol tim husat i kamap na pilai long dispela taim long Gerehu Hai Skul spot graun. Long dispela soka na basketbol tonamen 12-pela tim i kamap na pilai, 6-pela bilong ol man na 6-pela bilong man. Ol tim i kam long 8-Maii, Tokarara, Granville, Waigani na Gerehu yet. Pilai i bin kamap gut tru we i lukim go gut tru lukim man soka i go long Hard Rock, Morobe Blok, Kipo na Is Borok.

## PNG Spot Federesen PM golf salens kamap gen

PAPUA Niugini Spot Federesen na Olimpik Komiti bai i gat sans long kisim mani nau long taim em i redi long holim Prais Minista Kopret Golf Salens long Lae long tumoro.

Long dispela Federesen na Komiti fan resing siaman Syd Yates i tok long pastaim PM Golf Salens we i bin kamap long dispela yia long Pot Mosbi i tok i tru ol i bin kisim sampela mani long dispela taim tasol hap mani bilong bungim kos bilong salim ol tim i stap yet na olsem ol i mas mekim ol samting long kisim dispela mani.

Ol pilai em PNGSF na Olimpik Komiti i laik salim ol tim em long PNG tim i go long mini Saut Pasifik Gems we kamap long pinis bilong dispela mun Julai 24 i go inap long Ogas 4 na Mas 15 i go inap long 26, 2006 Komenwel Gems long Melbon, Australia. "Dispela em i namba wan taim mipela i kisim PMCGC i go long Lae na olsem mipela i singaut long ol bisnis haus long Lae na long ol bisnis haus long Momase na Hailans rijon long

kam joinim mipela long Fraide," Yates i tok. "Sapos mipela inap long kisim sapot long Ailan rijon mipela i ken tok tru olsem i nogat wanpela solwara, maunten o veli inap pasim rot bilong mipela-long kisim PNG tim i go long narapela kantri," em i tok.

"Wok bilong kisim mani na salim tim i go long narapela kantri oltaim i no isi tasol mipela i amamas long ol bisnis haus husat kam long helpim mipela.

Olgeta mani em ol i kisim bai go long salim PNG Tim i go long Palau mini Gems na Melbon Komenwel Gems. Dispela PMCGC bai kamap long Ambrose we foapela tim bai pilai na dispela bai givim sans long ol lain manmeri husat i no save pilai golf long pilai tu. Yates i tok ol bisnis haus bai sponsorim tim long K2000 o wanwan pilaia long K500. Nau long dispela taim 19-pela haus long Lae i tokaut long laik bilong ol kamap na pilai.

Wantaim tropi em K2000 nominesen fi bilong wining tim ol bai go bek long ol. Ol i makim pinis sampela samting.

## Goroka soka i kamap strong

GOROKA Soka Asosiesen bai go insait long namba 9 seken raun bilong em long wiken long Sarere na Sande.

Olgeta divison long primia na i go daun long anda 15 divison bai kamap long pilai bilong ol. Long primia pilai bilong ol man Blue Kumuls bai bungim Telikom, Guria pitaiaim Gold Coast na Momase lokim hon wantaim Crossroad.

Na long primia pilai bilong ol meri pilai bai stap namel long Momase na Crossroad, Blue Kumuls wantaim Telikom na Guria palai wantaim Gold Coast. Long A risev ol Momase bai pilai wantaim Crossroad, Blue Kumuls pilai Telikom, Guria sek wantaim Gold Coast na Murak blok wantaim Chavica. Na las pilai bai stap namel wantaim

Chauka na Murat. Dispela ol pilai bai kamap long Nesenel Spot Institut. Kosa bilong Chauka Jona Leo i tok em i lukluk long ol pilaia bilong em olsem Mairi Noni husat i ken lukautim gut ol bal long maus bilong gol. Na long helpim em em Mathew Brilliance long mid fil, Esse Lawrence long rait flenk na Mathew Robin long left flenk. Na stap swipa em Kanawi Vanva husat i wanpela namba wan bek lain pilaia. Leo i tok gat bikpela bilip long ol i winim Murat.

Murat long narapela sait i redi long kisim Chauka husat i save pilai hariap na pilai strong. Na wankain olsem Chauka Murat i gat ol save lain bilong pilai olsem Sammy Sasamu. Sasamu i ken ron olsem roket taim em i kisim bal na em i gat strong bilong kik.

..tingting bilong senisim Slater i no wok long Maroons kem

...i kam long bek pes

Long ol kepten Maroons kepten Darren Lockyer i no bin kamapim kain pilai em i mas kamapim long namba wan hap. I nogat planti kik i kamap long sait bilong em. I nogat inap daireksen i kam long em tu.

Na long hap sait bilong em Danny Buderus i wok hat. Na wantaim strong ol Blues i kisim long stap bilong Andrew Johns ol i nogat planti ling long ronim bal. Johns yet i go pas long soim dispela bilip em ol i gat long ol yet.

Wanpela samting em ol pilaia na tim i mas gat long ol yet em ol i mas i gat bilip. Na dispela bipo Blues na Australia kepten Brad Fittler i tokaut long em bipo na hap taim bilong pilai i kamap long nait. Ol Blues i gat bilip long ol yet.

Long tokaut long pilai em i wanpela wan sait pilai. Kain skoa i givim sem long ol Maroons. Ol i no skoa klostu long olgeta hap bilong pilai inap long 74 minit we i lukim hap bek Jonathan Thurston i skoa long ol. Sapos nogat ol inap karim sem wantaim kiau.

Ol poin i kamap stat long 9-pela minit bilong



Ol Maroons i amamas liklik long Matt Bowen i skoa long givim ol sampela strong.



• Bilkpela Blues prop Ben Kennedy i no save wari long hamas man i mas banis. Em i go tasol.

pilai taim Craig Fitzgibbon i kikim tu poin long wanpela penolti. Namel long dispela minit na 20 minit ol Maroons i bin gat planti sans long skoa taim ol i kisim planti ol set bilong siks wantaim ol penolti tasol ol i no mekim wanpela samting. Long wanpela taim ol manmeri i ling Andrew Johns i kisim bagarap long skru bilong em tasol long kros bilong ol Maroons em i kirap na wokabaut gen.

Long 21 minit Johns i tromoi wanpela gutpela bal i go long faiv eit bilong em Braith Anasta husat i putim namba wan trai bilong ol Johns i konvet na ol i go pas wantaim 8-0.

Tasol dispela i no stap long taim we i lukim ol Blues i skoa gen we Mark Gasnier i ron na kisim gut bai bilong Andrew Johns long skoa. Johns yet i konvet na i lukim skoa i go antap moa long 14-0.

Na bipo long hap taim bikpela pilai bilong Storms na Blues Matt King i kisim gutpela bal long Anthony Minichello long skoa. Dispela i kisim skoa i go antap long 18-0 long hap taim malolo. Bihain long hap taim long 47 minit Matt

King i skoa gen we Johns i konvet na skoa i go antap long 24-0.

Bihain long dispela Timana Tahu na King i skoa gen we i kisim skoa i go antap long 32.


Trai bilong Thurston i kamap long 74 minit wantaim konveson long Cameron Smith na trai bilong Matt Bowen i givim ol 10.

Fainol pilai em 32-10.

"Man of the Match" prais na Wally Lewis Stet ov Orijin sil i go long Blues ful bek Anthony Minichello.

Long dispela pilai Andrew Johns i joinim Alan Langer na Brad Fittler long Orijin histori long helpim na givim win long tim bilong ol. Langer i givim win long Maroons na Fittler i givim win long Blues. Na nau Johns i givim win long Blues bihain long em i tok em pinis long kamap long ol kain bikpela pilai. Dispela i namba tu taim ol Blues i winim fainol pilai long Brisbane.

Long ol Maroons sapota dispela 2005 Stet ov Orijin pilai i pinis tasol 2006 i stap yet na olsem ol bai mas lukluk long dispela.



• Maroons Shaun Berrigan i painim hat long brukim banis bilong ol Blues. Kain banis olsem i givim ol win.

Lae basketbol skwat

Timothy Lapa i raitim

LAE Basketbol Asosiesen i makim pinis trening skwat bilong em long kamap long All-Stars Basketbol sempionsip we bai kamap long Kokopo long Is Niu Britan provins long dispela Septemba.

I gat foapela tim long dispela trening skwat em tupela bilong man na tupela bilong meri. Long tim bilong ol man Lae Gold man tim em- Glen Hopping, Amos Paulus, Kevin Teme, Bart David, Hamphry Jerry, Rutus Bayu, Base Iga, Dabuna Molo, Joseph Geno, Martin Labi, Dean Lamu, Edwin Buala, Paipo Maliaka, Peter Buala na Steven Jack. Kosa em Larry Posa.

Lae Grin man- Rueben Tata, Jeffery Kiki, Raymond Linasi, John Iga, Dansiey Daniel, Wayne Lucas, Elias Kama, Gaugari Amos, Jack Timon, Gelam Jeffery, Robin (Jets), Kila Gali, Lawrence Bumalon na Simon Banawa. Kosa em Tom Joumkalor.

Long tim bilong ol meri em Gold meri- Nellie Yamsop, Albina Joumkalor, Esther Gawa, Colish Jamaka, Ethy Bayu, Vhasty Jamop, Vivian Gawa, Evely Busop, Agnes Sumareke, Susan Morris, Nancy Yapi na Nelly Ipi. Kosa Danny Smith, namba tu kosa Albina Joumkalor.

Lae Grin- Yanan Hopping, Walin Watu, Ronnie Tiac, Kellera Amos, Martha Bonga, Lillian Oiyee, Weny Akusa, Sarah Koi, Cathy Thomas, Gelam Margaret, Elly Lele, Belind (Jets) na Elizabeth Jacob. Kosa Martha Aaron, namba tu kosa em Bob Aaron. Tim menesa em Anastasia Pesh.

Somare Kap kanu resis

Andrew Molen i raitim

DISPELA wik em i laspela bilong ol tim long redi long bikpela kanu resis we bai i kamap long Fraide long Pot Mosbi.

Ol kanu bai i kam long longwe ples olsem long Aroma kos long bungim ol kanu bilong ol asosiesen olsem Tubusereia, Porebada, Barakau, Hanuabada, Elevala na Mokukele long kamap long dispela resis long Pot Mosbi.

Ol ogenaisa i tok ol i redi pinis na i redi tasol long holim dispela resis.

Ol lasin i go pas long mekim dispela tonamen i kamap i tok ol pabfik bai i lukim sampela gutpela resis i kamap namel long sampela bilong ol stail kanu wantaim nambawan kru bilong ronim ol long wara.

Resis bai stat long Fraide na pinis long Sarere avinun.


Ol kanu olsem Vearinama husat i winim Mike Wilson Kap sampela wik i go pinis long Kanudi Kanu resis bai resis wantaim ol narparapela olsem Imou Ai, Meri Wabag na Moce Gil bai kamap na traim strong gen.

Man i go pas long kamapim dispela resis na tu presiden bilong Ela Bis Vanagi Resing Asosiesen, Ano Pala i tok dispela resis we i wok long kamap bikpela olgeta yia bai i amamasim tu kalsa na pasin tumbuna bilong PNG.

"Ol samting i go gut tasol na ol manmeri i noken kirap nogut sapos dispela resis (Sir Michael Somae Kap) i winim Hiri Moale kanu resis olsem bikpela moa resis bilong dispela yia," Pala i tok.

"Lukluk tasol long namba bilong ol kanu we i go antap, planti gutpela kru na planti manmeri husat i soim sapot long dispela spot i soim olsem bai ol i lukim tupela gutpela de bilong kanu resis," Pala i tok. Ol eksekyutiv bilong Vanagi Resing Asosiesen i toksave long ol tim olsem olgeta bai i resis aninit long lo bilong resis bilong asosiesen olsem na ol i mas i gat wankain sais kanu na sel olsem ol lo i tok.

Ol kanu bilong A Gret divison i mas inap olsem 25 fut o moa, B Gret i mas 22 fut longpela o moa tasol i noken aburusim 24 fut na ol



• Kanu Vearinama husat i gat nem nau bihain long em i winim Kanudi Kanu resis sampela wik i go pinis em kanu we ol narapela kanu bai salens wantaim em. Bai i gat bikpela namba bilong ol kanu husat bai kamap na resis.

C Gret kanu i mas inap olsem 19 fut o moa tasol i noken aburusim 21 fut.

Ol i tok ol bai lukluk long ol sel tu long mekim bai olgeta kanu i resis long wankain level.

Ol A Gret kanu i mas inap olsem 17 x 11 fut,

ol B Gret i mas inap long 16 x 10 fut na ol C Gret em 15 x 9 fut em i mak.

Radio Sentrol em i bikpela sponsa bilong dispela resis. Moa long 100 kanu bai kamap long dispela resis.

Lamana snuka

BIHAIN long las Sande pilai ol mak i soim husat tru i gutpela pilaia. Long dispela taim ol lain husat i winim bikpela frem em Kim Kala wantaim 9 frem we em i winim long 10-pela frem, Andrew Terry, Ralph Kaina na Bob Kamelo i winim 8-pela frem.

Ol mak em long grup A Bob Kamelo husat i pilai egensim William Walimu (4-1), grup B Ralph Kaina husat i pilai egensim Robin Walimu (5-0), grup C Kim Kala husat i pilai egensim Rupa Kala (5-0) na grup D Andrew Terry egensim Paul-Max Nangoi (5-0).

Ol pilai i save kamap long Sande avinun stat long 6:30 na 7:30 nait long ol Tunde. Olgeta manmeri i ken go na lukim.

PNG no inap go long Wol Kap kriket

PNG bai i no inap go long 2007 West Indies bihain long em i lus long planti pilai bilong em long pul bilong em. Long tupela pilai long wiken em i lus long Holland na Namibia.

Long pilai bilong ol wantaim Holland long Fraide PNG i mekim 69 ran long 26.1 ovas we tripela pilaia bilong em i kisim pato. Pilaia Jamie Brazier tasol i mekim bikpela ran long 16. Long dispela taim Holland i mekim 70 ran long 14.4 ova tasol. Long pilai bilong ol wantaim Namibia PNG i mekim 154 ran long 44.3 ova na Namibia husat i bet pas i mekim ol-aut long 252 ran long 49.4 ova.

Na long pilai bilong PNG wantaim Scotland long Tunde em i mekim tasol 90 ran long 35 ova. Em bai mekim las pilai wantaim Oman long aste.


**LAE BISCUI TS CO.**

LAE BISCUI TS CO.  
BIKPELA NA STRONGPELA

# WANTOK SPOTS

**LAE BISCUI TS CO.**

LAE BISCUI TS CO.  
BIKPELA NA STRONGPELA



# Blues!

**TRUKAI FARMS**

**STOCK FEED**


**Laip Strongpela Kwiktam**



**Mipela i sempion... Blues fulbek na namba tri Stet ov Orijin "Man of the Match" Anthony Minichello i amamas wantaim wan pilaia bilong em long win. Putim han i go antap em man nogut bilong Blues na hap bek Andrew Johns. Blues i kam bek gut long winim Maroons long dispela fainol pilai 32-10 long Suncorp Stedum, Brisbane long nait bihain tupela sait i winim long tupela sait i win 1-1.**

**DIFENS** o strong i bikpela samting long man i mas i gat sapos em i laik long mekim samting na em dispela samting i mekim Blues i bagarapim Maroons 32-10 long Namba tri pilai bilong Stet ov Orijin long nait. Na tru tumas Blues i soim dispela long nait long ai bilong 52,000 manmeri husat i kamap na lukim dispela pilai. Planti moa i lukim na harim dispela pilai long television o harim long redio. Wantaim strong we i mekim ol Blues i nekim ol Maroons em laik na tingting bilong pilai. Ol Blues long stat

yet i lukim dispela pilai olsem em i laip bilong ol. I min olsem sapos ol i win dispela i laip bilong ol na sapos ol i lus em pinis bilong ol, ol bai i nogat nem. Na long ol Maroons dispela i no tingting bilong ol. Long wei ol i pilai i luk olsem ol i lukim dispela pilai olsem em i wanpela pilai nating tasol. Tru sampela pilaia i save dispela em i bikpela pilai tasol ol i no inap painim wanpela wei long autim tingting bilong ol. Olgeta rot em Blues i pasim. **i go moa long pes 31...**



**TOYOTA LAND CRUISER**

**HEAVY DUTY**

**4.2 litre Diesel engine**  
**10 Seater 4x4 Troop Carrier**

**FOR ENQUIRIES CONTACT**  
**PH 3229400**  
**FAX 3217268**  
Email : [mhim@elamotors.com.pg](mailto:mhim@elamotors.com.pg)

**Ela Motors**  
**TOYOTA**

TOYOTA TSUSHO (PNG) LTD.